

海燕然金微幽陵等九都督府別爲蕃州以僕骨歌濫拔延爲右武衛大將軍金微都督訛爲僕固氏生乙李啜乙李啜生懷恩世襲都督懷恩善戰曉識戎情部分謹嚴安祿山反從郭子儀討賊雲中破之擒薛忠義於下馬邑進會李光弼戰常山走史思明肅宗卽位與子儀赴靈武至德二載丁酉從子儀克復兩京有殊功詔封豐國公乾元己亥拜朔方行營節度使封大寧郡王時回紇毗伽關爲少子請婚帝以懷恩女妻之少子立爲登里可汗而懷恩女爲可敦代宗寶應元年壬寅帝召兵於回紇而登里可汗已爲史朝義所誘引衆益塞帝遣懷恩及其母與可汗會太原可汗遂請和助討朝義於是懷恩同平章事副元帥擊朝義走之懷恩進取東都河陽使其子遂北朝義遂走平州范陽李懷僊誅朝義以降河北諸州皆已降

朝義降將薛嵩田承嗣及懷僊等迎懷恩拜於馬首乞行間自爲恩恐賊平體衰故奏留嵩等及李寶臣分帥河北朝廷從之以嵩等爲河北諸鎮節度使唐失河北實自此始郭子儀請讓位於懷恩乃遷左僕射朔方節度使懷恩受詔與回紇可汗相見於太原河度節度使辛雲京恐其合謀襲軍府閉城自守亦不犒師懷恩怒具表其狀不報中使駱奉先至太原雲京厚結之使言懷恩反狀已露懷恩亦奏請誅雲京奉先詔和解之懷恩自以兵興以來所在力戰一門死王事者四十六人女嫁絕域說諭回紇再收兩京平定河南北功無與比而爲人構陷憤怨殊深上書自訟上遣裴遵慶詣懷恩喻旨諷令人朝懷恩抱遵慶足號泣訴寃然以懼死爲辭竟不奉詔甲辰四月懷恩反謀取太原辛雲京覺之乘城設備懷恩使其子瑒攻之

大敗而還瑒進圍榆次十將白焦暉白玉攻殺之懷恩聞之入告其
母母曰吾語汝勿反國家待汝不薄今衆心旣變禍必及我將如之
何懷恩不對而出母提刀逐之曰吾爲國家殺此賊取其心以謝三
軍懷恩疾走得免遂與麾下三百渡河北上命輦懷恩母至長安給
待優厚月餘以壽終以禮葬之子儀如汾州懷恩之衆數萬悉歸之
懷恩至靈武收合亡散其衆復振上厚撫其家語微詣闕懷恩竟不
從七月懷恩遂引回紇吐蕃十萬衆入寇京師震駭乃詔子儀出鎮
奉天十月懷恩逼奉天子儀出兵擊之懷恩不戰而退攻邠州不克
遂遁乙巳九月懷恩誘回紇吐蕃雜虜入寇懷恩道中塗遇暴疾死
十月回紇受盟而還吐蕃夜遁子儀恐懷恩驍將逃入外夷請招之
上其罪詔回紇送之懷恩從子名臣自回紇以千餘騎降懷恩臣

三年再引胡寇爲國大患上猶爲之隱曰懷恩不反爲左右所

綱目代宗廣德二年

甲辰

夏四月僕固懷恩反寇太原永泰元年

乙巳

秋九月僕固懷恩誘回紇吐蕃雜虜入寇懷恩道死

舊書史臣曰僕固懷恩李懷光咸以勇烈有勞王家爲臣不終遂
行反噬其罪大矣然辛雲京盧杞輩致彼二逆貽憂二君亦可謂
國之讒賊矣

新書贊曰懷恩與賊百戰闔宗死事至四十六人遂汎掃燕趙無
餘埃功高威重不能防患凶惡根於心弗得其所輒發果於犯上
惜哉其母拔刀逐賊烈婦人也懷光提萬衆振天子於難一爲讒
人所沮忿戾不自還身首殊分然讒人亦可疾矣所謂交亂四國

者也

周智光少賤失其先系以騎射從軍起行間爲裨將魚朝恩鎮陝州與相昵款數稱薦之累遷同華二州節度使永泰乙巳九月僕固懷恩誘吐蕃回紇入寇智光屯引兵邀擊破之於澄城因逐北至麟州智光素與杜冕不協遂殺刺史張麟阮冕家屬焚坊州廬舍十月郭子儀等已破吐蕃智光亦詣闕獻捷再宿歸鎮智光負專殺之罪未治帝旣遣而悔之乙酉回紇胡祿都督等二百餘人入見前後贈賚繒帛十萬匹府藏空竭稅百官俸以給之大曆丙午秋智智光至華州益驕橫召之不至上命杜冕從張獻誠於山南以避之智光遣兵於商山邀之不獲智光自知罪重乃聚亡命無賴子弟衆至數萬縱其剽掠以悅其心擅留關中漕米二萬斛藩鎮貢獻往往殺其使

者而奪之十二月癸卯周智光殺陝州監軍張志斌智光素與陝州刺史皇甫溫不協志斌入奏事智光館之志斌責其部下不肅智光怒曰僕固懷恩不反正由汝輩激之我亦不反今日爲汝反矣叱下斬之嚮食其內朝士舉選人畏智光之暴多自同州竊過智光遣將將兵邀之於路死者甚衆戊申詔加智光檢校左僕射遣中使徐元仙持告身授之智光慢罵曰智光有大功於天下國家不與平章事而與僕射且同華地狹不足展才才若益以陝虢商鄜坊五州庶猶可耳因歷數大臣過失且曰此去長安百八十里智光夜眠不敢舒足恐踏破長安城至於挾天子令諸侯惟周智光能之元仙股栗郭子儀屢請討智光上不許丁未正月丁巳密詔郭子儀討周智光子儀命大將渾瑊李懷光軍于渭上智光麾下聞之皆有離心華州牙

將姚懷李延俊殺智光以其首來獻

綱目大曆元年丙午冬十二月周智光殺陝州監軍張志斌二年丁未

春正月詔郭子儀討周智光斬之

卮言曰唐之藩鎮擁兵拒命者皆倖亂也而獨系僕固懷恩及周智光李懷光於亂賊何也諸鎮之悖多成於因襲亦以朝廷馭之無其道也僕固懷恩李懷光則朝廷無失焉彼皆起邊徼以立功從元戎而討賊非有專據之執叛逆之跡也天下信之朝廷用之爵寵優渥比於元勳雖有讒間之言未失優崇之禮乃謀反叛犯上負恩非其氣稟素惡然乎故曰非我族類其心必異若二逆者固胡種也宜其終蹈安史之轍也周智光稍立微功遂生大難蓋又盜賊之下矣

許果爲平盧行軍司馬癸卯十一月果將卒三千餘人駐濠州不去有窺淮南意淮南節度使崔圓令副使張萬福攝濠州刺史果聞卽提卒去止當塗上召萬福爲和州刺史使討之萬福至和州杲懼移軍上元又北至楚州大掠淮南節度使韋元甫命萬福追討之未至淮陰杲爲將軍自勸所逐自勸擁兵繼掠循淮而東萬福倍道追而殺之免者什二三

臧玠爲湖南兵馬使庚戌四月玠殺觀察使崔灌澧州刺史楊子琳起兵討之取賂而還

梁牽崇牽嶺南蠻酋也辛亥二月崇牽自稱平南十道大都統據容州與西原蠻張侯夏永等連兵攻陷城邑前容管經畧使元結等皆寄治蒼梧經畧使王翊至滕州以私財募兵不數月斬賊帥歐陽珪

馳請廣州見節度使李勉請兵以復容州勉以爲難翊曰大夫如未暇出兵但乞移牒諸州楊言出千兵未援冀藉聲勢亦可成功勉從之翊乃與義州刺史陳仁瓘藤州刺史李曉庭等結盟討賊翊募得三千餘人破賊數萬攻容州拔之擒梁崇牽盡復容州故地分命諸將襲西原蠻復爵林等諸州先是番禺賊帥馮崇道桂州叛將朱濟時皆據險爲亂陷十餘州官軍討之連年不克李勉遣其將李觀與翊并力攻討悉斬之三月五嶺皆平

綱目大曆六年

辛亥

春二月嶺南蠻酋梁崇牽作亂討平之

哥舒晃爲循州刺史大曆癸丑九月晃殺嶺南節度使呂崇賁據嶺南反詔以江西觀察使路嗣恭爲嶺南節度使討之乙卯十一月嗣恭擢流人孟瑤敬晃爲將討晃瑤以大軍當其衝晃自問道輕入丁未克廣州斬晃及其黨萬餘人

綱目大曆八年

癸丑

秋九月循州刺史哥舒晃反十年乙卯冬十一月

嶺南節度使路嗣恭克廣州斬哥舒晃

覃問西原賊帥也路嗣恭之討晃也容管經畧使王翊遣將將兵助之問乘虛襲容州翊伏兵擊擒之

右代宗之世

劉文喜初爲四鎮北庭留後已未五月代宗崩德宗卽位庚申二月李懷光爲涇原節度使移軍原州以文喜爲別駕揚炎欲城原州以復秦原命李懷光居前督作朱泚崔寧各將萬人翼其後詔下涇州爲城具涇之將士怒曰吾屬爲國家西門之屏十餘年矣始居邠州甫營耕桑有地著之安徙屯涇州披荆榛立軍府坐席未暇又投之

塞外吾屬何罪而至此乎李懷光始爲邠寧帥卽誅溫儒雅等軍令嚴峻及兼涇原諸將皆懼曰彼五將何罪而爲戮今又來此吾屬能無憂乎劉文喜因衆心不安據涇州不受詔上疏復求段秀實爲帥不則朱泚癸亥以朱泚兼四鎮北庭行軍涇原節度使代懷光劉文喜又不受詔欲自邀旌節夏四月乙未朔據涇州叛遣其子質於吐蕃以求援上命朱泚李懷光討之又命神策軍使張巨濟將禁兵二千助之五月朱泚等圍劉文喜於涇州杜其出入而閉壁不與戰久之不拔天方旱徵發餽運內外騷然朝臣上書請赦文喜以蘇疲人者不可勝紀上皆不聽曰微孽未除何以令天下文喜使其將劉海賓入奏海濱言於上曰臣乃陛下藩邸部曲豈肯負叛人必爲陛下具首以獻但文喜今所求者節而已願陛下姑與之文喜必息

臣計得施矣上曰名器不可假人爾能立效固善我節不可得也使海濱歸以告文喜而攻之如初減御膳以給軍士城中將士當受春服者賜予如故於是衆知上意不可移時吐蕃大寇於唐不爲發兵城中勢窮庚寅海濱與諸將共殺文喜傳首而京州竟不果城

綱目德宗建中元年庚申夏四月劉文喜據涇州作亂詔朱泚李懷光討之五月涇州諸將殺劉文喜以降

王國良本湖南牙將也初觀察使辛京果使國良戍武岡以扞西原蠻京果貪暴國良家富京果以死罪加之國良懼據縣叛與西原蠻合聚衆千人侵掠州縣湖千里咸被其害詔荆黔洪桂諸道合兵討之連年不能克庚申七月曹王臯爲湖南觀察使乃曰驅疲疇誅反反非策之得者也乃遣國良書言將軍非敢爲逆欲救死耳我與

將軍俱爲辛京果所構我已蒙聖朝前洗何心復加兵刃於將軍乎
將軍遇我不速降後悔無及國良且喜且懼遣使乞降猶疑不決臯
乃假爲使者從一騎越五百里抵國良壁鞭其門大呼曰我曹王也
來受降舉軍大驚國良趨出迎拜請罪臯執其手約爲兄弟盡焚攻
守之具散其衆使還農詔赦國良罪賜各惟新

綱目建中元年

庚申

秋七月鄧州賊帥王國良降

李孟秋爲濱州司馬建中三年壬戌七月孟秋舉兵反自稱安南節
度使安南都護輔良交討斬之

李楚琳爲鳳翔後營將建中四年癸亥十月涇原兵過京師作亂帝
奔奉天朱泚反據長安時鳳翔節度使張鎰性儒緩好修飾邊幅不
習軍事聞上在奉天欲迎大駕具服用貨財獻于行在楚琳爲人劇
悍軍中畏之嘗事朱泚爲泚所厚行軍司馬齊映言於鎰曰不若
琳必爲亂者鎰命楚琳出戍隴州楚琳託事不時發鎰方以迎駕爲
憂謂楚琳已去矣楚琳夜與其黨作亂鎰追城而走賊追及泚之楚
琳自爲節度使降于朱泚隴州刺史郝通奔于楚琳始上以奉天迫
隘欲幸鳳翔戶部尚書蕭復曰鳳翔將卒皆朱泚故部曲其中必有
與之同惡者臣尚憂張鎰不能久豈得以鑾輿蹈不測之淵乎上曰
吾行計已決試爲卿留一日明日聞亂乃止

奉天圍旣解楚琳遣使入貢上不得已除鳳翔節度使而心惡之使
者數輩至上皆不引見欲以渾瑊代之陸贄奏曰楚琳之罪固大但
以乘輿未復大憝猶存勤王之師悉在畿內僅通王命唯在褒斜儻
或楚琳發憾猖狂則我咽喉梗而心膂分矣今幸兩端顧望正宜厚

加撫循得其持疑便足集事必欲精求素行追抉宿疵則是改過不
足以補闕自新不足以贖罪凡今將吏豈盡無疵人皆省思孰免疑
畏又况阻命脇從之流安敢歸化哉上乃善待楚琳使者優詔存撫
之六月李晟收復京城朱泚亡走其將韓旻斬之以降帝發梁州問
陸贄今至鳳翔諸軍甚盛因此遣人代李楚琳何如贄上奏曰如此
則事同脅執不知俟莫枕京邑徵授一官彼將奔走不暇安敢復勞
誅鉏哉七月至鳳翔喬琳蔣鎮等伏誅車駕還長安以李晟爲鳳翔
節度使時楚琳入朝晟請與俱至鳳翔斬之以懲逆亂上以新復京
師務安反及不許晟至鳳翔治殺張鎰之罪斬裨將王斌等十餘人
綱目建中四年癸亥冬十月涇原兵過京師作亂帝如奉天朱泚反
據長安鳳翔將李楚琳殺節度使張鎰降于朱泚朱泚僭號犯奉

天十一月李晟擊朱泚破走之奉天圍解興元元年甲子春正月
翔節度使李楚琳遣使請行在

李懷光渤海靺鞨人本姓茹父常徙幽州爲朔方部將以戰功賜姓
更名嘉慶懷光在軍積勞至開府儀同三司爲都虞侯勇鷲敢誅殺
郭子儀在朔方委懷光紀綱軍中事軍中畏之及德宗罷子儀副元
帥而以所部兵分諸將故懷光遂爲寧晉等州節度使建中初楊炎
欲城原州又以懷光兼帥涇原懷光以私忿誅殺朔方舊將涇卒遂
以城叛懷光與朱泚討平之徙朔方節度使仍領邠寧是時田悅朱
滔等連兵拒命詔懷光以朔方兵與馬燧等并力討之懷光軍敗燧
等退屯魏縣相持不戰詔加懷光同平章事建中三年癸亥冬十月
涇原兵過京師作亂帝奔奉天朱泚反據長安自稱秦帝遂圍奉天

懷光率所部入援奔命敗泚軍於醴泉又敗賊於魯店泚解圍去進
加副元帥中書令懷光嘗與人言盧杞姦佞吾見上當請誅之杞聞
之懼乃言於帝使懷光乘勝取長安帝從之詔屯便橋懷光快快曰
吾今已爲姦臣所排事可知矣遂引兵行屯咸陽不進上表暴盧杞
等罪惡帝貶杞等爲遠州司馬以慰之懷光益自疑遂有異志興元
甲子二月懷光惡李晟獨當一面恐其成功奏請與晟合軍詔許之
懷光陰與朱泚通謀事迹頗露晟屢奏恐爲所逼請移軍東渭橋奏
不下帝欲新幸咸陽趣諸將進符詔加懷光爲太尉賜以鐵券懷光
於地辭氣甚悖懷光遂反帝奔梁州三月懷光以李晟軍盛恐爲
所襲乃奔何中貞元乙丑三月馬燧屢敗懷光兵八月取長春宮遂
帥諸軍至河中懷光自縊而死赦懷光一子收葬其尸

收葬其尸

達奚抱暉爲陝虢都兵馬使貞元乙丑七月抱暉鳩殺節度使張勸
代總軍務邀求旌節且陰召李懷光將達奚小俊爲援上以李沁爲
陝虢都防禦水陸運使沁見陝州將吏在長安者語之曰主上以陝
虢飢故不授沁節而領運使欲令督江淮者以賑之耳陝州行營在
夏縣若抱暉可用當使將之有功則賜旌節矣抱暉覘者馳告之抱
暉稍自安泌疾軀而前去城十五里抱暉出謁沁撫慰之稱其攝事
保完城隍之功日軍中煩言不足介意抱暉出而喜泌旣入城視事
賓佐有請屏人曰事者泌曰易帥之際軍中煩言乃其常理泌到自
安貼矣不願聞也由是反仄者皆自安泌但索簿書治糧儲明日召
抱暉至宅語之曰吾非愛汝而不誅恐自今有危疑之地朝廷所命

將帥皆不能入故旬汝餘生汝爲我齎版幣祭前使慎無入關自擇安據潛來取家保無它也泌械兵馬使林滔等五人送京師懇請赦之歲餘竟殺之而抱暉遂亡命不知所之

綱目貞元元年乙丑秋七月陝虢軍亂殺其節度使張勸詔以李泌

爲都防禦轉運使

李軟妖妖僧也貞元丁卯十月軟奴自言本皇族見嶽瀆神命已爲天子結殿前射生將韓欽緒等謀作亂丙戌其黨告之上命捕送內侍省推之李泌密奏請出付臺推從之欽緒遊瓌之子也亡抵邠州遊瓌出屯長武城留後械送京師壬辰腰斬軟奴等八人遊瓌委軍詣闕謝上遣使止之委任如初遊瓌又械送欽緒二子上亦宥之十二月李泌以軟奴之黨猶有在北軍未發者請大赦以安之

綱目貞元三年丁卯冬十月李軟奴等作亂伏誅

黃少卿欽州蠻酋也貞元甲戌五月少卿反圍州城邕管經畧使孫公器奏請發嶺南兵救之上不許遣中使諭解之八月少卿陷欽橫潯貴等州攻公孫器於邕州憲宗元和戊子五月少卿請降以爲歸順州刺史少卿雖降而數反覆巳亥十月桂管觀察使裴行立容管經畧使陽曰文欲徼幸立功爭請討之上從之嶺南節度使孔戣屢諫曰此禽獸耳但可自計利害不足與論是非上不聽大發江湖兵會容桂二管入討士卒被瘴癘死者不可勝計安南殺之遂殺都護行立旻竟無功二管彫弊庚子正月穆宗卽位十二月國子祭酒韓愈上言黃家賊居無城郭依山傍險尋常亦各營生急則屯聚相保比緣邕管經畧使多不得人德旣不能緩懷威又不能臨制侵欺虜

縛以致怨恨遂攻劫州縣侵暴平人或聚或散終亦不能爲事近者
裴行立陽旻意在邀功獻計征討邕容兩管經此凋弊殺傷疾疫十
室九空如此不已臣恐嶺南未得寧息兼此賊徒亦甚傷損察其情
理厭苦必深若因改元大慶赦其罪戾遣使宣諭必望風降伏仍爲
選擇有感信者爲經畧使處置得宜自無侵叛上不能用

綱目貞元十年

甲戌

夏五月欽州蠻黃少卿反元和十五年

庚子冬十

二月容管遣兵討蠻賊黃少卿破之

綱目貞元十二年

丙子

秋七月宣武軍亂以董晉爲節度使

劉鏐宣武郎將也宣武軍自劉玄佐卒凡五作亂士卒益驕縱輕其
主帥已卯八月以韓弘爲宣武節度使弘視事數月皆知其主名而
鏐常爲唱首庚辰春二月弘陳兵牙門召鏐及其黨三百人數之以
數預於亂自以爲功悉斬之血流卅道自
弘入朝二十一年士
卒無一人敢譴呼於城郭者

傳近黔中牙將也庚辰四月黔中觀察使守

政令苛刻丁亥近

等逐之出奔施州丙寅士宗復入黔中

王季元安南牙將也癸未二月己亥季元逐其觀察使裴泰泰奔朱
鳶明日左兵馬使趙旬斬季元及其黨迎泰而復之

李庭俊鹽夏部將也節度判官崔文先權知鹽州爲政苛刻癸未十
月庚戌庭俊作亂殺文先而鬻食之左神策兵馬使李興幹戍鹽州
殺庭俊以聞十一月以李興幹爲鹽州刺史

鄧惟恭匡城人初爲宣武都虞侯與節度使李萬榮鄉里相善萬營
常委以腹心其子廼亦倚之貞元丙子夏李萬榮疾病以劉沐爲行

軍司馬迺殺之維恭與監軍俱文珍謀執迺送京師詔以董晉爲宣武節度使萬榮卒惟恭遂權軍事自謂當代萬榮不遣人迎董晉趙儉從十餘人赴鎮去城十餘里惟恭出迎晉命勿下馬氣色甚和惟恭差自安旣入仍委惟恭以軍政十一月惟恭內不自安潛結將士二百餘人謀作亂事覺董晉悉捕斬其黨械惟恭送京師詔免死汀州安置

栗鏗明州鎮將也貞元十四年戊寅十月鏗殺刺史盧雲誘山越作亂攻陷浙東州縣已卯春二月浙東觀察使裴肅擒鏗於台州斬之

右德宗之世

羅令則山人也順宗永貞乙酉正月憲宗崩順宗卽位八月傳位太子自號太上皇憲宗卽位十月令則自長安如普潤矯稱太上皇詣從兵於秦州刺史劉潼且說潼以廢立雍執送長安并其黨杖殺之張伯靖辰淑賊帥也元和六年辛卯十二月伯靖寇播州費州癸巳秋九月伯靖請降詔以爲歸州司馬委荆南軍前驅使

僧圓淨中岳寺僧也故嘗爲史思明將勇悍過人東都西南接鄧虢皆高山深林民不耕種專以射獵爲主人皆趨勇謂之山棚元和十年乙未八月圓淨爲李師道多資田於伊闕陸渾之間以舍山棚而衣食之有訾嘉珍門察者潛部分以屬圓淨時李師道置流後院於東都潛納兵數百人謀焚宮闕縱兵殺掠圓淨以師道錢千萬陽爲治佛光寺結黨定謀約令嘉珍等竊發城中圓淨舉火於山中集二縣山棚入城助之已烹牛饗士明日將發其小卒詣留守呂元膺告變元膺遣兵圍之谷中盡獲之圓淨時年八十餘捕者奮鎚擊其脛

不能折圓淨罵曰鼠子折人脛且不能敢稱健兒乃自置其脛教使折之臨刑歎曰誤我事不得使洛城流血黨與死者凡數千人留守防禦將二人及驛卒八人皆受其職名爲之耳目元膺鞫訾嘉珍門察始知殺武元衡乃師道也元膺密以聞檻車送二人詣京師土業已討王承宗不復窮治

楊清安南賊也安南都護李象古以貪縱苛刻失衆心清世爲蠻酋象古召爲牙將清鬱鬱不得志象古命清將兵三千討黃洞蠻清因人心怨怒引兵夜還襲府城陷之殺象古及妻子官屬部曲千餘人詔以桂仲武爲安南都護赦楊清以爲瓊州刺史庚子正月桂仲武至安南清拒境不納清用刑慘虐其黨離心仲武遣人說其酋豪數月間降者相繼得兵七千餘人朝廷以仲武爲返邇貶安州刺史以

右督觀察使裴行立爲安南都護二月辛未安南將士開城歸行立執清斬之裴行立至海門而卒復以仲武爲安南都護

綱目元和十四年己亥冬十月安南遣將楊清討黃洞蠻清作亂殺都護李象古

王弁沂州役卒也交海沂密觀察使王遂本錢穀吏性狷急無遠識時軍府草創人情未安遂專以嚴酷爲治所用杖絕大於常行者每言將卒輒曰反虜又盛夏役士卒營府會督責將急將卒憤怨辛卯王弁與其徒四人浴於沂水密謀作亂曰今服役觸罪亦死奮命立事亦死死於立事不猶愈乎明日常侍與監軍副使有宴軍將皆在告直兵多休息吾屬乘此際出其不意取之可以萬全四人皆以爲然約事成推弁爲留後壬辰遂方宴飲日過中弁等五人突入於直

房前取弓刀徑前射副使張敦實殺之遂與監軍狼狽起走弁執遂數之以盛暑與役用刑刻暴立斬之傳聲勿驚監軍弁卽自稱留後升廳號令與監軍抗禮召集將吏參賀衆莫敢不從監軍具以伏聞八月朝廷議與兵討弁恐清鄆相扇繼變乃除弁開州刺史遣中使賜以告身中使給之曰開州計已有人迎候道路留後宜速發弁卽日發沂州導從尚百餘人入徐州境所在滅之其衆亦稍逃散遂加以仇械乘驢入關九月戊寅腰斬東市先是三分鄆兵以隸三鎮及王遂死朝廷以爲師道餘黨凶態未除命曹華引棣州兵赴鎮以討之沂州將士迎候者華皆以好言撫之使先入城慰安其餘衆皆不疑華視事三日大饗將士伏甲士千人於幕下乃集衆而諭之曰天子以鄆人有遷徙之勞特加優給宜令鄆人處所沂人處右旣定令沂人皆出因闔門謂鄆人曰王常侍以天子之命爲帥於此將士何得輒害之語未畢伏者出圍而殺之死者千二百人無一得脫者門屏間赤霧高丈餘久之方散

綱目元和十四年己未秋七月沂州役卒王弁殺觀察使王遂八月以王弁爲開州刺史誘誅之

司馬公曰春秋書楚子虔誘蔡侯般殺之于申彼列國也孔子猶深貶之惡其誘討也况爲天子而誘匹夫乎王遂以聚斂之才殿新造之邦用苛虐致亂王弁庸夫乘釁竊發苟沂帥得人戮之易於犬豕耳何必以天子詔書爲誘人之餌乎且作亂者五人耳乃使曹華設詐屠千餘人不亦濫乎然則自今士卒孰不猜其將帥將帥何以令其士卒上下眈眈如寇讐聚處得聞

則更相魚肉惟先發者為雄耳禍亂何時而弭哉惜夫憲宗創
平僭亂幾致升平其美業所以不終由苟徇近功不敦大信故
也

學海君道部卷之一百十七終

海君道部卷之一百一十八

世系類

一百一十八

亂賊姓名八

唐賊篇

唐末反叛章

李宥為宣武押牙初張弘靖為宣武節度使屢賞以悅軍士府庫虛竭李愿繼之性奢侈賞勞既薄於弘靖時又峻威刑軍士不悅愿以其妻弟竇瑗典宿直兵瑗驕貪軍中惡之牙將李臣則等作亂七月壬辰夜即帳中斬瑗頭因大呼府中響應愿與一子踰城奔鄭州亂兵殺其妻推宥為留後戊戌宣武監軍奏軍亂庚子李宥自奏已權知留後乙巳詔三省官與宰相議皆以為宜如河北故事授李宥節

達李逢吉曰河北之事蓋非獲已今若并汴州弃之則是江淮以南皆非國家有也杜元穎張平叔爭之曰柰何惜數尺之節不愛一方之死乎議未決會宋亳穎三州各上奏請別命帥上大喜以逢吉議爲然遣中使詣三州宣慰逢吉因請以將軍徵宥入朝以義成節度使韓克鎮宣武克弘之弟素寬厚得衆心脫宥旅拒則命徐許兩軍攻其左右而滑軍蹙其北克必得入矣上皆從之丙午貶李愿爲隨州刺史以韓克爲宣武節度徵李宥爲右金吾將軍宥不奉詔宋州刺史高承簡斬其使者宥遣兵二千攻之陷寧陵襄邑宋州有三城賊已陷其南城承簡保北二城與賊十餘戰癸丑忠武節度使李光顏將兵二萬五千討李宥屯尉氏充海節度使曹華聞宥作亂不俟詔卽發兵討之宥遣兵三千人攻宋州適至城下丙辰華逆擊破之

丁巳李光顏敗宣武兵於尉氏斬獲二千餘人八月甲子韓克入汴境軍于千塔武寧節度使王智興與高承簡共破宣武兵斬首千餘級餘衆遁去壬申韓克敗宣武兵於郭橋斬首千餘級進軍萬勝初李宥旣爲留後以都知兵馬使李質爲腹心及宥除將軍不奉詔質屢諫不聽會宥疽發卧家質擒殺之以克未至權知軍務克至乃定綱目穆宗長慶二年壬寅秋七月宣武押牙李宥作亂討平之

張韶染坊供人也長慶甲辰正月穆宗崩敬宗卽位二月帝幸中和殿擊毬上者蘇玄明與張韶善謂之曰我爲子上當升殿坐與我共食今主上晝夜毬獵多不在宮大事可圖也韶以爲然乃與玄明謀結染工無賴者百餘人匿兵於紫草車載以入有疑其重而詰之者韶急殺之斬關而入先是右軍中尉梁守謙有寵每兩軍角伎上常

爾財姓名 卷八
佑右軍至是上狼狽欲幸右軍以遠不能遂幸左軍左軍中尉馬存亮走出迎自負上入軍遣大將康藝全將騎卒入宮討賊上憂二太后隔絕存亮復以騎迎至軍詔升清虛殿坐御榻與玄明同食日未如子言玄明驚曰事止此邪詔懼而走藝全兵至擊殺之餘黨悉獲上乃還宮盜所歷諸門監門官者法當死詔並杖之使仍舊職

綱目長慶四年

甲辰

春正月帝崩太子卽位夏四月盜入清思殿中

尉馬存亮遣兵討平之

楊叔元爲興元監軍南詔之寇成都也詔山南西道發兵救之節度使李絳募兵千人赴之蠻退而還詔悉罷之絳召新軍諭旨賜以廩麥而遣之皆怏怏而退叔元素惡絳不奉已以賜物薄激之衆怒大譟掠庫兵趨使牙絳方宴走登北城或勸絳縋而出絳曰吾爲元帥

豈可逃去麾推官趙存約令去存約曰存約受明公知何可苟免牙將王景延戰死絳存約等皆遇害叔元奏絳收新軍募直以致亂三省官共論絳寬及叔元激怒亂兵之罪上始悟以溫造爲山南西道節度使討之三月造行至都城褒城遇興元都將衛志忠征蠻歸密與之謀以其兵八百人爲牙隊五百人爲前軍入府分守諸門旣視事饗士卒志忠密以牙兵圍新軍殺之八百人皆死叔元起擁造靴求生造命囚之詔流康州

綱目文宗太和四年

庚戌

春二月興元軍亂殺節度使李絳三月以

溫造爲山南西道節度討亂兵平之

胡氏曰李絳之禍皆楊叔元爲之也溫造旣能誅戮亂兵宜並叔元殲之具以事聞雖得貶無恨矣盡殺新軍則有濫及縱舍

叔元則爲失刑無亦懾畏北司故邪

右文宗之世

楊弁河東人會昌甲子正月初河東行營兵馬使王逢奏乞益榆社兵詔河東以兵二千赴之時河東無兵李石召橫水戍卒千五百人使楊弁將之詣逢先是軍士出征人給絹二匹劉沔之去竭府庫以自隨石初至軍用乏以已絹益之人纔得一匹時已歲盡軍士求過正旦而行監軍呂義忠趣之弁遂作亂石奔汾州弁據軍府使其姪詣劉稹約爲兄弟石會關守將復以關降於鎮朝議喧然言兩地皆應罷兵王宰又言遊弈將得劉稹表有意歸附李德裕言宰擅受稹表似欲擅招撫之功昔韓信破田榮李靖擒頡利皆因其請降潛兵掩襲止可令王宰失信豈得損朝廷威命李德裕又上言太原人心

從來忠順止是貧虛賞犒不足况千五百人何能爲事必不可縱且用兵未罷深慮所在動心望詔李石還赴太原召兵討亂上皆從之詔王逢留太原兵守榆社以易定汴兗兵還討弁又遣中使馬元實至太原曉諭且覘之元實受弁賂還於衆中大言相公須早與之節德裕曰何故元實曰自牙門至柳子列十五里曳地光明甲若之何取之德裕曰李相正以無兵故發橫水兵赴榆社弁何能遽致如此之衆乎元實曰召募所致耳德裕曰召募須有貨財李相正以欠軍士絹一匹故致此亂弁何從得之元實辭屈德裕曰從其有十五里光明甲必須殺此賊因奏弁微賊決不可恕如國力不支寧捨劉稹河東兵戍榆社者聞朝廷令客軍取太原恐妻孥爲所屠滅乃擁監軍呂義忠自取太原擒楊弁盡誅亂卒送弁京師并其黨斬之

綱目武宗會昌四年甲子春正月河東都將楊弁作亂討平之

胡氏曰見理明白則聽言不爲所眩若德裕於元實是也雖然猶有恨焉元實以大言虛喝情非苟然若付之廷尉則受賂之事必不得隱于以施刑斯迺訓一而警百矣

李文矩昭義都將也會昌乙丑九月詔發昭義兵戍振武潞卒素驕憚於遠戍閉門大譟節度使盧均奔潞城亂兵奉文矩爲帥文矩以禍福諭之亂兵聽命乃遣人謝均均還上黨復遣之行一驛乃潛選兵追而殺之

綱目會昌五年乙丑秋七月昭義戍卒作亂討平之

卮言曰昭義戍卒作亂奉李文矩爲帥文矩諭以禍福亂兵聽命則非文矩之罪也而此系之文矩者亂兵無主罔不能以禍

亂也

右武宗之世

胡慶方爲武寧軍都虞候大中己巳武寧節度使李廓在鎮不治右補闕鄭魯上言其狀且曰臣恐新麥未登徐師必亂速命良帥救此一方上未之省

五月徐州果亂逐廓上恩魯言擢爲起居舍人以盧弘止爲節度使武寧士卒素驕有銀刀都尤甚屢逐主帥弘止至鎮慶方復謀作亂弘止誅之撫循其餘訓以忠義軍府遂安

綱目宣宗大中三年己巳夏五月武寧軍亂逐節度使李廓詔以盧弘止代之

雞山在果州大中壬申二月蓬州蠻寇阻雞山寇掠三州詔果州

刺史王贊弘討之山南西道亦奏已南妖賊言辭悖慢上怒甚崔鉉曰此皆陛下赤子迫於饑寒盜弄兵於谿谷間不足辱大軍但遣一使者可平矣乃遣京兆少尹劉潼招諭之潼言使之歸命其勢甚易所慮者武臣耻不戰之功議者責欲速之效耳潼至山中盜營弓待之潼直前曰我面受詔赦汝罪使汝復為平人汝真欲反可射我賊皆投弓列拜請降潼歸館而贊弘引兵已至山下竟擊滅之

綱目大中六年壬申春二月雞山羣盜寇掠果州刺史王贊弘討平之

胡氏曰崔鉉請遣使劉潼請說降皆未嘗得可報則宜再請以為必欲用兵當俟招諭不從乃進耳今不俟可報而潼遽行盜既降乃復滅之此韓信不顧酈生李靖不恤唐儉復詐

之計聖人所謂行一不義而得天下不為者也李文饒又引以為例曰止可令王宰失信豈得損朝廷威命愚以為非矣處已處人一也將帥仗國威命豈有置之失信之地而可乎

大中九年乙亥秋七月浙東軍亂逐觀察使李訥

李訥為浙東觀察使訥性下急遇將卒不以禮故作亂詔貶訥為朗州刺史

大中十二年戊寅夏四月嶺南軍亂詔以李承勛為節度使討平之

五月湖南軍亂逐觀察使韓琮

六月江西軍亂逐觀察使鄭憲

秋七月宣州軍亂逐觀察使鄭薰

右補闕張潛上疏曰藩府代移之際皆奏倉庫羨餘以為課績

朝廷因而甄獎夫藩府財賦所出有常苟非賦歛過差及停廢將士減削衣糧則羨餘何從而致比來南方諸鎮數有不寧皆此故也一朝有變所蓄之財悉遭剽掠又發兵致討費用百倍然則朝廷竟有何利乞自今藩府長吏不增賦歛不減糧賜獨節遊宴省浮費能致羨餘者然後賞之上嘉納之

大中十三年癸卯夏四月武寧軍亂詔以田牟爲節度使

以上亂軍六條皆無主名

寒甫浙東賊帥也大中己卯十二月甫攻陷象山官軍屢敗進逼剡縣有衆百人觀察使鄭祗德遣兵討之大敗咸通庚辰正月甫遂陷剡縣開府庫募壯士衆至數千人時二浙久安人不習戰甲兵朽鈍見卒不滿三百祗德更募新卒遣以擊賊又大敗於是諸道雲集衆

至三萬小帥有謀畧者推劉晔勇力推劉慶劉從簡甫自稱天下都知兵馬使改元曰羅平鑄印曰天平聚糧治械聲振中原三月詔以王式爲浙東觀察使發諸道兵討之甫分兵掠衢婺明台所過俘其少壯及式除書下浙東人心稍安式遣諸軍與賊戰賊連敗皆棄船走山谷帥其徒屯南陳館下衆尚萬餘人六月浙東兵大破甫於南陳館賊復入剡式命諸軍圍之賊屢戰皆敗甫等從百餘人出降離城數十步官軍疾趨斷其後遂擒之式斬晔等械甫送京師斬之東市

右宣宗之世

龐勳初爲桂州糧料判官初南詔陷安南敕徐泗募兵二千赴援分八百人別戍桂州初約三年一代至己六年屢求代還徐泗觀察使

崔彥魯性嚴刻禪牙尹戡等用事以軍帑空虛不能發兵請令更留
戍一年彥魯從之戍卒聞之怒咸通戊子七月都虞侯許佶等作亂
殺都將王仲甫推勛為主劫庫兵北還所過剽掠州縣莫能禦八月
詔遣中使赦其罪部送歸徐戍卒乃止剽掠勛等各以私財造甲兵
旗仗招集人命匿於舟中衆至千人十月朝廷屢赦崔彥魯慰撫之
彥魯遣使諭以救意道路相望勛至徐城鼓衆大呼遂於遞中申狀
乞停尹戡等職任彥魯乃遣兵邀擊之賊調知之夜遁官軍引退賊
至符離宿州戍卒出戰望風奔潰賊遂攻城陷之勛自稱兵馬留後
遂攻陷彭城囚崔彥魯殺尹戡等十一月詔遣康承訓發諸道兵討
之十二月賊陷滁和州攻泗州不克己丑二月康承訓大敗賊將王
立於鹿塘四月勛殺崔彥魯及監軍敕使集衆揚言曰勛始望國

恩庶全臣節今日之事前志已乖自此勛與諸軍真反者也當掃境
內之兵戮力同心轉敗爲功耳衆皆稱善共推勛爲天冊將軍大會
明王勛辭王爵引兵發徐州夜至豐擊敗魏博軍乘勝攻柳子康承
訓伏兵大破之勛走歸彭城使其將張玄稔守宿州八月勛舉城降
于康承訓引兵圍徐州崔彥魯故吏路審中開門納官軍勛將兵二
萬自石山出襲宋州陷其南城南掠亳州官軍追及之殺賊近萬人
餘皆溺死勛亦死數日乃獲其屍賊諸寨皆殺其守將而降

龐勛稱亂詳創

業類

右懿宗之世

王仙芝濮州人自懿宗以來奢侈日甚用兵不息賦歛愈急關東連
年水旱州縣不以實聞上下相蒙百姓流殍無所控訴相聚爲盜所

在蜂起州縣兵少加以承平日久人不習戰每與盜遇官軍多敗咸
通癸巳七月懿宗崩僖宗卽位乾符甲午十二月仙芝始聚衆數十
起于長垣乙未六月仙芝及其黨尚君長攻陷濮州曹州衆至數萬
天平薛崇出兵擊之爲仙芝所敗冤句人黃巢亦聚衆數千人應仙
芝巢少與仙芝皆以販私鹽爲事遂爲盜與仙芝攻剽州縣橫行山
東民之困於重斂者爭歸之數月之間衆至數萬羣盜侵淫剽掠十
餘州至於淮南多者千餘人少者數百人詔淮南忠武宣武義成天
平五軍節度使監軍亟加討捕及招懷十一月仙芝寇沂州平盧宋
威表請以步騎五千別爲一使兼帥本道兵所在討賊乃以威爲諸
道行營招討草賊使乃給禁兵三千甲騎五百因詔河南方鎮所遣
討賊都頭並取威處分丙申七月宋威擊仙芝於沂州城下大破之

仙芝亾去威奏仙芝已死縱遣諸道兵身還青州百官皆入賀居三
日州縣奏仙芝尚在攻剽如故時兵始休詔復發之士皆忿怨思亂
八月仙芝陷陽翟城詔忠武崔安潛發兵擊之又命昭義節度使
步騎五千及義成兵衛東都宮以曾元裕爲招討副使守東都又詔
山南東道李福選步騎二千守汝鄧要路仙芝進逼汝州詔邠寧李
侃鳳翔令狐絢選步兵一千騎兵五百守陝州潼關九月丙子仙芝
陷汝州執刺史王鐐東都大震士民挈家逃之城乙酉勅赦王仙芝
尚君長罪除官以招諭之仙芝陷陽武攻鄭州昭義監軍判官雷殷
符屯中牟擊仙芝破走之十月仙芝南攻唐鄧十一月仙芝攻郢復
二州陷之十二月仙芝攻申光廬壽舒通等州淮南劉鄩奏求益兵
勅感化薛能選精兵數千助之鄭畋以言計不行稱疾遜位不許乃

上言自沂州奏捷之後仙芝愈肆猖狂屠陷五六州瘡痍數千里宋
威衰老多病自妄奏以來諸道尤所不服今淹留亳州殊無進討之
意曾元裕擁兵斷黃專欲望風退縮若使賊陷揚州則江南亦非國
有崔安潛威望過人張自勉驍雄良將官死使李瑒西平王晟之孫
嚴而有勇請以安潛爲行營都統瑒爲招討使代威自勉爲副使代
元裕上頗采其言招討副使都監楊復光奏尚岩長弟讓據查牙山
官軍退保鄧州仙芝攻蘄州蘄州刺史裴渥王鐸在賊中爲仙芝以
書說渥渥與仙芝約歛兵不戰許爲之奏官鐸亦說仙芝許以如約
渥乃開城延仙芝及黃巢輩三十餘人入城置酒大陳貨賄以贈之
表陳其狀諸宰相多言先帝不赦龐勛昔年卒誅之今仙芝小賊非
勛之比赦罪除官尤無長姦先王鐸固請許之乃以仙芝爲左神策

軍押牙兼監察御史遣中使以告身卽蘄州授之仙芝得之甚喜
渥皆賀未退黃巢以官不及已大怒曰始者共立大誓橫行天下今
獨取官赴左軍使此五千餘衆安所歸乎因毆仙芝傷首其衆譟譟
不已仙芝畏衆怒遂不受命大掠蘄州城中之人半驅半殺焚其廬
舍渥奔鄂州敕使冉襄州鐸爲賊所拘賊乃分其軍三千餘人從仙
芝及尚君長二千餘人從巢各分道而去丁酉二月仙芝陷鄂州黃
巢陷鄆州殺節度使薛崇四月黃巢與尚讓合軍保查牙山六月庚
申仙芝黃巢攻宋州三道兵與戰不利賊遂圍宋威於宋州甲寅張
自勉將忠武兵七千救宋州殺賊二千餘人賊解圍遁去王鐸盧攜
欲使張自勉以所將兵受宋威節度鄭畋以爲威與自勉已有疑忿
若在麾下必爲所殺不肯署奏八月辛未鐸攜訴於上求罷免庚辰

改請歸澧川養疾上皆不許仙芝陷安州乙卯仙芝陷隨州執刺史崔休徵李福遣其子將兵救隨州戰歿福奏求援兵遣李昌言將鳳翔五百騎赴之仙芝遂轉掠復郢忠武大將張貫等四千人與宣武兵援襄州自申蔡間道逃歸詔忠武崔安潛宣武穆仁裕遣人約還黃巢寇掠斬黃魯元裕擊破之斬首四千餘級巢遁去十一月招討副都監楊復光遣人說諭王仙芝遣尚君長等請降於復光宋威遣兵於道中劫取君長等十二月威奏與君長等戰於潁川西南生擒以獻復光奏君長等實降非威所擒詔侍御史歸仁紹等鞫之竟不能明斬君長等於狗脊嶺黃巢陷濮州詔張自勉將諸道兵擊之仙芝寇荆南節度使楊知溫不設備賊陷羅城知溫遣使告急於李福福悉其衆自將救之時有沙陀五百在襄陽福與之俱至荆門遇賊

沙陀縱騎奮擊破之仙芝聞之焚掠江陵而去江陵城下舊三十萬戶至是死者什三四先是鄭畋與王鐸盧攜爭論用兵於上前畋不勝退上奏曰自王仙芝俶擾崔安潛首請討之賊不敢犯其境又以兵授張自勉解宋州圍使江淮漕運疏通不輸寇手今罷自勉而以所將兵七千人繇宋威威復奏加誣毀若勅寇忽至何以枝梧臣請以四千人授威餘三千人使自勉將之守衛其境盧攜不以爲然上不能決畋復上言宋威欺罔朝廷敗衄狼籍宜正軍法早行罷黜不從至言招討副使曾元裕大敗仙芝殺萬人招降散遣者亦萬人乃罷威而以元裕爲招討使自勉副之仙芝遣尚君長請降宋威執之以獻斬之戊戌正月仙芝寇荆南招討副使曾元裕大破仙芝於申州二月元裕大破仙芝於黃梅殺五萬餘人追斬仙芝傳首餘黨散

去黃巢方攻亳州未下尚讓帥仙芝餘眾歸之

綱目僖宗乾符元年甲午冬十一月濮州人王仙芝作亂二年乙未夏

六月王仙芝陷曹濮州冤句人黃巢聚眾應之五年戊戌春二月魯

元裕大破王仙芝於黃梅斬之

范氏曰自古賊盜之起未有不由暴賦重斂而民之失職者眾也唐之季也政出關尹不惟賦斂割剝復販鬻百物盡奪民利故有私鹽之盜使民無衣食之資欲不亾其可得乎

胡氏曰僖宗諸相幸有鄭畋若專守其策賊必可平矣雖然秦有趙高而後關東兵起漢有十常侍而後黃巾賊作正使畋計得行芝巢破滅而田令孜在內與僖宗如一人畋獨且柰何哉唐亦必亾而已矣

王郢為浙西狼山鎮邊使乾符乙未四月郢等六十九人有戰功節度使趙隱賞以職名而不給衣糧郢等論訴不獲遂劫庫兵作亂行收黨眾近萬人攻陷蘇常乘舟往來泛江入海轉掠二浙南及福建大為人患七月以前嚴州刺史高傑為都知兵馬使以討之十一月郢因温州刺史魯贇請降寔屢為之論奏敕郢詣闕郢擁兵遷延半年不至固求望海鎮使朝廷不許以郢為右率府率仍令左神策軍補以重職其先所掠之財並令給與丁酉正月郢誘魯寔入舟中執之將士從寔者皆犇潰朝廷聞之以宋皓為招討使帥諸道兵討之二月郢攻陷望海鎮掠明州又攻台州陷之刺史王葆退守唐興詔二浙福建各出舟師以討之郢橫行浙西節度使裴瓌嚴兵設備不與之戰密招其黨朱實降之散其徒六七千人輸器械二十餘萬舟

航粟帛稱是於是郢黨離散郢收餘衆東至明州甬橋鎮邊使劉巨容以筒箭射殺之餘黨皆平

綱目乾符二年乙未夏四月西鎮邊使王郢作亂陷蘇常州四年丙酉春二月王郢陷明台州閏月王郢衆降郢走明州敗死

王宗誠鹽州大將也丁酉八月鹽州軍亂逐刺史王承顏詔高品牛從珪往慰諭之貶承顏象州司戶承顏及崔碣素有政聲以嚴肅爲驕卒所逐朝廷與貪暴致亂者同貶時人惜之從珪自鹽州還軍中請以宗誠爲刺史詔宗誠城詣闕將士皆釋罪仍加優給十月邠寧節度使李侃奏遣兵討宗誠斬之餘黨悉平

綱目乾符四年丁酉秋七月鹽州軍亂逐刺史王承顏詔貶承顏象州司戶

柳彥璋黃巢賊帥也丁酉四月彥璋掠江西十一月江州刺史柳仁單舟入賊水寨賊出迎降秉仁斬之而散其衆

綱目乾符四年丁酉夏四月賊帥柳彥璋掠江西冬十一月江州刺史劉秉仁斬柳彥璋

曹師雄王仙芝餘黨也戊戌二月仙芝伏誅餘黨復陷洪州十二月師雄寇掠二浙杭州募兵使董昌等將以討之

尚讓黃巢賊將也已亥十月黃巢陷潭州讓乘勝進逼江陵衆號五十萬江陵兵不滿萬都統王鐸留劉漢宏守江陵自帥衆趣襄陽鐸旣去漢宏大掠帥其衆北歸後旬餘賊乃至甲辰四月黃巢敗走讓帥衆降巢奔兗州讓追巢至瑕丘敗之巢伏誅

張彥球河東教練使已亥正月河東軍亂殺節度使崔季康以康傳

圭爲節度使廣明庚子正月康傳圭貪虐遣彥球將兵追沙陀至百井軍變還殺傳圭朝廷聞之遣使宣慰曰殺節度使事出一時各宜自安勿復憂懼乃以宰相鄭從謹爲節度使從謹貌溫而氣勁多謀而善斷將士欲爲惡者輒先覺誅之知彥球有方略本心非欲爲亂獨推首亂者殺之慰諭彥球委以兵柄彥球爲盡死力卒獲其用

綱目乾符六年己春正月河東軍亂殺節度使康傳圭三月以鄭從謹爲河東節度使庚春正月河東軍亂殺節度使康傳圭三月以鄭從謹爲河東節度使

陳彥謙桂陽賊也廣明庚子謙陷柳州殺刺史董岳

杜雄臨海賊也中和辛丑八月雄陷台州

成麟昭義十將也辛丑八月節度使高潯與黃巢戰于石橋敗奔河

中麟殺潯引兵還據潞州天井戍將孟方立起兵攻麟殺之

朱褒永嘉賊也辛丑九月褒陷温州

盧約遂昌賊也辛丑十一月約陷處州

郭琪西川黃頭軍使也廣明庚子冬黃巢入長安帝走興元中和辛

丑正月帝幸成都二月都統鄭畋合兵討賊四月官軍入長安黃巢

走七月田令孜爲行在都指揮處置使頒賜從駕諸軍無虛月不復

及蜀軍頗有怨言令孜宴土客都頭以金杯行酒因賜之諸都頭皆

拜受琪獨不受起言曰蜀軍與諸軍同宿衛而賞賜懸殊頗有缺望

琪怒之致變願軍容減諸將之賜以勾蜀軍使土客如一則上下幸

甚令孜默然乃自酌酒於別樽以賜琪琪知其毒不得已飲之歸殺

一婢吮其血以解毒吐黑汁數升遂帥所部作亂令孜奉天子保東

城閉門登樓命諸軍擊之琪夜突圍出犇高駢於廣陵

綱目中和元年辛丑秋七月西川黃頭軍作亂討平之

向瓌石門蠻也辛丑十二月武陵蠻雷滿馭溪人周岳寇陷朗衡州

瓌亦集夷獠數千攻陷澧州殺刺史呂自牧自稱刺史

前邛州牙官也

姓纂無阡姓蓋西南夷之種也

中和壬寅二月西川節度使陳敬

瑄多遣人歷縣鎮調事謂之尋事人所至多所求取有二人過資陽

鎮獨無所求鎮將謝弘讓邀之不至自疑有罪夜入羣盜中而實

無罪也捕盜使楊遷誘而執之求功敬瑄不之間釘於西城煎油澆

之備極慘酷能因公事違期亡命為盜遷復誘之能方出首聞弘讓

之冤發憤為盜踰月驅掠良命不從者舉家殺之踰月衆至萬人立

部伍署職級橫行邛雅二州間攻陷城邑所過塗地先是蜀中少盜

自是紛紛競起州縣不能制敬瑄遣牙將楊行遷將兵數千人討

之六月蜀人羅渾擊句胡僧羅夫子各聚衆數十人以應阡能楊行

遷等與之戰數不利求益兵府中兵盡陳敬瑄悉搜倉庫門庭之卒

以給之是月大戰於乾谿官軍大敗七月蜀人韓求又聚衆數千人

應能十月賊帥韓秀昇屈行從起兵斷峽江路阡能黨悉熾浸淫入

蜀州境陳敬瑄以楊行遷等久無功遣押牙高仁厚將兵討之能遣

羅擎立五寨於雙流之西伏兵千人以邀官軍仁厚引兵圍之下令

撫諭其衆衆爭出降羅渾擊棄寨走其衆執以詣仁厚仁厚縛以送

府悉焚五寨至穿口句胡僧置十一寨寨中人執胡僧以降至新津

韓求置十三寨皆迎降求已歿斬首以獻羅夫子置九寨於延貢其

衆皆降天子奔阡能寨仁厚引兵連夜逼之明日諸寨爭執能能窘

急赴井爲衆所擒不死又執羅夫子羅夫子自剄衆挈其首縛能以迎官軍仁厚出軍凡六日五賊皆平於是陳敬瑄梟韓求羅夫子於工市釘阡能羅渾擎於城西七日而剛之

綱目中和二年

壬寅

春二月邛州牙官阡能作亂陳敬瑄遣兵討之

夏六月蜀中羣盜應阡能官軍與戰大敗冬十一月陳敬瑄遣押牙高仁厚討阡能等平之

湯羣爲龐勛將助敗羣以峴州降詔以羣爲峴州刺史羣潛通沙陀朝廷疑之徙羣懷州刺史鄭從謹遣使齎告身授之壬寅十月庚子朔羣殺使者據城叛附于沙陀壬寅從謹遣馬步都虞侯張彥球將兵討之十一月克峴州執羣斬之

韓秀昇蜀中賊帥也壬寅十月秀昇與屈行從起兵斷峽江路陳敬瑄遣押牙莊夢蝶將二千人討之又遣押牙胡弘略將千人繼之癸卯二月莊夢蝶爲秀昇所敗退保忠州胡弘略戰亦不利江淮貢賊皆爲賊所阻百官無俸雲安消井路不通民間乏鹽陳敬瑄復遣高仁厚將兵討之三月莊夢蝶與秀昇等戰又敗高仁厚遣兵邀擊且招之賊衆皆降秀昇行從見衆潰揮劔亂砍欲止之衆愈怒共執二人詣仁厚仁厚詰之曰何故反秀昇曰自大中皇帝晏駕天下無復公道紐解綱絕今日反者豈惟秀昇成是敗非杌上之肉惟所烹醢耳仁厚愀然命善食而械之四月獻于行在斬之

綱目中和二年

壬寅

冬十月賊帥韓秀昇屈行從斷峽江路三年

癸卯

夏四月陳敬瑄遣高仁厚討峽路羣盜平之

孫喜均州賊帥也中和甲辰十二月喜聚衆數千人謀攻州城刺史

呂燁不知所爲都將馮行襲伏兵江南誘喜渡江手擊喜斬之從喜者皆死

張郁鎮海牙將也光啟丙午正月郁作亂攻陷常州

周通安陸賊帥也丙午十二月通攻鄂州路審中亾去岳州刺史杜洪乘虛入鄂自稱武昌留後朝廷因以授之湘陰賊帥鄧進思復乘虛陷岳州

謝殷亳州將也丁未六月殷逐其刺史宋衮據亳州八月朱全忠引兵過亳州遣其將霍存襲殷斬之

馮敬章上蔡賊帥也丁未十二月敬章陷蘄州乾寧丙辰五月淮南將朱廷壽圍蘄州敬章請降

張筠宿州將也大順庚戌四月逐刺史張紹光附于時溥朱全忠帥

軍討之辛亥八月全忠遣丁會攻宿州克其外城十月筠降於會

牙玫邠州人僖宗時爲邠寧節度使光啓乙巳宦官田令孜遣牙玫與李昌符攻河中李克用救之進逼京城帝奔鳳翔丙午春玫等追逼車駕走興元玫以襄王煊還京師僖宗十二月王行瑜斬之

李昌言鳳翔倉庫虛竭犒賞稍薄糧饋不繼昌言知府中兵少因激怒其衆十月引軍還襲府城節度使鄭畋登城與士卒言其衆皆下馬畋拜曰相公誠無負我曹畋曰行軍苟能戢兵愛人爲國滅賊亦可

以順守矣乃以留務委之卽日西赴行在詔以昌言爲鳳翔節度行營招討使

李昌符昌言弟甲辰冬昌言病表昌符知留後昌言卒制以昌符爲

鳳翔節度使乙巳冬昌符與朱玖攻河中李克用救之進逼京城帝奔鳳翔玖昌符追逼車駕帝走興元丙午夏朱玖立襄王煜昌符復通表興元朱玖既誅丁未二月車駕至鳳翔昌符恐帝還京雖不治前過恩賞必疎乃以宮室未完固請駐蹕府舍從之六月天威都頭楊守立宦官楊復攻之假子也與昌符爭道麾下相歐帝命中使諭之不止是夕宿衛皆嚴兵為備己酉昌符擁兵燒行宮庚戌復攻大安門守立與昌符戰於通衢昌符兵敗帥麾下走保隴州壬子以李貞為隴州招討使以討昌符八月壬寅朔李茂貞奏隴州刺史薛元壽以城降斬李昌符滅其族

綱目光啓三年丁未夏六月李昌符作亂敗走以李茂貞為招討使

討之敗走下當秋八月李茂貞平隴州李昌符伏誅

尹氏曰昌符反逼車駕罪未及討乃復擁兵禍亂故書作亂伏誅

楊復恭人僖宗時宦者歷觀軍容使左神策軍中尉文德成申

僖宗疾大漸復恭請立壽王傑古王保賢復恭沮之為太弟僖宗崩太弟即位

是為昭宗帝在藩邸素疾宦官至是復恭恃援立功所為多不法帝

意不平政事多謀於宰相孔緯龍紀己酉十二月張濬勸帝舉大中

故事抑宦者權復恭常乘肩輿至大極殿是日帝與宰相言及四方

反者孔緯曰陛下左右有將反者况四方乎帝矍然問之緯指復恭

曰復恭陛下家奴乃肩輿造前殿多養壯士為假子使典禁兵或為

方鎮非反而何復恭曰子壯士欲以收腹心衛國家豈反邪帝曰然

則何不使姓李而姓楊乎復恭無以對復恭假子天威軍使楊守立

本姓胡名弘立勇冠六軍人皆畏之帝欲討復恭恐守立作亂謂復

恭曰朕欲得卿胡子在左右復恭見守立於帝帝賜姓名李順節使掌六軍管鑰不期年擢至天威都頭俄加平章事及謝日臺吏申請班見百僚孔緯判不集判臺中不使集百官順節至中書色不悅他日語微及之緯曰宰相師長百僚故有班見相公職爲都頭而於政事堂班見百僚於意安乎順節不敢復言初張濬因復恭以進復恭中廢更附田令孜而薄復恭及復恭再用事深恨之帝知濬與復恭有隙特親倚之庚戌朱全忠請討李克用濬欲倚外勢以擠復恭勸從其請復恭以爲不宜更造兵端孔緯曰濬言是也乃以濬爲都招討使帥諸軍討之帝餞之安喜樓濬屏左右言於帝曰俟臣先除外憂然後爲陛下除內患復恭竊聽聞之兩軍中尉餞濬於長樂坂復恭屬濬酒濬辭以醉復恭戲之曰相公仗鉞專征作態耶濬曰俟平賊還方見

在態耳復恭益忌之

張濬輕浮不足以制復恭

十月李克用遣兵拒官軍於趙州

朱全忠等皆不出兵兵未交而孫揆被擒復恭復從中沮之詔官軍望風自潰張濬遁還貶繡州司戶復恭總宿衛兵專制朝政諸假子皆爲節度使刺史又養宦官千六百人皆爲監軍假子龍劔節度使守貞武定節度使守忠皆不輸貢賦上表訕薄朝廷帝舅王瓌求節度使帝訪於復恭復恭以爲不可瓌怒詔之瓌出入禁中頗用事復恭惡之奏以爲黔南節度使至吉柏津令山南西道楊守亮覆諸江中宗族賓客皆死以舟敗聞帝知復恭所以深恨之李順節既寵貴與復恭爭權盡以復恭陰事告帝帝乃出復恭爲鳳翔監軍復恭慍懟不肯行稱疾求致仕辛亥九月以復恭爲上將軍致仕賜以几杖使者致詔命還復恭潛遣腹心張綰刺殺之復恭居第近玉山營假

子守節為玉山軍使數往省之或告復恭與守信謀反十月乙酉帝御安喜樓陳兵自衛命李順節及神策軍使李守節將兵攻其第張綰帥家眾拒戰守信引兵助之順節等不能克丙戌禁兵守含光門俟其開欲出掠兩市遇劉崇望立馬諭之曰天子親在街東督戰汝曹皆宿衛之士當於樓前殺賊立功勿貪小利自取惡名又皆曰諾遂從崇望而東守信之眾望見兵來遂潰走守信與復恭挈其族自通化門出趣興元今陝西鳳翔府永安都頭權安追之擒張綰斬之復恭至興元楊守亮楊守忠楊守貞及綿州刺史楊守厚同舉兵拒朝廷以討李順節為名守厚亦復恭假子也李順節恃恩驕橫出入常以兵自隨兩軍中尉劉景宣西門君遂惡之白帝恐其作亂十二月戊子二人以詔召順節入斬之於是天威捧日登封三都大掠永寧坊至

暮乃定楊守亮欲自金商襲京師金州防禦使馮行襲逆擊大破之

景福壬子正月鳳翔李茂貞靜難州王行瑜鎮國華州韓建等五節度

使上言楊守亮容匿叛臣楊復恭請出軍討之乞加茂貞山南西道

招討使朝議以茂貞得山南不可復制下詔和解之皆不聽威戎州

節度使楊晟與楊守亮等約攻西川節度使王建二月晟使其將呂

堯將兵會楊守厚攻梓州時顧彥暉為東州節度使鎮梓州王建遣兵擊斬之李茂

貞王行瑜擅舉兵擊興元茂貞表求招討使不已給事中牛勣曰諸

楊阻兵茂貞亟出攻討其志亦在疾惡但不當不俟詔命耳乃以茂

貞為山南西道招討使三月王建遣王宗裕等攻彭州楊晟逆戰而

敗宗裕等圍之左神策勇勝二都都指揮使楊子實子遷子釗皆守

亮之假子也自渠州引兵救楊晟知守亮必敗帥眾降於王建楊晟

遺守忠守貞守厚書使攻東川以解彭州之圍守貞從之神策督將
 竇行實戍梓州守厚密誘之為內應守厚至涪城行實事泄東川節
 度顏彥暉斬之守厚遁去守貞守忠軍至無所歸盤桓綿劍間王建
 遣其將吉諫襲守厚破之別將李簡邀擊守忠於鍾陽斬獲三千餘
 人四月簡又破守厚於銅鑄斬獲三千餘人降萬五千人守忠守厚
 皆走七月李茂貞克鳳州感義節度使滿存奔興元八月辛丑茂貞
 攻拔興元復恭守亮守信守貞守忠滿存奔閬州十二月王建遣其
 將華洪擊楊守亮於閬中破之乾寧甲寅五月王建攻彭州克之殺
 楊晟七月李茂貞遣兵攻閬州拔之復恭守亮守信帥其族黨犯圍
 走守厚死於綿州其將常再榮舉城降王建復恭守亮守信將自商
 山奔河東至乾元遇華州兵獲之八月韓建獻于闕下斬於獨柳李
 茂貞獻復恭遺守亮書訴致仕之由云承天門乃隋家舊業大姪但
 積粟訓兵勿貢獻吾於荆榛中立壽主纔得尊立廢定策國老有如
 此負心門生天子

綱目昭宗大順二年辛亥秋九月考證當加宜者二字以楊復恭為上將軍致

仕冬十月楊復恭謀反遣天威都頭李順節討之復恭走興元與

楊守亮等舉兵拒命景福元年壬子秋八月李茂貞取興元楊復恭

守亮等奔閬州乾寧元年甲寅秋七月李茂貞克閬州八月楊復恭

等伏誅

范氏曰小人無功猶不可長况其有功何以堪之故小人而有
 非常之功者國之不幸也復恭姦臣至與天子為敵昭宗親戰
 用大師而後克之其言不臣如此由其恃援立之功故也豈不

足永爲戒哉

卮言曰自古姦臣之欲挾主擅權者每貪援立之功而援立非次尤可以肆志焉莽卓而下徃徃皆是而宦官定策則惟唐李爲甚宜其有門生天子之號也然昭宗能力除楊復恭而卒誅之庶幾晉惠之遺風矣宋史彌遠援立理宗而相之理宗終不敢負惟其所爲以至於死若理宗者寧不有愧於昭宗乎

蔣勛爲邵州刺史甲寅五月劉建鋒馬殷引兵至澧陵武安節度使鄧處訥遣勛及鄧繼崇將兵守回龍關殷先至關下遣使詣勛勛以牛酒犒師殷使說勛勛遂率衆遁去建鋒入潭州殺處訥自稱留後十一月勛求爲邵州刺史建鋒不許勛乃與鄧繼崇起兵連飛山梅山蠻寇湘潭據邵州使其將甲德昌屯定勝鎮以扼潭人乙卯正月

劉建鋒遣馬殷將兵討定勝寨破之進攻邵州未下四月劉建鋒爲其下所殺諸將迎張佶爲留後佶召殷於邵州以留後讓之代殷將兵攻邵州丙辰二月佶克邵州擒勛

劉潼爲韶州將光化戊午十二月韶州刺史魯褒舉兵攻廣州州將王壤帥戰艦應之清海司馬劉隱一戰破之潼復據浚滄隱討斬之李璠爲保義州都將節度使王珙性猜忍親近常不自保己未六月保義軍亂王珙爲麾下所殺推璠爲留後十一月都將朱簡又殺璠自稱留後附朱全忠

王行瑜初爲邠州都將光啓丁未以誅朱玫爲靜難節度使昭宗景福壬子二月行瑜與鳳翔李茂貞鎮國韓建同州王守約秦州李茂莊五節度使請討楊復恭詔不聽而茂貞行瑜擅舉兵擊興元復恭

等奔閩州十一月以行瑜為太師號尚父乾寧乙卯五月行瑜與李
 茂貞韓建舉兵犯闕殺宰相韋昭度李克用舉兵討三鎮七月
 王行約與李茂貞假子右軍指揮使李斷鵬作亂帝如石門鎮制削
 行瑜官爵命克用討之帝還京師十一月克用引兵逼邠州行瑜挈
 族棄城走部下斬之傳首詳創業類

韓建潁州長社人初從鹿晏弘據興元為廵內刺史田令孜遣人誘
 之建逃奔行在令孜養為假子拜諸衛將軍遷鎮國州節度使乙卯
 舉兵犯闕李克用南討乃還鎮丙辰冬李茂貞引兵復逼京師建遣
 其子從允奉表請幸華州帝從之至華州以府署為行宮建視事於
 龍興寺丁巳八月建殺通王滋等十一人天復辛酉冬韓全誨劫帝
 如鳳翔宋全忠取華州謂建曰公許人可即往衣錦乃以建為忠臣

節度使梁乾化壬申六月為亂軍所殺詳創業類

劉季述昭宗時宦者為左軍中尉帝素疾宦官樞密使宋道弼景務
 修崔胤日與帝謀去宦官宦官知之由是南北司益相憎嫉各結藩
 鎮為援以相傾奪同平章王搏恐其致亂上言宦官之勢未可猝除
 願勿輕泄以速姦變崔胤聞之譖搏為道弼輩外應帝疑之及胤罷
 相意搏排已愈恨之遺朱全忠書使表論之帝不得已召胤復相之
 貶搏及道弼務修皆賜死於是胤專制朝政宦官益懼季述與右軍
 中尉王仲先樞密使王彥範薛齊偓等陰相與謀曰主上輕佻多變
 詐難奉事專聽任南司吾輩終罹其禍不若奉太子立之引岐華兵
 為援控制諸藩誰能害我哉庚申十一月帝獵苑中因置酒夜醉歸
 手殺黃門侍女數人明日日加辰巳宮門不開季述請中書白崔胤

曰宮中必有變我內臣也得以便宜從事請入侍之乃帥禁兵千人破門而入訪問具得其狀出謂胤曰主上所爲如是豈可理天下廢昏立明自古有之爲社稷大計非不順也胤不敢違庚寅季述召百官陳兵殿庭作胤等連名狀請太子監國以示之使署名胤及百官皆署之帝在乞巧樓季述伸先伏千人於門外與宣武進奏官程巖等十餘人入請對季述伸先甫登殿將士大呼突入宣化門至思正殿前逢宮人輒殺之帝見兵入驚墮牀下起將走季述伸先掖之令坐宮人走白皇后后趨至拜請曰軍容勿驚宅家有事取軍容商量季述等乃出百官狀白帝曰陛下厭倦大寶中外羣情願太子監國請陛下保願東宮帝曰昨與卿曹樂飯不覺大過何至於是對曰此非臣等所爲皆南司衆情不可遏也願陛下且之東宮侍事小定復

迎歸大內耳后曰宅家趣依軍容語卽取傳國寶以授季述宦官扶帝與何后同輩嬪御從者纔十餘人適少陽院季述以銀槌畫地對帝曰某時某事汝不從我言其罪一也如是數十不止乃手鎖其門鑄鐵錮之遣左軍副使李師虔將兵圍之穴墻以通飲食帝求錢帛紙筆皆不與時大寒嬪御公主無衣衾號哭聞於外季述等矯詔令太子監國迎入宮辛卯矯詔令太子嗣位以帝爲太上皇更名小陽院曰問安宮季述加百官爵秩與將士皆受優賞欲以求媚於衆殺睦王倚凡宮人左右方士僧道爲帝所寵信者皆榜殺之每夜殺人晝以十車載尸出一車或止一兩尸欲以立威將殺司天監胡秀林秀林曰軍容幽囚君父更欲多殺無辜乎季述憚其言正而止季述欲殺崔胤王憚朱全忠十二月遣養子希度請全忠許以唐社稷輸

之又遣供奉官李奉本以太上皇詔示全忠全忠以李振言囚希度遣親吏蔣玄暉如京師與崔胤謀之太子即位累旬藩鎮牋表多不至王仲先性苛察素知左右軍多積弊及為中尉鉤校軍中錢穀得隱沒為姦者痛捶之急徵所負將士頗不安有鹽州雄毅軍使孫德昭為左神策指揮使自李述廢立常憤惋不平崔胤聞之遣判官石戩與之遊德昭每酒酣必泣戩知其誠乃密以胤意說之曰自上皇幽閉中外大臣至於士卒孰不切齒今反者獨李述仲先耳公誠能誅此二人迎上皇復位則富貴窮一時忠義流千古苟狐疑不決則功落它人之手矣德昭曰相公有命不敢愛死戩以白胤胤割衣帶手書以授之德昭復結右軍都將董彥弼周承誨謀以除夜伏兵安福門外以俟之辛酉正月乙酉朔王仲先入朝至安福門孫德昭

斬之馳詣少陽院叩門呼曰逆賊已誅請陛下出勞將士何后不信曰果爾以其首來德昭獻其首帝乃與后毀扉而出崔胤迎帝御長樂門樓帥百官稱賀周承誨擒李述及王彥範繼至方詰責已為亂挺所斃薛齊偓赴井死出而斬之滅四人之族并誅其黨二十餘人帝曰裕幼弱為凶豎所立非其罪也黜為德王

綱目光化三年

庚申

冬十一月中尉

當作劉季述

此下當幽上

當作帝

於少陽院而立太子裕天復元年辛酉春正月朔神策指揮使孫德昭等討劉季述等皆伏誅上復位黜太子裕為德王

尹氏曰唐自憲宗以來為宦官所弑者二君所立者七君昭宗輕佻徇急固足取禍然此輩視置君如奕碁已非一日季述等所以不行陳弘志劉克明故事者惟二人不免於前故羣閹猶

有所畏於後遂用傳授之說肆其幽廢之謀唐朝公卿在位既無一人敢與之抗而討賊反正又復出於北司豈不深可歎哉
將玄暉朱全忠親吏也昭宗天祐甲子四月遷洛陽以玄暉爲宣徽南院使又召朱友恭氏叔琮爲左右龍武統軍典宿衛全忠使玄暉伺帝動靜全忠方西討以帝有英氣恐變生於中欲立幼君易謀禪代乃遣判官李振至洛陽與玄暉及朱友恭氏叔琮等圖之玄暉選牙官史太等百人夜叩宮門殺宮人裴貞一帝在椒殿方醉遽起單衣繞柱走太追弑之昭儀李漸榮以身蔽帝太亦弑之玄暉矯詔稱貞一漸榮弑逆立暉王爲太子於柩前卽位全忠聞之陽驚哭自投於地曰奴輩負我令我受惡名於萬代至東都殺友恭叔琮友恭臨刑大呼曰賣我以塞天下之謫如鬼神何

僞命諸盜附

王敬暉河東李克用都將也癸亥五月敬暉殺刺史劉再立叛降劉仁恭克用遣李嗣昭等將兵討之仁恭遣兵救敬暉嗣昭退保樂安敬暉舉衆棄城而去

徐綰人爲錢鏐武勇都指揮使初孫儒死其士卒多奔浙西錢鏐愛其驍勇以爲中軍號武勇都行軍司馬杜稜諫曰狼子野心它日必爲深患請以土人代之不從壬戌八月鏐如衣錦軍命綰帥衆治溝洫副使成及聞士卒怨言白鏐請罷役不從甲申鏐臨饗諸將綰謀殺鏐於座不果穰疾先出鏐怪之丁亥命綰將所部兵先還杭州及外城縱兵焚掠左武勇都指揮使許再思以迎候兵與之合進逼牙城鏐子傅英與三城都指揮使馬綽等閉門拒之牙將潘長擊

綰等召宣州田頽頽引兵赴之。綰遣顧全武至廣陵說楊行密且以子爲質。行密乃召頽還。十一月，頽取錢次子爲質，與綰再思歸宣州。

綱目天復二年壬戌秋八月，浙西亂。

陳詢爲錢鏐睦州刺史。田子七月，詢叛。錢鏐舉兵攻蘭谿，鏐遣指揮使方永珍擊之。乙丑正月，兩浙兵圍詢于睦州。楊行密遣陶雅將兵救之，鏐遣其從弟鎰及王球等禦之。爲雅所敗，虜鎰及球。以歸。四月，陶雅會衢睦兵攻婺州。鏐遣其弟鏐及方永珍救之。九月，陶雅拔婺州。十二月，詢不能守睦州，奔於康陵。陶雅入據其城。

通鑑部卷一百十八終



國家圖書館, NATIONAL CENTRAL LIBRARY, TAIWAN, R.O.C.

學海君道部卷之一百十九

世系類


亂賊姓名九

五季寇賊篇

梁叛亂章附吳

史仁遇天雄牙將也天祐丙寅四月羅紹威既誅牙軍魏之諸軍皆懼紹威雖數撫諭之而猜怨益甚朱全忠管於魏州城東數旬將北巡行營營仁遇作亂聚眾數萬據高唐自稱留後天雄巡屬諸縣多應之全忠移軍入城遣使召行營兵還攻高唐至歷亭魏兵在行營者作亂與仁遇相應元帥府左司馬李周彝右司馬符道昭擊之所殺殆半進攻高唐克之城中兵民無少長皆死擒仁遇鋸殺之明年

國家圖書館 NATIONAL CENTRAL LIBRARY, TAIWAN, R.O.C.



丁卯四月朱全忠篡唐稱帝

綱目唐天祐三年丙寅夏四月天雄軍亂梁王全忠討平之

王求襄州牙兵也初王班代楊師厚為留後鎮襄州師厚屢為班言求等凶悍宜備之班自恃左右有壯士不以為意每眾辱之己巳七月班謫求戍西境是夕作亂殺班推都指揮使劉玘為留後玘偽從之明日逃詣梁主所亂兵奉平淮指揮使李洪為留後附於蜀未幾房州刺史亦叛附于蜀八月辛酉均州刺史張敬方克房州李洪寇荆南高季昌遣其將倪可福擊敗之梁主詔陳暉將兵會荆南兵討洪暉軍至襄州李洪逆戰大敗王求死九月丁酉拔其城斬叛兵千人執李洪陽虔等送洛陽斬之

溫韜華原賊帥也戊辰十月韜聚眾嗟峨山暴掠雍州諸縣岐王李茂貞募之以為假子冒姓李名彥韜辛未三月茂貞以華原為耀州美原為鼎州置義勝軍以彥韜為節度使使帥郃岐兵攻長安梁主遣康懷貞等以同華河中兵擊彥韜於車渡走之癸酉六月梁郢王友珪弒梁主而自立甲戌二月梁均王友貞討友珪誅之而自立更名瑱冬彥韜知岐王衰弱以耀鼎二州降梁梁主改耀州為崇州鼎州為裕州義勝軍為靜勝軍復彥韜姓溫氏名昭圖官任如故昭圖在鎮七年唐諸陵在其境內者悉發掘之庚辰四月梁河中節度使朱友謙襲取同州遂以河中降晉梁主遣劉鄩帥昭圖等攻之晉王克用遣李存審等救之鄩等敗走河中兵進攻崇州昭圖甚懼梁主使供奉官竇雅說之曰公所有者華原美原兩縣且雖名節度使實一鎮將比之雄藩豈可同日語也公有意欲之乎昭圖曰然雅曰當

爲公圖之即教昭圖表求移鎮乃徙昭圖爲匡國節度使鎮許昌昭圖素事趙巖故得名藩癸未四月晉王存勗稱帝于魏國號唐十月唐滅梁趙巖奔許州昭圖迎謁歸第斬首以獻盡沒巖所齎之貨昭圖復名韜十一月韜自許入朝多齎金帛賂劉夫人及權貴伶宦唐主待之甚厚賜姓名曰李紹冲旬日復遣還鎮郭崇韜曰國家爲唐雪耻溫韜發唐山陵殆徧其罪與朱溫相將耳何得復居方鎮天下義士其謂我何唐主曰入汴之初已赦其罪竟遣之

綱目戊辰

梁開平二年

冬十月華原賊發溫韜發唐諸陵癸未

唐同光元年冬十

一月溫韜入朝

胡氏曰罪人不可不誅赦令不可不守二者將何處必於未之前揆情法審輕重而區別之使預赦者無可誅之罪被刑者無可恕之人則一舉而兩得矣然莊宗所見又異乎此使溫韜不賂伶官貨官姬必不以赦爲言也

尹氏曰前書華原賊溫韜發唐諸陵此書溫韜入朝則唐之失刑爲可知矣然則明年遣使按視果何益哉

高宗益夏州都指揮使庚午三月宗益作亂殺節度使李彛昌將吏共誅宗益推彛昌族父李仁福爲帥梁以爲定難節度使

劉重遇龍驤都將也梁乾化壬申八月龍驤軍三千人戍懷州者潰亂東走所過剽掠梁主遣霍彥威杜晏球討擊破之執重遇於鄆陵斬之

劉崇景爲吳袁州刺史甲戌四月叛附于楚楚將許貞將萬人援之吳都將柴再用等帥諸將討之五月與崇景貞戰於萬勝大破之崇

景貞棄袁州遁去

米昭爲衛州刺史貞明丙子三月乙卯朔晉王李存勗攻衛州壬戌昭降之

張溫爲捉生都指揮使丙子六月晉人攻邢州梁主遣溫將兵五百救之溫以其衆降晉

周郊吳潤州牙將丙子七月郊作亂入府殺大將秦師權等大將陳祐等討斬之

後唐反叛章

閩附

李繼韜晉昭義節度使嗣昭之子也壬午四月嗣昭攻鎮州中矢卒長子繼儔爲澤州刺史當襲爵素懦弱繼韜凶狡囚繼儔於別室詐令士卒劫已爲留後晉王以用兵方殷不得已改昭義軍曰安義

以繼韜爲留後繼韜雖受命終不自安慕僚魏珣牙將申蒙復從而問之曰晉朝無人終爲梁所併耳癸未三月繼韜弟繼遠亦勸繼韜自託于梁繼韜乃遣繼遠詣大梁請以澤潞爲梁臣梁主大喜更名安義軍曰匡義以繼韜爲節度使同平章事繼韜以二子爲質安義舊將裴約戍澤州不從據州自守梁主以董璋爲澤州刺史將兵攻拔之四月晉王稱帝十月滅梁十二月繼韜欲北走契丹會有詔徵詣闕繼韜母楊氏善蓄財家訖百萬乃與偕行齎銀四十萬兩他物稱是大布賂遺伶人宦官爭爲之言曰繼韜初無邪謀爲姦人所惑耳嗣昭親賢不可無後楊氏入宮泣請又求哀於劉夫人唐主釋之寵待如舊繼韜不自安潛遺弟繼遠書教軍士縱大翼復遣已撫安之事泄被誅并斬繼遠以繼遠充軍城巡檢召繼儔詣闕繼儔據有

繼韜之室料簡妓妾搜校貨財不時即路繼達怒曰大兄曾無骨肉之情貪淫如此吾誠羞之因攻牙宅斬繼儔知事不濟盡殺其妻子將奔契丹從騎皆散乃自剄

綱目癸未

後唐莊宗存勗同光元

春三月晉李繼韜以潞州叛降梁夏四月

晉王存勗稱帝于魏州國號唐冬十二月唐李繼韜入朝赦之尋伏誅

楊立安義牙將也初有寵於李繼韜繼韜誅常邑邑思亂同光二年甲申四月發安義兵三千戍涿州立謂其眾曰前此潞兵未嘗戍邊今朝廷驅我輩投之絕塞蓋不欲置之潞州耳與其暴骨沙場不若據城自守事成富貴不成為羣盜耳因聚謀攻子城東門焚掠可肆節度使李繼珂監軍張弘祚存城走立自稱留後遣將士表求旌節

遣李嗣源等討之五月乙丑嗣源大軍前鋒至潞州日已曠蘊帥壯士踰塹坎城而上守者不能禦即斬關延諸軍入比明嗣源等至城已下矣六月丙子磔立及其黨於鎮國橋

綱目同光二年

甲申

春二月唐澤潞軍亂夏五月唐討潞州平之

陳本汀州民乙酉十二月闔王審知卒子延翰嗣本聚眾三萬圍汀州延翰遣右軍都監柳邕等將兵二萬討之丙戌二月破本斬之皇甫暉初為魏軍卒從指揮使楊仁晟戍瓦橋關歲滿當代歸同光丙戌春二月唐主以鄴都空虚恐兵至為變故留屯貝州時郭崇韜被誅唐主已失政天下離心暉為人驍勇與其徒夜博不勝因人心不安乃作亂劫其都將楊仁晟等三王所以有天下吾魏軍方也魏軍甲不去體馬不離鞍者十餘年今天下已定天子不念舊勞

更加倩忌遠成踰年方喜代歸去家咫尺不使相見言留屯貝州今不許還魏也

聞皇后弒逆京師已亂將士願與公俱歸仍表聞朝廷若天子萬福

興兵致討以吾魏博兵力足以拒之安知不更為富貴之資乎仁最

不從暉殺之又劫小校不從又殺之趙在禮踰垣而走暉追及曳其

足而下之示以二首在禮懼而從之乃夜焚貝州以入于魏在禮署

暉為馬步軍都指揮使暉縱兵大掠城中至一民家問其姓曰姓國

暉曰吾當破國遂盡殺之又至一家問其姓曰姓萬暉曰吾殺萬家

足矣又盡殺之唐主遣李紹榮招諭之紹榮攻鄴都不克唐主遣李

嗣源將親軍討之嗣源至鄴城下從馬直軍士張破敗作亂擁嗣源

入城與在禮合謀嗣源詭說得出奔相州遂引兵向大梁唐主存勗

如關東嗣源入大梁唐主乃還遂為伶人郭從謙所弒嗣源道入洛

陽稱帝暉自軍卒擢拜陳州刺史晉天福中以衛將軍居京師趙在

禮已秉旄節鎮來朝暉往侯之曰與公俱起甘陵卒成大事然由我

發也公今富貴能卹我乎不然禍起坐中在禮懼遽出銀幣數千與

之而飲以酒暉飲自若不謝而去久之為密州刺史

綱目同光丙戌唐同光四年春二月唐鄴都亂丁亥唐明宗嗣源天成二年春二月唐

以趙在禮為鄴都留守皇甫暉為秦州刺史

並氏濟曰啓鄴都之亂者暉而成其亂者在禮也莊宗之禍自

暉始而在禮成之明宗果無利之之心即位之後即當以二人

肆諸市朝庶以少白此心顧乃首擢在禮為義成節度使其不

受命又以為鄴都留守暉自軍卒即擢陳州刺史由是觀之五

代史所謂明宗至鄴軍變因入城與在禮合謀者豈虛語哉

趙在禮涿州人少事劉仁恭爲軍校仁恭子守光殺兄囚父在禮乃奔於晉爲効節指揮使同光丙戌二月在禮將魏兵戍瓦橋關還至貞州軍士皇甫暉作亂逼在禮反攻魏與唐尹王正言降在禮自稱留後唐主遣李嗣源討之至鄴軍變因入城與在禮合嗣源反兵向大梁在禮留于魏四月唐主存勗爲伶人所弑嗣源入洛陽以在禮爲興唐尹義成節度使天成丁亥三月在禮患魏軍之逼懼反禍乃求解去徙鎮橫海又徙泰寧匡國天平忠武寧歸德晉主重貴時爲晉昌節度使在禮更歷十鎮所至貪暴家貲爲諸帥之最晉主利其富開運丙午三月爲皇子延煦娶其女在禮自費緡錢十萬縣官之費數倍過之十一月契丹大舉入晉遣兵入大梁執晉主重貴以歸丁未正月契丹德光入大梁在禮入朝其裨將留長安者作亂節度

副使李肅討誅之軍府以安在禮至洛陽謂人曰契丹主嘗言天下之亂由我所致我此行良可憂契丹遣將述軋奚王拽刺勃海高謨翰戍洛陽在禮入謁拜於庭下拽刺等皆踞坐受之乙卯在禮至鄭州聞匡國節度使劉繼勳被鎖大驚自經於馬櫪間

綱目丙戌

同光四年

春二月唐鄴都亂遣李紹榮招諭之唐遣李嗣源

入洛陽唐主嗣源立以趙在禮爲義成節度使

卮言曰唐晉之禍趙在禮爲之也鄴都變而嗣源起以此得之亦以此失之嗣源之後有從珂從珂之後有石敬瑭藩鎮之跋扈者無歲篋有各欲爲其所欲而成敗異焉然在禮能使魏兵奉以爲帥及其更歷十鎮惟所至貪暴而已最後乃得晉昌晉

昌故長安地也當契丹之入晉其勢可以據關中而自雄而俛首歸命之不暇至於懼禍自殺何歟蓋此輩惟圖富貴始行險僥倖終反覆圖全患得患失所謂鄙夫小人者也

趙太邢州左右步直兵也天成丁亥二月太等四百人據城自稱安國留後詔李紹真討之三月丁巳朔紹真奏克邢州擒趙太等庚申真引兵至鄴都營於城西北以太等徇於鄴都城下而殺之是不足

甫暉等適以堅其死守之心耳

王溫從馬直軍士也丁亥三月溫等五人殺軍使謀作亂擒斬之

張破敗從馬直軍士也丁亥三月李嗣源至鄴都下令詰旦攻城是夜破敗作亂帥眾大譟殺都將焚營舍詰旦亂兵擁嗣源入城城中不受外兵皇甫暉逆擊張破敗斬之嗣源遂與趙在禮合謀卒以篡

國

郭從謙本優人也優名郭門高德勝之役桃戰有功遂有寵積功至馬直軍指揮使郭崇韜方用事從謙以叔父事之又爲睦王存乂假子二人得罪從謙數以私財饗諸校言崇韜之寃丙戌二月軍士王溫等五人作亂唐主戲謂從謙曰汝既負我附崇韜存乂又教王溫反欲何爲也從謙益懼既退陰謂諸校曰主上以王溫之故俟鄴都平定盡阮若曹家之所有宜盡市酒肉勿爲久計也由是親軍皆不自安三月唐討鄴兵劫李嗣源入鄴都嗣源遂引兵向大梁唐主將如汜水四月朔嚴辦陳兵將發從謙不知睦王存乂已死欲奉之以作亂帥所部兵攻興教門唐主爲流矢所中而殂嗣源遂入洛陽殺劉后及諸王自稱唐帝丁亥二月唐主以從謙爲景州刺史既至遣

使族誅之

綱目丙戌唐同光四夏四月唐伶人郭從謙弒其主存勗李嗣源入洛陽

胡氏曰從謙負叛弒之罪乃不及時致討至於十月之久誘以寵命然後族之得非畏其衆乎夫乘初至之威治叛弒之賊其勢甚易速則人心悅而大義立緩則觀望怠而綱紐縱此撫事者所以貴於反時也

卮言曰李嗣源與郭從謙同反者也嗣源擁兵而後從謙爲亂從謙弒主而後嗣源篡國豈敢即以賊討賊乎胡氏以大義之立失之緩時責嗣源非也

張諫爲汴州控鶴指揮使天成丙戌六月詔發諫等三千人戍瓦橋

已出城諫復還作亂焚掠坊市殺權知州崔官高逃逼都指揮

彥饒爲帥彥饒曰汝欲吾爲帥當用吾命禁止焚掠衆從之己亥日彥饒伏甲於室諸將入賀彥饒曰前日唱亂者數人而已遂執諫等四人斬之其黨張審瓊帥衆大譟於建國門彥饒勒兵擊之盡誅其衆四百人軍州始定

綱目丙戌唐明宗嗣源天成元

夏六月唐汴州軍亂指揮使李彥饒討平之

王公儼平盧軍校也丙戌八月公儼作亂討斬之其黨支使韓叔嗣預焉其子熙載奔吳

綱目丙戌秋八月唐平盧軍亂討平之

李匡賓爲定遠軍使己丑九月朔方節度使韓洙卒弟澄爲留後匡賓聚黨據保靜鎮作亂朔方不安十月韓澄遣使齎絹表乞朝廷命

帥乃以康福爲朔方節度使自是朔方始受代庚寅春三月康福克保靜鎮斬匡實

張彥超本沙陀人嘗爲唐明宗養子與石敬瑭有隙長興庚寅十一月聞敬瑭爲總管舉城附於契丹契丹以爲大同節度使

王希全安遠節度使符彥超之奴也應順甲午正月希全與任賀兒見朝廷多事謀殺彥超據安州附於吳夜叩門稱有急遞彥超出至

聽事二奴殺之因以彥超之命召諸將有不從已者輒殺之已酉且

李端帥州兵討誅之并其黨

義誠初爲河陽節度使甲午正月加兼侍中判六軍諸衛事二月路王從珂反於鳳翔唐遣兵討之官軍降潰從珂至長安唐主以義

誠爲招討使將兵拒之從珂至陝義誠及諸將皆請降唐主出奔石敬瑭遇於衛州盡殺其從騎四月孟漢瓊詣從珂降從珂誅之從珂

入洛陽篡位廢唐主爲鄂王弒之衛州斬義誠滅其族

綱目甲午

唐閔帝從厚應順天路王從珂清泰元

春正月唐潞王從珂舉兵鳳翔至

長安唐主以康義誠爲招討使將兵拒之從珂至陝諸將及康義

誠皆降

胡氏曰誤閔帝者朱弘昭馮贇孟漢瓊康義誠爲甚潞王誅之

雖不足以贖奪國弒君之罪亦足以少懲姦賊快於人心方諸

符堅之不殺慕容評隋文之不殺江總太宗之不殺封倫宇文

士及使小人洋洋然得志自謂無適不容者豈不賢哉

卮言曰篡國弒君者從珂也叛主降賊者義誠也從珂豈能聲

義誠之罪而誅之乎義誠統宿衛兵握權邀功從珂亦以逞一

時之威杜後日之禍耳豈得與符堅隋文太宗並論賢否哉惟以誅一義誠為賢則當時輔相大臣如馮道輩迎降勸進惟恐不及者從珂方且懷其同惡寵以共休又不知數君者有是亦也

李倣為閩皇城使初閩主璘有幸臣曰歸守明出入臥內璘晚得風疾陳后與守明及李可殷私通國人皆惡之可殷嘗僭倣於璘后族陳匡勝無禮於福王繼鵬倣及繼鵬皆恨之乙未十月璘疾甚倣使人殺可殷陳后訴之璘力疾視朝詰可殷死倣懼而出引步兵鼓譟入宮璘匿帳中亂兵刺殺之倣與繼鵬殺陳后陳守恩等繼鵬即位改名昶倣專制朝政陰養死士昶與林延皓等圖之十一月倣入朝執斬之詔暴倣弑君罪告諭中外

綱目乙未

唐清泰元年閩永和元

冬十月閩李倣弑其主璘而立福王繼鵬

名昶十一月閩李倣伏誅

卮言曰李昶李倣所立也能誅倣而暴其弑君之罪視唐從珂之誅康義誠斯為得矣

張令昭為天雄捧聖軍都虞侯丙申五月唐以河東節度使石敬瑭為天平節度使敬瑭拒命唐發兵討之天雄節度使劉延皓恃后族之勢驕縱奪人財產滅將士給賜宴飲無度令昭因眾心怨怒謀以魏博應河東六月癸丑未明帥眾攻牙城克之延皓脫身走亂兵大掠令昭奏延皓失於撫御以致軍亂臣以撫安士卒權領軍府乞賜旌節延皓至洛陽唐主怒命遠貶皇后為之請止削官爵歸私第以令昭為右千牛衛將軍權知天雄軍府事令昭以調發未集且受新

命尋有詔徙齊州防禦使令昭託以士卒所留實俟河東之成敗唐主遣使諭之令昭殺使者乃以范延光爲天雄招討使七月丁未延光拔魏州斬令昭詔悉誅其黨七指揮

綱目丙申

唐清泰三晉高祖石敬瑭天福元

夏六月唐天雄軍亂逐節度使劉延

皓以應河東秋七月唐克魏州

桑遷爲雲州步軍指揮使丙申七月遷奏應州節度使尹暉逐雲州節度使沙彥珣收其兵應河東是月丁酉彥珣表遷謀叛應河東引兵圍子城彥珣犯圍走出西山據雷公口明日收兵入城擊亂兵遷敗走軍城復安是日尹暉執遷送洛陽斬之

田承肇爲建雄節度副使初張敬達旣出師唐主遣高漢筠守晉州以承肇爲副清泰丙申十一月契丹立石敬瑭爲皇帝國號晉唐將

楊光遠殺敬達降於契丹敬達死承肇帥衆攻漢筠於府署門承肇入從容謂曰僕與公俱受朝寄何相迫如此承肇曰欲奉公爲節度使漢筠曰僕老矣義不爲亂首死生惟公所處承肇自左右欲殺之軍士投刃於地曰高金吾累朝宿德奈何害之承肇乃謝曰與公戲耳聽漢筠歸洛陽是月唐主從珂自焚死晉主入洛陽

綱目丙申冬十一月唐晉州軍亂逐將守將高漢筠

晉反叛章

王暉爲安州威和指揮使丁酉七月暉聞天雄節度使范延光作亂殺安遠節度使周瓌自領軍府欲俟延光勝則附之敗則渡江奔吳晉主遣天雄節度使楊光遠討延光平之遣上將軍李金全將千騎如安州許赦王暉爲唐州刺史暉大掠安州將奔吳部將胡進殺之

八月李金全至安州將士之預於亂者數百人金全說諭悉遣詣闕
既而聞指揮使武彥和等數千人挾賄甚多伏兵于野執而殺之彥
和且死呼曰王暉首惡天子猶赦之我輩脅從何罪乎晉主雖知金
全之情掩而不問

綱目丁酉

晉天福二

秋七月晉安州亂討平之

庾言曰自李嗣源李從珂石敬瑭相繼以逆得國當時朝爲君
臣篡爲仇敵習以爲常名分幾如天福之初藩鎮之拒命如范
延光張從賓齊彥饒輩史皆書反今以其反於亂世也故系之
強藩其莽亂叛據者仍系之此篇云

李彥珣邢州人初爲河陽行軍司馬父母在鄉里未嘗供饋後與張
從賓同反從賓敗奔廣晉范延光以爲步軍都監使登城拒守楊
遠訪獲其母置城下以招之彥珣引弓射殺其母戊戌九月范延光
降晉主以彥珣爲坊州刺史近臣言彥珣殺母惡逆不可赦晉主曰
赦令已行不可改也乃遣之官

司馬公曰治國家者固不可無信然彥珣之惡三靈所不容晉高
祖赦其叛君之惡治其殺母之罪何損於信哉

庾言曰司馬公之通鑑不特事理詳明文詞博洽而議論正大
識見弘奧如此類是也

王彥忠靈州戍將也己亥三月彥忠據安遠城叛晉主遣供奉官齊
延祚往招諭之彥忠降延祚殺之晉主怒曰朕踐祚以來未曾失信
於人彥忠已輸伏出迎何得擅殺之除延祚名重杖配流議者猶以
爲延祚不應免死

綱目已亥晉天福四春三月晉靈州戍將王彥忠叛

杜重威朔州人其妻石氏晉主敬瑭之女弟也敬瑭稱帝封石氏為公主以重威為舒州刺史使典禁兵累遷侍衛親軍都指揮使天福壬寅正月平安重榮於鎮州晉主改鎮州成德軍為恒州順國軍以重威為節度使晉主敬瑭殂兄子齊王重貴立重威改名威開運甲辰八月晉主以威為招討使督十三節度以備契丹威久鎮恒州貪殘不法又畏懦過甚每契丹入境屠掠不敢出救乙巳五月威見所部殘弊為衆所怨又懼契丹之至累表請入朝晉主不許威不俟報遽委鎮入朝既至大梁又令公主白晉主求天雄節鉞六月以威為天雄節度使丙午十月契丹寇鎮定復以威為招討使督諸軍擊之威西趨中渡橋與虜夾滹沱河而軍是時威已有異志而糧道絕

使人請契丹請降契丹主悅以威為太傅復名重威從契丹大梁晉主出降契丹滅晉遣重威還鄴丁未正月劉知遠稱帝至大梁晉之藩鎮相繼來降重威奉歸命仍請移它鎮乃以重威太尉徙鎮歸德重威自以附契丹負中國內常疑懼及移鎮制下復拒而不受遣其子弘遂質於契丹將麻答以求援趙延壽有益州親兵三千在恒州指揮使張璉將之重威請以守魏麻答遣其將楊衮將契丹千五百人反幽州赴之閏月詔削奪重威官爵遣高行周慕容彥超討之二將不協漢主恐生它變乃自將親征十月戊戌漢主至鄴都重威聲言車駕至即降漢主遣使往諭指重威復閉門拒之城申食浸竭將士多出降者十一月食竭力盡重威遣判官王敏奉表出降乙亥重威子弘璉來見丙子妻石氏來見漢主復遣入城丁丑重威

開門出降城中餓死者什七八存者皆疴瘠無人狀郭威請殺重威牙將百餘人并重威家貲籍之以賞戰士從之以重威爲太傅兼中書令楚國公重威每出入路人往往擲瓦礫詬之澤師兵戍恒州乾祐戊申正月漢主更名曰高丁丑大斬召蘇逢吉郭威等入受顧命曰承祐幼弱後事託在卿又曰善防重威是日殂逢吉等秘不發喪下詔稱重威父子因朕小疾謗議搖衆并子弘璋弘璉弘瓌皆斬之晉公主及內外親族一切不問殛重威尸於市市人爭啖其肉吏不能禁斯須而盡

綱目乙巳

晉開運二

夏六月晉以杜威爲天雄節度使丙午冬十月晉

遣杜威將兵伐契丹十二月杜威等以兵降契丹丁未秋九月漢以杜重威爲歸德節度使重威拒命漢發兵討之冬十月漢主如

瀘魏勞軍杜仲威出降戊申春正月漢主殂杜重威伏誅

劉氏曰知遠重威皆晉臣也其不願臣漢則書拒命何重威降敵反叛罪大也不受漢爵而倚外爲援罪益深矣綱目予漢以正故書拒命討之又書伏誅

張彥澤其先突厥部人後徙居陰山大又徙太原彥澤以善射爲騎將數從唐莊宗明宗戰伐與晉祖連姻晉祖稱帝以彥澤爲曹州刺史天福丁未從討范延光爲鎮國節度使歲中徙鎮彰義辛丑二月彥澤欲殺其子掌書記張式素爲彥澤所厚諫止之彥澤怒射之左右素惡式從而讒之式懼謝病去彥澤遣兵追之式至邠州節度使李式以聞晉主以彥澤故流式商州彥澤遣仁軍司馬鄭元昭詣闕求之晉主不得已與之式至涇州彥澤命決口剗心斷其四支壬寅

三月彥澤在涇州擅發兵擊諸胡兵皆敗調民馬千餘匹以補之獲亡將楊洪乘醉斷其手足而斬之王周奏彥澤在鎮貪殘不法二十六條民散亡者五千餘戶彥澤既至晉主以其有軍功又與楊光遠連姻釋不問四月右諫議大夫鄭受益上言楊洪所以被屠由陛下去歲送張式與彥澤使之逞志故彥澤敢肆凶殘無所忌憚見聞之人無不切齒而陛下曾不動心一無詰讓淑慝莫辨賞罰無賞中外皆言陛下受彥澤所獻馬百匹聽其如是臣竊爲陛下惜此惡名乞正彥澤罪法以滌洗聖德疏奏留中庚申刑部郎中李濤等伏闕極論彥澤之罪語甚切至辛酉敕張彥澤削一階降爵一級張式父及子弟皆拜官涇州民復業者減其繇役癸亥李濤復與兩省及臺官伏闕奏彥澤罰太輕請論如法晉主召濤而諭之濤端坐殿陛聲色俱厲晉王怒連叱之濤不退晉主曰朕已許彥澤不死濤曰陛下許彥澤不死不可負不知范延光鐵券安在晉主拂衣起入禁中丙寅以彥澤爲左龍武大將軍六月晉主敬瑭殂兄子重貴立開運甲辰彥澤遷右神武統軍自契丹與晉戰河北彥澤數立戰功爲彰國節度使乙巳九月晉主遣彥澤屯黎陽以彥澤爲軍馬排陳與諸軍敗契丹於秦舟扼之中渡橋丙午九月彥澤又敗契丹於定州北帥兵入恒州十一月契丹大舉入寇趣恒州杜威等聞之將自貝冀而南彥澤時在恒州引兵會之言契丹可破之狀威等乃復趨恒州以彥澤爲前鋒與契丹夾滹沱水而軍軍中乏食杜威李守貞等叛降契丹彥澤亦降契丹引兵南下杜威將降兵以從遣彥澤將二千騎先取大梁彥澤倍道疾驅夜渡白馬津自封丘門斬關而入

晉主遣桑維翰迎降使召彥澤欲與計事彥澤微笑不應彥澤倂坐見維翰維翰責之曰去年拔公於罪人之中復領大鎮授以兵權何乃負恩至此彥澤無以應遣兵守之彥澤縱兵大掠一日都城爲之一空彥澤自謂有功於契丹旗幟皆起赤心爲主見者笑之彥澤遣晉主於開封府頃刻不得留見者留涕晉主悉以內庫金珠自隨彥澤曰此物不可匿也晉主悉歸之亦分以遺彥澤遣指揮使李筠以兵守晉主內外不通上契丹主表章皆先示彥澤然後敢發丁未春正月契丹主入大梁遂滅晉高勳訴彥澤殺其家人契丹主亦怒其剽掠京城鎖之百上爭投牒訴彥澤罪遂與傅住兒俱斬北市彥澤前所殺士大夫子孫皆經杖號哭詬罵以杖朴之勳命剖其心以祭死者市人爭破腦取髓鬻其肉而食之

綱目丁未

晉天福十一年

春正月契丹德光入大梁殺張彥澤

歐史論曰觀彥澤之死而晉人所以甘心者可以知其憤疾忿怒於斯人者非一日也至於爭已戮之尸鬻其肉剔其髓而食之捨裂蹈踐斯須而盡何其甚哉此自古未有也

漢反叛章

契丹北漢蜀附

梁暉滄陽賊帥也初晉置鄉兵號天威軍教習歲餘竟不可用悉罷之但令七戶輸錢十千其鎧仗悉輸官而無賴子弟不復肯復農業山林之盜自是而繁及契丹入汴縱胡騎打草穀又多以其子弟及親信爲節度刺史不通政事華人之狡僞者多徃依其麾下教之妄作民不堪命於是所在相聚爲盜多者數萬人少者不減千百攻陷州縣殺掠吏民丁未二月契丹滅晉劉知遠稱帝于晉陽契丹主遣

其將高唐英守相州暉時有衆數百自滏陽送款晉陽磁州刺史李穀密表令暉襲相州暉偵知高唐英未至夜遣壯士踰城入啓關納其衆殺契丹數百據州自稱留後表言其狀三月契丹主將攻相州暉請降契丹主赦之許以爲防禦使暉疑其詐復乘城拒守四月己未明契丹主命諸軍急攻相州食時克之

綱目丁未春二月晉遣賊帥梁暉襲取相州殺契丹守兵

卮言曰契丹有相州而梁暉能襲取之近於義矣然而殺掠吏民又將請降不過盜賊之行耳此綱目惟以賊帥書之也王瓊攻契丹兵敗而死則有聞矣

王瓊澶州賊帥也丁未二月契丹鎮寧節度使耶律郎五性殘虐澶州人苦之瓊帥其徒千餘人夜襲據南城北渡浮航縱兵大掠圍郎五於牙城契丹主遣兵救之瓊退屯近郊遣弟超奉表求救於漢漢主厚賜超遣還瓊兵敗爲契丹所殺

綱目丁未春二月澶州賊帥王瓊攻契丹將郎五不克而死

王峻初爲宣徽使漢乾祐戊申正月漢主知遠更名曷尋殂周王承佑立己酉十月契丹侵河北漢主遣樞密使郭威督諸將禦之以峻監其軍十一月契丹聞漢兵渡河乃引去郭威至鄴都令峻分軍趨鎮定威還庚戌四月復以威爲鄴都留守十一月漢主殺樞密使楊邠侍衛指揮使史弘肇等又令郭威殺威及峻命劉銖誅其家嬰孺無免者郭威遂舉兵反峻徇於衆曰我得公處分俟克京城聽旬日剽掠衆皆踴躍威軍至封丘漢主出奔趙材爲亂兵所弑威入城諸軍大掠通夕至晡乃定威以漢太后臨朝迎湘陰公贊于徐州以

峻為樞密使郭威將兵擊契丹至澶州擁兵而還峻遣兵拒贊以太
后誥廢為湘陰公令郭威監國辛亥正月郭威篡位國號周加峻同
平章事廣順癸丑正月峻固求出鎮乃以峻兼平盧節度使峻晚節
益狂躁詞頗不遜周主幽峻別所貶商州司馬以病卒

綱目庚戌

漢乾祐三

冬十月漢郭威舉兵反遂殺其主承祐漢太后臨

朝以王峻為樞密使漢遣郭威將兵擊契丹自立而還王峻王殷
遣兵拒劉贊以太后誥廢為湘陰公忻州

李勅為北漢忻州監軍甲寅十二月勅殺刺史趙臯及契丹通事楊
耨姑舉城降以勅為忻州刺史

王承丕為蜀梓州監押初蜀主以郭延勺判武德軍素不禮於承丕
上于七月奉聖指揮使孫欽當以兵戍邊往辭承丕承丕邀與俱見

府公至則令左右擊殺延勺屠其家矯詔開府庫賞三卒

屯戍將吏畢集欽謂承丕曰今延勺已伏辜公宜出詔書以示眾承
丕曰我能致公富貴勿問詔書欽始知承丕反因給曰今內外未安

請為公巡察即躍馬而出曉諭其眾帥以入府攻承丕斬之傳首成
都

綱目壬子

周廣順二

秋七月蜀梓州監押王承丕殺判武德軍郭延勺

指揮使孫欽討誅之

周反叛章

唐湖南附

党項野雞族居慶州之北壬子十一月慶州刺史郭彥欽性貪野雞
族多羊馬彥欽故擾之以求賂野雞族遂反徙折從阮為靜難節度
使討之癸丑春二月野雞族降初殺牛族與野雞族有隙聞官軍討

野雞饋餉迎奉官軍利其財畜而掠之殺牛族與野雞合敗兵于包山周主以郭彥欽擾羣胡致其作亂黜廢于家

綱目壬子冬十月周慶州野雞族反遣析從阮討之癸丑春正月周野雞族降

周廷構唐壽州監軍乙巳三月周主圍壽州節度使劉仁瞻病甚不知人廷構等作仁瞻表昇仁瞻出城以降于周仁瞻死之

范再遇唐泗州守將也丁巳十月周主攻泗州再遇以城降

郭廷謂唐濠州團使丁巳十一月周主攻濠州廷謂上表言臣家在江南今若遽降恐為唐所種族請先遣使稟命然後出降許之十二月廷謂使者自金陵還知唐不能救命參軍李廷草降表不從廷

謂斬之舉城降

張文表為湖南將庚申正月周殿前都點檢趙匡胤稱皇帝國號宋廢周主宗訓為鄭王壬戌十月武平節度使周行逢病亟召將校屬其子保權曰吾部內兇狠者誅之畧盡惟張文表在耳我死六表必亂諸君善佐吾兒無失土宇必不得已當舉族歸朝無令陷于虎口行逢卒保權嗣位文表聞之怒曰我與行逢俱起微賤立功名今日安能北面事小兒乎十二月保權遣兵代永州戍道出衡陽文表遂驅之以襲潭州知留後廖簡素易文表不設備文表兵徑入府中簡方宴飲醉被殺文表遂據潭州又將取朗陵以滅周氏保權遣楊師璠擊之且求援于宋癸亥二月宋主遣慕容延釗李處耘率十州兵假道荆南討文表未至楊師璠已破文表于平津亭執文表齎而食之梟首朗陵市李處耘遂襲江陵高繼冲以荆南降慕容延釗進

克潭州及周保權戰于澧江敗之三月延遂入朗執保權以歸

綱目壬戌

宋太祖建隆三

冬十二月湖南將張文表襲潭州據之癸亥春

正月宋遣師假道荆南討張文表二月周保權執文表誅之

國朝通志道部卷之

百十九

學海君道部卷之一百二十

世系類一百二十

亂賊姓名十

宋賊篇一

宋初反叛章

全師雄初爲後蜀文州刺史乾德乙丑正月王全斌等滅蜀盡夜
飲不恤軍務部下漁奪無厭蜀人苦之詔發蜀兵赴汴並優給廩食
全斌等不卽奉命蜀兵憤怒三月蜀兵行至綿州遂作亂劫屬邑衆
至十餘萬自號興國軍獲師雄推以爲師師雄率衆攻彭州據之自
稱興蜀大王分據要害兩川民爭應之全斌等遣兵擊之爲師雄所
敗退保成都師雄勢益張遣兵分守綿漢間緣江置砦於是邛蜀等

十六州及成都屬縣皆起兵應師雄帝聞兩川兵起命客省使丁德裕領兵往討之以康延澤爲東川七州招安巡檢使時全師雄屯新繁劉光義曹彬進擊大破之師雄走灌口王全斌等復擊破之師雄走金堂病死其黨據銅山推謝行本爲主延澤旋拔之德裕等分道招輯賊衆悉平

綱目已丑

宋乾德三

春三月宋兩川軍亂丙寅冬十二月宋兩川平

王小波青城民初蜀亡其府庫之積悉輸汴京後任事者競起功利於常賦外更置博買務禁商賈不得私市布帛蜀地狹民稠耕稼不足以給由是小民貧困兼并者益糴賤販貴以規利淳化癸巳二月小波因聚衆爲亂且曰吾疾貧富不均今爲汝均之貧者爭附遂攻青神掠彭山殺縣令齊元振剖其腹實之以錢惡其平日愛錢故也賊黨由是愈熾旁邑響應十二月西川都巡檢使張玘與小波戰于江原玘射中小波已而爲小波所殺小波亦病創死

綱目太宗淳化四年

癸巳

春二月青神民王小波作亂冬十二月王

小波死其黨李順陷蜀邛州

李順王小波妻弟小波死其黨推順爲帥寇梓州縣陷邛州永康軍衆至數十萬甲午正月戊午李順攻陷漢州己未陷彭州己巳陷成都轉運使樊知古知府郭載及官屬出奔梓州順入城據之僭號大蜀王遣其黨四出攻劫州縣兩川大震帝議遣大臣撫諭趙昌言獨請發兵急討無使滋蔓帝從之甲戌遣宦者王繼恩爲兩川招安使分路進討二月乙未李順分遣楊廣數萬衆寇劔門上官正爲劔門都監麾下疲卒數百因勉激以忠義勇氣自倍力戰以守會成都

商賈如名 卷一
監軍宿翰兵至正與之合迎擊賊衆大敗之斬馘幾盡餘衆三百奔
還成都順怒其驚衆盡斬之自此氣沮時朝廷聞蜀盜甚盛深以棧
道爲憂正以孤軍力戰破賊於是閣道無壅王師得以長驅而進初
知梓州王雍聞王小波起卽練士卒募強勇爲城守計輦綿州金帛
以實帑藏命官屬治戎器守械悉備至是順遣其黨帥衆二十萬圍
梓城中兵纔三千雍悉智力禦之凡八十日王繼恩遣石智顯來援
賊乃潰去四月己亥王繼恩師過綿州賊潰走追殺及溺死者甚衆
庚子復綿州遣曹習破賊於老溪復閬巴蓬劔等州五月丁巳王師
至成都破賊十萬衆斬首二萬級獲李順遂復成都其黨張餘後攻
陷嘉戎瀘渝涪忠萬開八州開州監軍秦傳序死之

綱目淳化四月冬十二月王小波死其黨李順陷蜀邛州永康軍

五年春正月李順陷成都以宦者王繼恩爲兩川招安使討之二
月李順寇劔州都監上官正大敗之夏五月王繼恩復成都李
順誅之其黨張餘復陷嘉戎諸州

張餘李順黨也順死餘復陷嘉戎諸州七月降成都府爲益州以張
詠知益州王繼恩上官正宿翰等總兵討賊漸有成功頓師不進其
下恣橫標掠餘寇勢復張大誅至勉正等親行由是大捷時寇掠之
際民多脅從詠諭以恩信使各歸田里八月賊衆攻夔州白繼斌貝
大敗之于西津口斬首二萬獲舟千餘艘上官正復連破賊于廣安
嘉陵合州賊進攻陵州又爲知州張且所敗至是正等大敗張餘于
雲安軍復其城至道乙未二月西川都監宿翰獲張餘于嘉州先是
西川行營衛紹欽楊瓊屢破賊衆復蜀邛等州帝以蜀盜漸平不詔

罪已略曰朕委任非當燭理不明致彼親民之官不以惠和爲政管
權之吏唯用刻削爲功撓我丞民起爲狂寇念茲失德是務責躬永
鑒前非庶無二過聞者感悅二月餘攻眉州翰擊之餘走嘉州爲軍
士所獲翰等至函餘首送行營其黨悉平

綱目淳化五年甲午秋八月上官正復雲安軍張餘敗走至道元年

乙未春二月四川都監宿翰獲張餘于嘉州蜀盜平

王均爲神衛軍都虞侯初神衛卒戍益州以均及都虞侯王均董福
分領之福御衆有法所部皆優贍均好飲博軍裝悉以給費及帝幸
河朔兵馬軫轄符昭壽與知益州牛冕太閤于東郊蜀人趨觀之二
軍衣服鮮備不等均衆由是斬憤而昭壽亦驕恣侵虐軍士素怨之
咸平庚子正月朔戊卒趙延順等八人爲亂遂殺昭壽州官吏方

有正日間變比日奔竄知州牛冕與轉運使張適縋城而去惟都
使劉紹榮冒刃格鬪衆寡不敵叛卒尚未有主欲奉紹榮紹榮攝弓
矢罵曰我本燕人棄虜歸朝豈能與爾同逆耶亟見殺我終不負朝
廷也監軍王澤召王均謂曰汝所部爲亂盍往招安之至是叛卒見
均卽擁之爲主紹榮自經死均遂僭號蜀改元化年署置大官稱以
小校張錯爲謀主均率衆攻陷漢州進寇縣州不克直趨劔州爲知
州李士衡所敗還保益州帝將發大名聞之以戶部使雷有終爲川
峽招安使李惠石普李守倫並爲巡檢使給步騎八千往討之上官
正李繼昌等皆諫焉知蜀州楊懷忠聞王均作亂卽調鄉丁會諸州
巡檢兵討之懷忠入益州焚城北門至三井橋與賊黨戰數合懷忠
不利而退復檄嘉眉等七州合兵再攻益州敗之乘勝逐賊至州南

十五里砦于雞鳴原以侯王師均亦閉城自固二月雷有終等至益州時都巡檢使張思鈞已克復漢州有終遂進壁升仙橋賊出攻砦有終擊走之丁卯益州王均開城僞爲遁狀雷有終與上官正石會帥兵徑入分割民財部伍不肅賊閉關發伏布牀榻于路口官軍不得出因爲所殺有終等緣堞而墜得免李惠死之官軍退保漢州益州城中民皆奔逃四出復爲賊黨追殺或因繫之支解族誅以恐衆又脅士民之少壯者爲兵先刺手背次髡首次黥面給軍裝令乘城與舊賊黨相間有終署榜招之至則署其衣袂釋之日數百人初賊由升仙橋分路襲王師有終帥兵逆擊大敗之王均單騎還城遂撤橋塞門有終與石會進屯於城北分遣將校攻城三面賊出戰屢敗然王師每薄城輒會雨城滑不能上有終命爲洞屋以進均亦對設敵樓以相拒有終遣卒焚之賊由是消阻復築月城以自固十月有終令卒蒙羶秉燧以入悉焚其望樓机石先遣東西南砦鼓譟攻之有終普分主洞屋而前遂入城大敗之均夜與其黨二萬餘突圍而遁有終疑有伏遣人縱火城中明日執嘗受僞者數百人悉焚殺之時謂冤酷均既走所過斷橋塞路焚倉庫而去己丑雷有終遣楊懷忠追王均至富順及之大敗其衆因張旗鳴鑿入城均方在監署中與蠻會飲其黨多醉不能支吾均乃縊死懷忠取均首及僭僞法物旌旗甲馬甚衆擒其黨六千餘人

綱目真宗咸平三年庚子春正月益州戍卒作亂推王均爲首均遂

陷漢州詔以雷有終爲州峽招安使將兵討之冬十月雷有終俊益州王均走死

呂中曰李順之黨方息而劉旰興劉旰之徒方平而王均起何蜀人之好亂耶蓋蜀人勇悍又狃於僭偽之久故易以亂耳

盧成均爲宜州判官景德丁未六月知宜州劉承規御下嚴酷軍校陳進因衆怒鼓譟殺承規推成均爲首僭號南平王據城反陷柳州進圍象州詔利以曹利用爲廣南安撫使帥兵討之至象州擊進斬之成均率其族來降進黨陷貴州利用追討悉平之

綱目景德四年初夏六月宜州軍校作亂以曹利用爲廣南安撫使討平之

康肇高麗人庚戌五月肇弒其主誦立誦兄詢而相之契丹主隆緒謂羣臣曰康肇弒君誦而立詢因而相之大逆也宜發兵討其罪

綱目可十一月契丹主伐高麗先遣高正韓祀問詢奉表乞罷師不許十一月契丹軍渡鴨綠江康肇帥衆禦之戰敗退保銅州契丹進擊肇分兵爲三營肇居其中契丹耶律敵魯擊破之擒肇及副將其立追王數十里銅霍貴登等州皆降契丹蕭排押等攻開京詢棄城走平州契丹遂焚開京宮室府庫民廬俱盡契丹兵還諸降城復歸高麗

綱目大中祥符五年庚戌夏五月高麗康肇弒其主誦立誦兄詢而相之冬十一月契丹伐高麗執康肇誅之王詢奔平州

歐希範宜州蠻也慶曆甲申三月希範作亂討平之撫王則涿人初以歲饑流至貝州自賣爲人牧羊後隸宣毅軍爲小校貝冀俗尚妖幻相與習五龍滴淚等經及諸圖織畫言釋迦佛衰

謝彌勒佛當持世則之與母訣也嘗刺福字於背以爲記妖人爭信
事之州吏張巒卜吉主其謀黨與連德齊諸州約以明年正旦斷瀘
州浮梁作亂會其黨以書謁北京留守賈昌朝事覺被執則故不待
期亟以冬至日反時知州張得一方與官屬謁天度觀則率其從劫
庫兵執得一囚之從通判董元亨索庫鑰元亨厲聲罵賊賊殺之又
殺司理王契等兵馬都監田贊以從卒巷戰不勝而出城扉闔提點
刑獄田京等縋城出保南關入驍健營撫事卒凡有欲應賊者京以
計盡誅之由是營兵在外者皆攝服南關得不陷則僭稱東平王建
國日安陽改元得聖旗幟號今率以佛爲稱城以一樓爲一州書州
名補其徒爲知州每商置一總管然縋城下者日衆於是令民伍伍
爲保一人絕餘悉斬事聞以知開封府明鎬爲河北體量安撫使詔
其知有能獲賊者授諸衛上將軍鎬至貝州民汪文慶等自城上擊
書射鎬帳約爲內應夜垂緹以引官人人城者數百人賊覺率其拒
戰官軍不利乃與文慶等復縋而出胡宿所謂內盜起于河率至是
果不誣云戊子正月明鎬以貝州城峻不可攻乃爲距圍將成爲賊
所焚鎬乃卽南城爲地道日攻其北以牽制之朝廷以則未下令文
彥博爲河北宣撫使鎬爲之副夏竦惡鎬恐其成功凡鎬所奏輒從
中沮彥博既受命請軍事得專行許之彥博至貝穿道通通遂鎬之
選壯士夜半由地道入城衆登城賊縱火牛官軍以槍中牛鼻牛還
攻之賊大潰開東門遁總管王信追則擒之餘衆保村舍者皆被焚
死竦復言所獲恐非真盜乃詔檻送則京師磔于市則據城凡六十
六日而敗改貝州爲恩州張得一以降賊伏誅

綱目仁宗慶曆七年丁亥冬十一月貝州卒王則據城反八年戊子春正月以文彥博爲河北宣撫使明鎬副之閏月執王則檻送京師誅之

顏秀爲親從官慶曆戊子正月帝以閏正望夕將復張燈皇后諫止之越三日秀等四人謀爲亂夜入禁中越屋即寢殿皇后方侍帝聞變遽起帝欲出后閉閣擁持起召都知王守忠使引卒入衛賊傷宮嬪于殿下聲徹帝所宦者以乳媪毆小女子給奏后叱之曰賊在近殺人敢妄言邪陰遣人挈水踵後賊果舉炬焚簾水隨滅之是夕所遣宦侍后皆親剪其髮曰以是徵賞故爭盡死力守忠兵至賊就擒滅詔領皇城司者皆坐斥事連副都知楊懷敏夏竦與懷敏相結欲曲庇之乃請御史與宦官同劾于禁中丁度曰宿衛有變事關社稷請付外臺窮治因爭于帝前帝從竦議由是懷敏止降官領內賊如前

綱目慶曆八年

戊子

春閏正月衛士作亂伏誅

李良嗣燕人本姓馬名植本遼大族仕至光祿卿行汚而內亂不齒於人童貫使遼道盧溝植夜見其侍史自言有滅燕之策因得見貫貫與語大奇之載與俱歸易姓名曰李良嗣薦諸朝植卽獻策曰文真恨遼人切骨而天祚荒淫失道本朝若自登萊涉海結好女真與之相約攻遼其國可圖也議者謂祖宗以來雖有此道以其地接諸蕃禁商賈舟船不得行百有餘年矣一旦啓之懼非中國之利不聽帝召問之植對曰遼國必亡陛下念舊民遭塗炭之苦復中國往昔之疆代天譴責以治伐亂王師一出必壺漿來迎萬一女真得志事不侔矣帝嘉納之賜姓趙氏以爲秘書丞圖燕之議自此始宣

亥春金人來聘庚子二月童貫密受旨圖燕因建議遣良嗣使金仍以市馬爲名其實約攻遼以取燕雲之地重和壬寅九月金人遣使來議伐攻遼師其帝遣良嗣報之自是數使於金靖康丙午正月金幹離不圍京師詔割三鎮地以畀金金人引兵北去七月詔實蔡京于儋州童貫于吉陽軍趙良嗣于柳州詔下十月京死于澶州朝廷遣御史張澂誅貫轉運副使李昇之誅良嗣于貶所留首赴闕梟于市

綱目正和元年辛卯冬十月童貫以遼李良嗣來命爲祕書丞賜姓趙宣和二年庚子春二月遣趙良嗣使金

上漏吳州夷酋也初知梅嶺岩窟公室之妻宗女也嘗出金玉器飲吳州夷酋上漏等漏心絕之

至其酉上固訪等罪夷人咸怨通遂相結乙未正月因上元張燈集破梅嶺若虜公老妻及其器物四出剽掠梓州轉運使趙潘聞道趨瀘劾宗諒罷之詔康延魯代宗諒聽通節制通陰有專討意兵端益大於是詔發陝西軍三萬以通爲招討使通與別將馬覺張思正分道出期會于吳州潘據輪轉大圍其山崛起數百仞林菁深密諸村圍夷爲通敗潰者悉赴之乃壘石樹柵以守通軍不能進巡檢种友直所部多思黔土丁習山險而山多徑道遣土丁捕之伐去蒙密緣崩石挽藤葛而上得徑數十頭束麻作炬灌以青蠟縛於徑背暮夜復遣土丁負繩梯登崖巔乃縋梯引下人人銜枚挈徑蟻附而上比鷄鳴友直等悉力擁刀斧穿箐入及賊柵出火燃炬徑熱狂跳賊廬舍皆茅竹篠窳其上火輒發賊號呼奔樸徑光驚火益熾官軍

鼓譟破柵賊擾亂不復能抗赴火隨崖死者不可勝計斬數千人生擒上漏晏州平拓地千里適爲建城砦畫疆畝募人耕種且習戰守號曰勝兵

綱目政和五年乙未春正月晏州夷反以趙適爲瀘南招討使平之張仙山東人重和甲辰十二月時轉糧以及燕山民力疲困重以鹽額科歛加之連歲凶荒於是饑民並起爲盜山東有張仙者衆至十萬又有張迪者衆至五萬河北有高托山者號二十萬自餘二三萬者不可勝數

綱目重和六年

甲辰

冬十二月河北山東盜起

方臘睦州清溪民世居縣瑯材託左道以惑衆初唐永徽中睦州女子陳碩真反自稱文佳皇帝故天地相傳有天子基臘因得憑藉以

自信縣境梓桐幫源諸洞皆落山谷幽險處民物繁夥有漆者杉材之饒富商巨賈多往來臘有漆園造作局屢酷取之臘怨而未敢發宣和庚子十月吳中困於朱劭花石之擾比屋致怨太學生邵雍進詩諷諫帝不聽放蕭歸田里劭益橫臘因民不忍陰聚貧乏游手之徒以誅劭爲名起作亂自號聖公建元永樂置官吏將師以巾飾爲別自紅巾而上凡六等無弓矢介冑唯以鬼神詭祕事相扇誘焚室廬掠金帛子女誘協良民爲兵人安于太平不識金革聞金鼓聲卽束手聽命不自言聚衆至數萬兩浙都監蔡遵顏坦擊之皆敗死于三京東平州方臘攻陷青漢遂陷睦歙州東南將郭師中戰死遂南攻徑寇掠新城桐廬富陽諸縣進逼杭州郡守趙霆棄城走州卽陷殺制置使陳建廉訪使趙約縱火六日死者不可勝計凡得官吏必

斷鬻支體探其肺腸或熬之膏油叢鏑亂射備盡楚毒以賞怨心警
奏至京師時方聚兵以圖北伐王黼匿不以聞於是凶焰日熾附者
益衆東南大震淮南發運使陳遵上言臘衆強東南兵弱乞調京畿
兵及興澧槍牌手兼程以來使不至滋蔓帝得疏始大驚乃罷北伐
之議而以童貫爲宣撫使譚稹爲兩浙制置使率禁旅及秦晉番漢
兵十五萬討之辛丑正月方臘陷婺州又陷衢州衢守彭汝方被執
罵賊而死賊屠其城二月詔招撫方臘方臘陷處州是月淮南盜宋
江寇掠京東諸郡知海州張叔夜擊降之方臘將方七佛引衆六萬
攻秀州統軍王子武來城固守已而大軍至合擊賊斬首九千賊還
據杭州童貫譚稹復進軍而鋒至清河堰水陸並進臘復焚官舍府
庫民居乃宵遁還青州源滄以臘將劉元一王善揚惟忠王渙辛興

等相繼至盡復所陷城四月童貫等合兵擊方臘于幫源洞
不尙二十萬與官軍力戰而敗深據巖屋爲三窟諸將莫知所入
上淵裨將韓世忠潛行溪谷間野婦得徑卽挺身伏戈直前擣其穴
格殺數十人擒臘以出併取臘妻子及僞相方肥等五十二人於洞
石穴中殺賊七萬餘人其黨皆潰臘之亂凡破六州五十二縣戕平
民二百萬所掠婦女自賊洞逃出僇而縊于林中者相望百餘里時
辛興宗領兵截峒口掠世忠之功以爲已功

綱目徽宗宣和二年庚冬十月睦州人方臘作亂十二月方臘陷
睦歙杭州詔以童貫爲江淮荆浙宣撫使發兵討之三年辛夏四
月童貫合兵擊方臘破之執臘以歸秋七月童貫等俘方臘以獻
八月方臘伏誅

宋江淮南人重和辛丑二月江起爲盜以三十六人橫行河朔轉掠十郡官軍莫敢嬰其鋒知亳州侯蒙上書言江才必有過人者不若赦之使討方臘以自贖帝命蒙之東平府未赴而卒又命張叔夜知夏海州江將至海州叔夜使間者覘所向江徑趨海濱劫鉅舟十餘載鹵獲叔夜募死士得千人設伏近城而出輕兵距海誘之戰先匿壯卒海旁伺兵合舉火焚其舟賊聞之皆無鬪志伏兵乘之擒其副賊江乃降

綱目重和三年辛丑春二月淮南盜宋江掠京東諸郡知海州張叔夜擊降之

郭藥師渤海鐵州人丁酉八月遷至陰涼河莫遠東人爲兵使報怨于女真號曰怨軍

屯衛州蒺藜山以藥師等爲帥後改軍名曰常勝留守涿州壬午九月藥師以蕭后立蕭后專政國人多貳謂所部曰天祚失國女政不綱宋天子重兵壓境此男兒取金印時也遂擁所部八千人奉二州來降童貫受之以聞詔授恩州觀察使以兵隸劉延慶十月癸巳童貫以劉延慶郭藥師將兵十萬出雄州以藥師爲鄉導渡白溝延慶軍無紀律藥師諫曰今大軍跋隊行而不設備若敵人置伏邀擊首尾不相應則望塵決潰矣不聽至良鄉遼蕭幹率衆來拒延慶與戰而敗遂閉壘不出藥師曰幹兵不過萬人今悉力拒我燕山必虛願得奇兵五千倍道襲之城可得也因請延慶子光世簡師爲後繼延慶許之遣大將高世宣楊可世與藥師帥兵六千夜半渡盧溝倍道而進質明常勝軍帥甄五臣領五千騎奪迎春門以入藥師等繼

至遣人諭蕭后密報蕭幹舉精甲三千還燕巷戰光世渝約不至藥
師失援而敗與可世棄馬縋城而出死傷過半世宣死焉延慶營于
盧溝南幹分兵斷餉道擒獲量將王淵得漢軍二人殺其設留帳中
夜半偽相語曰吾師三倍漢軍敵之有無當分左右翼以精兵衝其
中左右翼爲應舉火爲期殲之無遺旣言乃陰逸一人歸報延慶聞
而信之明日見火起以爲敵至卽燒營遁士卒蹂踐死者百餘里幹
因縱兵追至涿水而去自熙豐以來所儲軍實殆盡退保雄州燕人
知宋之無能爲作賦及歌詩以諷之藥師還猶進安遠軍承宣使十
一月金人來議燕地十二月遣趙良嗣復如金求營平灤三州十二
月加藥師武泰節度使癸卯正月趙良嗣至燕金遣李靖等與良
嗣偕來帝遣良嗣復如金時朝廷以金人將謀帥臣守之左丞

王中請行王黼替於帝遂授安中慶遠軍節度使河北河東燕山
撫路宣撫使知燕山府藥師爲檢校少保同知府事詔藥師入朝禮
遇甚厚賜以甲第姬妾命貴戚大臣更互設宴又召對於後苑延春
殿藥師拜庭下泣言臣在虜中聞趙皇如在天上謂今日不得望龍
顏帝深褒稱之委以守燕對曰願效死又令取天祚以絕燕人之望
藥師變色言曰天祚故主也國破出走臣是以降陛下使臣畢命他
所不敢辭若使反故主非所以事陛下願以付他人因涕泣如雨帝
以爲忠解所御珠袍及二金盆以賜藥師出諭其下曰此非吾功汝
輩力也卽剪盆分給之加檢校少傅歸鎮燕山府路四月金人旣遂
所欲乃以燕京及檀順景蘇之地來歸而營平灣三州不預焉乃詔
童貫蔡攸班師六月金南京留守張毅復以平州來歸八月遼都統

蕭幹自立爲奚帝時奚人饑幹出盧龍鎮攻破景州又敗常勝軍於石門鎮陷薊州寇掠燕城其鋒銳甚有涉河犯京師之意人情恟恟頗有謀棄燕者已而藥師大破其衆乘勝窮追過盧龍殺傷大半幹遁去尋爲其下所殺傳首京師詔加藥師太尉十一月金大襲平州張毅奔燕山金人以納叛來責王安中取貌類毅者斬其首與之金曰非毅也遂欲以兵攻燕安中言必不發遣懼啓兵端朝廷不得已令安中縊殺之函其首送于金於是燕降將及常勝軍士皆泣下藥師怒曰金人欲殺卽與若求藥師亦將與之乎

張安中懼因力求罷召爲上清宫使以蔡靖知燕山府事初郭藥師與詹度同職自以節鉞欲居度上度以御筆所書有序藥師不從加以常勝軍橫暴藥師又之度不能制朝廷慮其交惡命蔡靖

代度靖至坦懷待之藥師亦重靖稍爲抑損及安中被召靖代知府事藥師每令部曲持良械精甲貿易於他道爲奇巧之物以奉權貴宦侍譽言日聞于帝遂專制一路增募兵至三十萬而不改契舟服飾朝論頗以爲疑進拜太尉召之入朝藥師辭不至帝令童貫行邊陰察其去就不然則挾之借來貫至藥師迎拜帳下貫扶之曰汝今爲大尉與我等耳此禮何爲藥師曰太師父也藥師唯拜我父焉知其他貫釋然遂邀貫視師至于迴野略無人迹藥師下馬當貫前棹旗一揮俄頃四山鐵騎輝日莫測其數貫衆皆失色歸爲帝言藥師必能抗虜蔡攸亦從中力主之謂其可倚故內地不復防制屢有告變及得其通金國書朝廷輒不省詹度又言藥師瞻視非常趣向懷異逆節已萌兇橫日甚始詔遣官覈實而金兵已南下矣乙巳十二

月金粘沒喝陷朔代州遂圍太原幹离不自平州破擅薊至三河蔡靖遣藥師及張令徽劉舜仁帥師四萬五千迎戰于白河兵敗而還藥師遂帥所部兵劫靖及都轉運使呂熙浩以降幹离不執精及熙浩置軍中以行於是燕山府所屬州縣皆為金有幹离不既得藥師益知宋虛實因以為鄉導懸軍深入矣詔天下勤王帝傳位於太子太子即位是為欽宗遣給事中李邦使金告內禪且請脩好邦至慶源府幹离不欲還藥師曰南朝未必有備不如姑行從之靖康丙午正月全幹离不圍京師李綱力戰禦之帝遣李棨使金軍議和金入因出事目一紙付棨遣還北公人所要求皆藥師教之也

綱目宣和四年壬寅秋九月遼將郭藥師以涿易二州來降靖康元年己春三月郭藥師以燕山府叛降金

遼反叛章

耶律章奴 人乙未正月女真完顏阿骨打稱帝國號金八月遼主延禧下詔親征命蕭奉先為御營都統章奴副之九月遼雨潦混同江章奴與耶律淳妃弟蕭諦里及其甥蕭延留等謀迎立淳淳將士亡歸上京遣諦里以其謀告淳淳曰此非細事主上自有諸王當立北南面大臣不來而汝言及此何也密命左右拘之有頃遼主使行宮小底乙信等持書至備言章奴之謀淳即斬諦里等携其首單騎詣廣平淀待罪遼主遇之如初章奴知淳不見聽乃率麾下掠取上京府庫財物至祖州帥其黨告太祖廟數遼主過惡移檄州縣遂結渤海羣盜至數萬趨廣平犯行宮不克北趨降虜山順國女真阿鶻產以三百騎一戰勝之擒其貴族二百餘人並斬以徇餘得脫者

皆奔女直章奴詐爲使者欲奔女直爲邏者所獲縛送行在腰斬于市

綱目政和五年遼天慶四年乙未秋九月遼伐金九月遼軍渡混同江副都統耶律章奴作亂伏誅

高永昌渤海人遼裨將也東京留守蕭保先嚴酷渤海苦之丙申正月朔夜半有惡少年十餘乘酒執刀踰垣入府刺殺保先戶部使太公鼎聞亂卽攝留守事與副留守高清明集奚漢兵千人盡部其衆斬之撫定其民詳別部永昌時以兵三千屯八甌口見遼政日衰金兵方強遂誘渤海并戍卒入遼陽據之旬日之間遠近響應有兵八十八人因僭號稱隆基元年遼主遣蕭韓家奴張琳討之初永昌使人求援于金且曰願併力以取遼金主使胡沙補謂永昌曰同力取遼固

可東京近地汝輒據之以僭大號則不可若能款款當授王爵永昌不從四月金主乃遣幹魯帥諸軍攻永昌時遼張琳等討永昌久不克幹魯與戰敗之遂取瀋州永昌大懼率衆拒金遇於活水金師旣濟永昌之軍不戰而却遂北至遼陽城下明日永昌盡帥其衆與金戰又大敗遂以五千騎奔長松遼陽人撻下也執永昌以獻金主殺之於是遼之東京州縣及南路繫遼女直皆降於金金主以幹魯爲南路都統幹論知東京事

綱目丙申遼天慶五年春正月遼將高永昌據遼陽以叛夏四月金人攻高永昌殺之遂取遼東京州縣

耶律余覲遼都統也遼主延禧四子長趙王次晉王次秦王次許王晉王文妃蕭氏所生積有人望女直興兵境內郡縣所失幾半而遼

主政遊不恤忠臣多被疎斥文妃作歌諷諫遼主銜之樞密使蕭奉先元妃之兄而秦許王之舅也以國人屬意晉王恐秦王不得立因潛圖之文妃姊適耶律撻曷里妹適余覲辛丑三月姊妹俱會軍前奉先諷人巫文妃與駙馬蕭昱及余覲撻曷里等謀立晉王而尊遼主爲太上皇遼主遂誅蕭昱撻曷里等而賜文妃死余覲在軍中聞之大懼卽率千餘騎叛降于金遼主遣蕭遐買等將兵追之及諸閭山縣遐買等謀曰主上信蕭奉先奉先視吾輩篋如也余覲乃宗室豪俊常不肯爲奉先下若擒余覲他日吾黨皆余覲也不若縱之還卽給曰追不及余覲至金金主見之因詔咸州都統司曰自余覲來酌見遼國事宜已決議親征其治軍以俟師期十一月金主用粘沒喝計以斜也都統內外諸軍蒲家奴粘沒喝幹本等副之耶律余覲

等爲嚮導以趨遼中京大定府壬寅四正月金克遼中京遂下澤州遼主時臘于鴛鴦濼于覲引婁室奄至遼主憂甚乃聽蕭奉先言殺晉王由是人心解體余覲引金兵逼遼主行宮遼主率衛士五千餘騎自鴛鴦濼走雲中金粘沒喝以精兵六千襲之遼主遂乘輕騎走夾山奉先及子昂昱俱被誅遼燕京留守李處温等以耶律淳彌帝綱目重和三年遼天慶春二月遼耶律都統耶律余覲叛降金紹興二年金天會秋九月金耶律余覲謀反伏誅

十一月二十七日金聖軒余賭指又外精

十二月三日春二日金聖軒余賭指又外精

十二月三日春二日金聖軒余賭指又外精

十二月三日春二日金聖軒余賭指又外精

十二月三日春二日金聖軒余賭指又外精

十二月三日春二日金聖軒余賭指又外精

十二月三日春二日金聖軒余賭指又外精

十二月三日春二日金聖軒余賭指又外精

十二月三日春二日金聖軒余賭指又外精

十二月三日春二日金聖軒余賭指又外精

十二月三日春二日金聖軒余賭指又外精

十二月三日春二日金聖軒余賭指又外精

十二月三日春二日金聖軒余賭指又外精

十二月三日春二日金聖軒余賭指又外精

十二月三日春二日金聖軒余賭指又外精

十二月三日春二日金聖軒余賭指又外精

十二月三日春二日金聖軒余賭指又外精

十二月三日春二日金聖軒余賭指又外精



國家圖書館, NATIONAL CENTRAL LIBRARY, TAIWAN, R.O.C.

學海君道部卷之一百二十一

世系類

亂賊姓名十一

宋賊篇

南宋反叛篇

史斌關中盜也丁未四月金人以二帝北去五月康王卽位于南京是爲高宗改元建炎七月斌僭號於興州戊申十一月斌圖興元不克引兵趨關中義兵統領張宗誘斌還長安欲徐圖之曲端怒宗遣吳玠襲斬斌而自襲宗殺之

綱目建炎元年丁未秋七月盜史斌僭號于興州二年戊申冬十一月吳玠襲史斌斬之

陳通勝提軍校也丁未八月通作亂于杭州執帥臣葉夢得殺轉運判官吳昉等尋詔王淵兼領杭州別置盜賊使以討之十二月淵討通等誅之

綱目建炎元年秋八月杭州軍亂冬十二月王淵討杭州亂卒誅之

通鑑曰自宣和末羣盜蠭起至是祝靖薛廣党忠閫僅王存之徒皆招安赴行在李綱言今日正當因其力而用之如銅馬綠林黃巾之比然不移其部曲則易叛而徙之則致疑正當以術制之使由而不知乃命御營司分揀凡潰兵願歸營與良農願歸業者皆聽所發至數萬其他以新法團結分隸諸將由是無叛去者獨淮寧之杜用山東之李昱河北之一順皆無異而拱州之黎驛

單州之魚臺皆有潰卒數千爲亂綱以招安則彼無畏憚勢難遽平乃白遣都統王淵劉光世韓世忠張浚分討之旣而光世遣部將擊李昱斬之淵殺杜用丁順赴河北招討司自效盜自是少衰綱目建炎元年秋七月命都統制王淵等分討江淮羣盜

趙萬常州軍賊也丁未九月萬襲常州執守臣何袞縱兵大掠遂犯鎮江知府趙子崧遁保瓜洲十月丙戌王淵誘萬誅之

綱目建炎元年秋九月盜趙萬陷常州鎮江府冬十月王淵誘趙萬誅之

張遇本真定軍校也聚衆爲盜自淮西渡江水陸並進丁未十一月犯池州入城縱掠驅強壯以益其軍守臣滕祐棄城遁戊申正月己亥遇襲直州庚子遇陷鎮江府守臣錢伯言棄城走辛亥王淵招遇

降之以所部萬人隸韓世忠後與金人戰

綱目建炎元年冬十一月盜張遇陷池州二年春正月王淵招張遇降之

杜彥密州軍校也丁未十一月知密州趙野見山東盜賊充斥乃棄城走彥等作亂追野殺之戊申十二月彥犯潭州殺通判孟彥卿

綱目建炎元年冬十一月知密州趙野棄城走為其下所殺

丁進壽春軍賊也丁未十一月進圍壽春府守臣康允之拒却之戊申秋九月甲申進叛復寇淮西十月劉正彥擊進降之

王定青州敗將也丁未十二月定以兵作亂殺帥臣曾孝序

孔彥舟東平軍校也戊申三月彥舟聞金兵將至山東遂帥所部劫殺居民燒廬舍掠財物南渡淮犯黃州守臣趙令晟拒之巳酉十二

月彥舟犯荆南詔諭降之以為湖北捉殺使庚戌夏五月以彥舟為

辰沅靖州鎮撫使辛亥夏六月彥舟暴橫不奉法朝廷將以兵執之遂以所部叛降劉豫

綱目建炎二年戊申春正月東平軍校孔彥舟作亂渡淮寇黃州三

年冬十二月孔彥舟犯荆南詔諭降之以為湖北捉殺使紹興二年壬子夏六月孔彥舟叛降劉豫

楊進河北盜也戊申二月進聚眾三十萬與丁進主再興李貴王大郎等擁眾各數萬往來京西淮南河南北侵掠宗澤遣人諭以禍福悉招降之十月進復叛眾至數萬剽掠汝洛間翟進患之與其兄興謀擊之未果進遣擊數百絕洛水犯進營進乘半渡擊之追奔數十里至鳴臯山破賊四砦馬驚墜斬為賊所殺賊乘勝大敗官軍巳酉

夏詔以興爲京西安撫使己酉五月進居鳴臯山北興與子琮帥鄉兵時出擾之進懼棄輜重南走興邀擊于魯山進中流矢死餘衆數萬悉潰河南平

綱目建炎二年戊申春二月河北盜楊進等降于宗澤冬十月楊進復叛寇汝洛三年夏五月京西安撫使翟興擊楊進殺之

王善河東巨寇也戊申二月擁衆七十萬車萬乘欲據京城宗澤單騎馳至善營泣謂之曰朝廷危難之時使有如公三輩豈復有敵患乎今日乃汝立功之秋不可失也善感泣曰敢不效力遂解甲降己酉正月善與張用復叛寇淮寧駐京西連旦數州自京西至光州壽據千里之地兵馬接迹不斷擄掠糧食所至一空紹興辛亥春張俊岳飛大敗李成走之五月張用復寇江西飛與用俱相人以書諭之曰吾與汝同里欲戰則出不戰則降用得書遂帥衆降江淮悉平

綱目建炎三年配春正月盜張用王善復叛寇淮寧紹興元年辛亥夏五月岳飛招張用降之

徐明秀州卒也戊申五月明等作亂執守臣朱芾迎前守趙叔近復領州事詔命御營中軍張俊討之六月乙丑俊至秀州殺趙叔近執徐明斬之宋史曰前守臣趙叔近與王淵有宿憾浚故淵之部曲希淵旨誣叔近以同叛殺之

綱目建炎二年夏六月秀州軍亂御營統制張俊討平之

葉濃建州卒也戊申六月癸亥濃等作亂寇福州甲戌陷福州七月甲申濃入寧德縣復還建州命張俊同趙哲率兵討之

李成爲河北京東捉殺使戊申八月成叛犯宿州詔江淮制置使劉光世討之光世至光州大破成衆招降二萬餘人成遁去己酉十月

成掠淮北陷泗州殺知州耿堅據其城帝降詔撫諭之命成知泗州
成復陷滁州守臣向子伋及諸官屬皆被殺十二月成自滁州引兵
之淮西庚戌二月成入舒州九月光黃鎮撫使吳翊棄城走以成兼
領光黃紹興元年辛亥正月時孔彥舟據武陵張用據襄漢成據江
淮湖湘十餘郡連兵數萬有席卷東南之意多造符讖幻惑中外久
圍江州朝廷患之以張俊爲招討使岳飛副之是月成與馬進陷江
州未幾復陷筠州俊以豫章介江筠之間遂急趨之入城喜曰我已
得洪破賊決矣及進犯洪州連營西山俊歛兵若無人者謀知賊怠
乃議戰岳飛因請自爲先鋒俊大喜乃令楊沂中絕生米渡飛重鎧
躍馬潛出賊右突其陳所部從之進大敗走飛等追擊復大敗之進
以餘卒走南康成聞進敗自引兵十餘萬來俊與飛遇成於樓子庄
大破之遂復筠州成復以十萬衆與俊夾河而營沂中夜渡河與俊
夾攻成大敗俊乘勝追至江州成勢迫絕江而去遂復江州已而
興國軍等處羣盜皆遁四月俊引兵渡江追成至蘄州黃梅縣大敗
之其衆數萬皆潰馬進爲追兵所殺成北走降劉豫癸丑六月豫將
董震以虢州來歸成復寇陷之十月成寇襄鄧李橫奔荆南成遂陷
京西六郡甲寅五月成旣據襄陽又欲自江西陸行趨浙與楊太會
帝命荆南制置使岳飛爲之備七月飛復郢州遂趨襄陽成迎戰飛
遣王貴牛皐擊破之成夜遁飛遂復襄陽劉豫收成餘衆益兵駐新
野飛與別將王萬夾擊大敗之又使牛皐復隨州王貴張憲復唐鄧
州襄漢悉平成走降金金人以爲河南尹

綱目建炎二年秋八月河北京東捉殺使李成叛詔江淮制置使劉光世討之紹興元年辛亥春正月李成陷江州三月張俊岳飛大敗李成于樓子莊羣盜皆遁

沙振中山部將也戊申三月金人圍中山三年城中糧絕人皆羸困不能執兵知府陳邁欲盡括城中兵力戰振潛裏刃入府害邁及其子錫等十七人振出爲帳下卒所殺粹裂之身首無餘

苗傅劉正彥爲扈從統制傅自負世將以王淵驟得君遷顯職心忿不平正彥以招降劇盜功大賞薄懷怨二人因相結時內侍康履藍珪恃恩用事履尤妄作威福凌忽諸將諸將嫉之會內侍臨浙觀潮供帳遮道傅等怒曰汝輩使天子顛沛至此猶敢爾邪中大夫王世修亦嫉內侍恣橫言於正彥正彥曰會當共除之及王淵入樞府傅

由內侍以進遂與世修謀先斬淵然後殺宦者議既定明日癸未值劉光世進殿前都指揮使百官入聽宣制傅正彥令世修伏兵城北橋下俟淵退朝卽粹下馬誣以結宦者謀反正彥手斬淵卽與傅擁兵至行宮門外梟淵首于行闕分捕內侍百餘人皆殺之履馳入宮白帝帝大驚朱勝非急趨樓上詰傅等擅殺之故中軍統制吳湛排門引傅黨入內奏曰傅等不負國家正爲天下除害耳知杭州康允之見事急請帝御樓撫諭之日將午帝登樓苗傅等望見黃蓋猶山呼而拜帝憑欄呼傅等問故傅厲聲對曰陛下信任中官賞罰不公軍士有功者不賞內侍所主得官黃潛善汪伯彥誤國至此猶未遠竄王淵遇賊不戰首先渡江交康履乃除樞密臣自陛下卽位以來功多賞薄臣已將王淵斬首中官在外者皆誅訖更乞康履

曾擇誅之以謝三軍帝曰潛善伯彥已降黜履擇當重與降責卿等可歸營傳曰天下生靈無辜肝腦塗地止緣中官擅權若不斬履擇臣不還營帝猶未許逾時傳兵不退帝不得已命湛執履與之傳卽於樓下腰斬履嚮其肉梟首與淵首相望帝遂以傳爲慶遠軍承宣御營使都統制正彥渭州觀察使副都統制諭傳等歸營傳等進曰陛下不當卽大位將來淵聖皇帝來歸未知何以處之帝命朱勝非縋樓下委曲諭之傳請隆佑太后同聽政及遣人使金議和帝許之卽下詔請隆佑太后垂簾傳等聞詔不拜曰自有皇太子可立况道君皇帝已有故事勝非還白帝帝曰朕當退避但須太后手詔也乃遣顏岐入內請太后御樓太后至帝立楹側從官請帝坐帝曰不當坐此矣太后因乘肩輿下樓出門見傳等諭之曰自道君皇帝任蔡

京王黼更祖宗法度童貫起邊事所以招致金人養成今日之禍豈關今上皇帝事况皇帝初無失德止爲黃潛善汪伯彥所誤今已竄逐統制豈不知之傳等對曰臣等必欲太后爲天下主奉皇子爲帝后曰今強敵在前吾以一婦人抱三歲兒決事何以令天下國聞之豈不轉加輕侮傳等不從后顧勝非曰今日政須大臣果決相公可無一言勝非還白帝曰傳等腹心有王均甫者適語臣云二將忠有餘而學不足此語可爲後圖之緒帝乃卽坐上作詔禪位于皇子請太后同聽政宣詔畢傳等麾其軍退於是皇子專卽位太后垂簾決事是夕帝移御顯寧寺甲申尊帝爲睿聖仁孝皇帝以顯寧寺爲睿聖宮大赦以張澂兼中書侍郎韓世忠爲御營使司提舉一行事務張俊爲秦鳳副總管分其衆隸諸軍丁亥分竄內侍藍珪曾擇等

于嶺南諸州傳追還殺之戊子以王孝迪爲中書侍郎盧益爲尚書
左丞加傳爲武當軍節度使止彥爲武成軍節度使以吳湛主管步
軍司王孝迪盧益爲大金國信使朱勝非奏母后垂簾須二人同對
此承平故事今日事機須密奏者乞許臣僚獨對而曰引傳黨二人
上殿以弭其疑太后語帝曰賴相此人若汪黃在位事已狼籍矣傳
等欲挾帝幸徽越勝非諭之以禍福乃止己丑改元明受赦書至平
江張浚命守臣湯東野秘不宜旣而得苗傅等所傳檄浚慟哭召東
野及提刑趙哲謀起兵討之時得令張浚以三百人赴秦鳳而以餘
兵屬他將俟知其僞拒不受軍士洶洶浚諭之曰嘗詣張侍郎決之
卽引所部八千人至平江浚見浚語故相持而泣且諭浚以決策起
兵問罪浚泣拜曰此須侍郎濟以機術母驚動乘輿也赦至江寧呂
頤浩曰是必有兵變卽遣人寓書於浚浚以熙浩有威望能斷大事
乃答書約共起兵且告劉光世于鎮江令以兵來會頤浩得浚書因
上疏請睿聖復辟癸巳張浚措置海舶又念傅等居中遣布衣馮輜
持書往說之輜至杭見傅等折以正義令早反正劉正彥遣輜約浚
至杭浚命張俊分兵扼吳江上疏請睿聖復辟苗傅等謀除浚禮部
尚書命將所部詣行在浚以大兵未集未敢誦言討賊乃託云張俊
驟回人情震聳不可不少留以撫其軍甲午呂頤浩率勤王兵萬人
發江寧乙未劉光世部兵會頤浩于丹陽丙申韓世忠自鹽城收散
卒由海道將赴行在至平江見浚慟哭曰今日之事世忠願與張浚
任之公無憂也浚因大犒俊世忠將士衆皆感憤世忠發平江至秀
州稱病不行而大修戰具傅等聞之始懼欲拘世忠妻子以爲質朱

勝非給傅曰不若遣之使逐世忠而慰撫之則平江諸人益安矣傅從之乃白太后封世忠妻梁氏爲安國夫人俾逐世忠梁氏疾驅出城一日夜會世忠于秀州勝非喜曰二兇真無能爲也張浚復遣馮韓往杭因報書于正彥曰自古言涉不順謂之指斥乘輿事涉不遜謂之震驚宮闕廢立之事謂之大逆不道大逆不道者族今建炎皇帝不聞失德一旦遜位豈所宜聞傅等得書而恐辛丑苗傅等以韓世忠爲定國軍節度使張浚爲武寧軍節度使知鳳翔府而誣張浚欲謀危社稷責黃州團練副使郴州安置張浚等皆不受傅等遣苗瑀馬柔吉將重兵扼臨平拒勤王兵壬寅呂頤浩將至平江張浚乘輕舟逐之旣而劉光世兵亦至癸卯呂頤浩張浚傳檄中外聲傅正彥之罪以韓世忠爲前軍張浚爲右軍劉光世爲游擊頤浩爲總中軍光世分兵殿後討之乙巳太后降旨睿聖皇帝處分兵馬重事丙午以張浚同知樞密院事李邴鄭毅並同僉書院事張浚呂頤浩等發平江丁未次吳江上疏乞建炎皇帝還卽尊位傅正彥等聞之憂恐不知所爲朱勝非謂之曰勤王之師未進者使是間自反正耳不然下詔率百官六軍請帝還官公等置身何地乎卽召李邴張守作百官章及太后手詔賜傅正彥鐵券傅等遂率百官朝于睿聖宮帝慰勞之傅正彥以手加額曰聖天子度量如是也傅黨張遼曰趙氏安苗氏危矣四月戊申朔太后下詔還政帝復位與太后御前殿垂簾詔尊太后爲隆祐皇太后己酉以苗傅爲淮西制置使劉正彥副之庚戌復紀年建炎命張浚知樞密院事苗傅劉正彥並檢校少保頤浩張浚敗賊將苗翊于臨平勤王兵入北關傅正彥急趨都堂取鐵

券擁精兵二千夜開湧金門夜遁犯富陽新城將南趨閩中遣統制王德喬仲福追之辛亥皇太后撤簾顧浩浚等入城世忠手執王世修以屬吏浚等見帝伏地涕泣待罪帝問勞再三握世忠手慟哭曰中軍統制吳湛佐逆爲最尚畱朕肘腋能先誅乎世忠卽謁湛握手與語折其中指與王世修俱斬于市逆黨王元左言馬瑗范仲熊特希孟皆敗三月韓世忠言苗傅劉正彥擁精兵距甌閩甚邇備成巢穴卒未可滅帝詔世忠與劉光世追討之世忠自衢信進至清城之魚梁驛與賊遇世忠步走挺戈而前賊望見咋曰此韓將軍也皆驚潰遂擒正彥及傅弟翊王德亦執苗瑀斬馬柔吉傅亡入建陽縣入詹剽執之獻于世忠世忠悉械送行在下獄帝手書忠勇二字揭旗

公賜世忠

綱目建炎三年賊秦三月扈從統制苗傅劉正彥作亂殺王淵及內侍康履等劫帝傳位于魏國公尊請隆祐太后臨朝張浚呂頤浩會兵討賊夏四月帝復位呂頤浩張浚敗賊將苗翊于臨平苗傅劉正彥夜遁顧浩浚入杭州五月韓世忠獲苗傅劉正彥送行在誅之

邵青本五丈河舟人去爲盜已酉三月聚兵剽劫楚泗間後降以爲水軍統制紹興辛亥五月青叛寇宣州進圍太平州劉光世招降之六月己丑青復叛犯江陰之福山遣李進彥等率舟師會劉光世討之七月光世遣將喬仲福擊青于常蜀爲青所敗十月青聚其黨于崇明沙將犯江陰光世令王德討之德執旗麾兵援柵以入青衆大潰翌日餘黨復索戰謀言賊將用火牛德笑曰此古法也可一不可

再命合軍持滿陣始交萬矢齊發牛皆返奔賊眾殲焉青自縛請命德獻諸行在餘黨悉平

綱目建炎三年配春三月盜邵青掠泗州紹興元年辛亥冬十一月王德殲邵青之眾于崇明沙獲青送行在

陸慶 人戊申四月慶據高郵有眾數萬張浚恐其滋蔓請住招之入慶壘諭以朝廷恩意慶感服遂降浚畱撫其眾越十日乃還以

慶為承州鎮撫使已酉八月慶與金人戰于揚州敗死
綱目建炎三年配夏四月盜薛慶據高郵張浚諭降之

郭仲威山東盜也本李成之黨戊申七月成先往泗上仲威乃引兵圍淮陽凡四月城陷仲威入城大掠取強壯以充軍冬十月仲威詣

兩浙宣撫使周望降望以仲威為本司統制五月以仲威為直轄

撫使庚戌五月劉光世使都統制王德襲揚州擒仲威送行在斬之時仲威謀據淮南以通劉豫故也

綱目建炎三年秋七月盜郭仲威掠淮陽軍冬十月郭仲威降于周望紹興元年辛亥夏五月劉光世使都統制王德襲揚州擒郭仲威送行在誅之

劉滿京西賊也戊申十月陷信陽軍殺守臣趙士負
杜充為建康守將戊申十一月金兀木渡江入建康充叛降金時江

浙倚重於充日事誅殺且無制敵之方及兀木與李成合兵攻烏江充閉門不出統制岳飛泣諫請誓師充不從兀木遂乘充無備進兵

陷和州陷無為軍由馬家渡渡江陷太平長驅至建康充渡江遁真州諸將怨充嚴刻欲乘其敗害之充聞不敢入營居長蘆寺兀木遣

人說之曰若降當封以中原如張昌邦故事充遂還建康與守臣陳邦光戶部尚書李棣率官屬迎金師拜兀木於馬首通判楊邦乂不屈死之

綱目建炎三年冬十一月金兀木渡江入建康杜充叛降金

劉忠淮盜也戊申十一月忠初聚兵于東京自蘄轉入湖南遂陷舒州通判孫知微死之辛亥九月忠有衆數萬據白面山營柵相望韓世忠自豫章移師長沙與賊對壘夜伏精兵二千于山下賊迎戰驚潰世忠麾將士夾擊大破之忠走降劉豫

綱目建炎三年冬十一月盜劉忠陷舒州紹興元年秋九月韓世

忠大敗劉忠于蘄陽忠走降劉豫

仲劇盜也戊申十二月京西置使程千秋軍襄招降劇盜曹端

未幾疑仲有異命端圖之端及千秋所部俱爲仲所敗千秋棄城自金州入蜀仲遂據襄陽京西城郭皆爲仲有巳酉八月范宗尹念鄉國被禍請赦仲罪而授以官詔從之以仲爲襄鄧隨郢鎮撫使時所在盜起加以饑饉無所資食惟蜀富饒巨盜往往窺覲十月仲既陷均房遂乘勢直搗金州白土關衆號三十萬時王彥爲鎮撫使仲彥舊部曲也以申牘請於彥曰仲於公無敢犯願假道入蜀就食耳彥遣統領閔立爲先鋒擊之仲敗走賊銳甚立戰死將士失色或請避之彥叱曰樞相張公方有事關陝若仲越金而至梁洋則腹背受敵大事去矣敢言避者斬卽勒兵趨長沙平阻水據山設伏以待仲見官軍少蟻附搏戰彥執幟一麾士殊死鬪仲敗走彥休士進擊追奔至白磧遂復房州張浚以彥爲金均房州鎮撫使壬子三月仲

上疏願協力收復京師乞朝廷舉兵爲聲援呂頤浩信之乃命仲節制應援京城軍馬復劉豫所陷州郡仍命河南翟興等諸鎮撫使相爲應援仲至郢州調兵知郢州霍明誘仲殺之仲將襄鄧統制李橫擊走明復其州詔以橫爲襄鄧鎮撫使

綱目建炎三年冬十一月盜桑仲據襄陽四年秋八月以桑仲爲襄鄧隨郢鎮撫使紹興二年春三月桑仲請合諸鎮以復中原許之知郢州霍明襲殺仲仲將李橫擊明走之

鄆瓊相州人初隸宗澤澤死調戍滑州金人入寇戍軍亂殺其統制推瓊爲主瓊因誘衆勤王行收兵北渡淮有衆萬餘至和州爲金人所敗已酉二月遂率衆降于劉世光詔以爲楚州安撫使丁巳三月帝如建康以呂祉參謀都督府軍事劉世光在淮西請解兵柄乃以

其兵隸都督府張浚命祉往節制之六月以王德爲淮西都統制鄆副之瓊與德素等夷不相下及呂祉還朝德瓊列狀交訴于都督及御史臺乃召德還建康而命楊沂中爲淮西制置使劉錡副之往屯廬州八月祉復至廬州瓊又訟德祉諭之曰張丞相但喜人向前但能立功雖大過亦濶略况小嫌邪當爲諸公辯之保無他虞瓊等感泣事小定祉乃密奏乞罷瓊及統制靳賽兵權書吏漏語於瓊瓊令人遮祉所遣郵置盡得祉所言大怨怒會聞朝廷命楊沂中等爲大帥而召已赴行在大懼遂謀叛諸將晨謁祉瓊袖出文書示中軍統制張璟曰諸兵官有何罪張統制乃以如許事聞之朝廷邪祉大驚欲走不及爲瓊所執璟及兵馬鈐轄喬仲福統制劉永衡皆死瓊遂帥金軍四萬人渡淮降劉豫擁祉北去距淮三十里祉下馬立謂

瓊曰劉豫逆賊我豈可見之死則死於此又諭其衆曰劉豫逆臣爾軍中豈無英雄乃隨酈瓊去乎衆頗感動凡千餘人環立不動行瓊恐搖動衆心急策馬先渡社遂遇害劉錡吳錫以兵追瓊不及而還詔張俊自盱眙移屯廬州

綱目建炎四年

庚戌

春二月河北盜酈瓊降于劉光世紹興七年

丁巳

秋八月召淮西副統制酈瓊赴行在瓊以衆叛降劉豫執呂祉殺之

鍾相鼎州民已酉二月相作亂金人去潭州羣盜大起相率以左道惑衆因結集忠義以捍賊爲名自稱楚王改元天載寇澧州陷之三月戊辰孔彥舟獲相及其子子昂檻送行在誅之

綱目建炎四年春二月鼎州人鍾相作亂陷澧州三月孔彥舟獲

鍾相送行在誅之其黨楊太復聚衆于龍陽

楊太鍾相之黨也相誅太復聚衆于龍陽壬子四月太衆日盛自號大聖天王立鍾相少子子儀爲太子太以下皆臣事之詔統制王瓊會兵討太太又名么蓋楚人謂年少者爲么詔王瓊會兵討之甲寅八月王瓊遣忠銳統制崔增等討太子鼎江師敗皆沒太乘大水出兵攻破鼎州砦木寨守將許釜戰沒官軍死者甚衆於是授岳飛清遠軍節度使代王瓊乙卯六月飛至鼎州夜掩賊營降其衆數萬太負固不服方浮舟湖中以輪擊水其行如飛旁置撞竿官軍迎之輒碎飛伐君山木爲巨筏塞諸港汊又以腐木亂草浮上流而下擇水淺處遣善罵者挑之且行且罵賊怒來追則草木壅積舟輪礙不行飛急擊之賊奔港中爲筏所拒官軍乘筏張牛革以蔽矢石舉巨木

撞其舟盡壞太技窮赴水死飛入賊壘餘酋驚曰何神也俱請降衆凡二十餘萬黃誠斬楊太首挾鍾子義詣張浚降湖湘悉平初太白恃其險官軍自陸襲以陸攻則入湖水攻則登岸嘗曰欲犯我者除是飛來至是人以其言爲讖云

綱目紹興三年癸丑夏四月楊太僭號大聖天王詔統制王瓌討之四年秋八月楊太敗官軍于鼎江詔岳飛移兵討之五年夏六月岳飛大破楊太于洞庭太死湖湘平

范汝爲建州民已酉七月汝爲作亂時方艱食民從之者甚衆遣兵出戰爲所敗賊勢滋盛前捕之軍大潰而遁詔福建安撫使會兵進討時汝爲已被前乃前辛巳宗討之十一月宗討汝爲不克其勢益熾及命孟庾爲宣撫使韓世忠副之發大軍由

汝爲路入閩汝爲聞大軍將至亟入據建州壬子正月世忠爲入建州曰建居閩嶺上流賊沿流而下七郡皆血肉矣亟率三萬水陸並進直抵鳳凰山五日破之汝爲自焚死斬其二弟岳言以徇擒其謀主謝嚮施達及裨將陸必強等五百餘人

綱目建炎四年秋八月建人范汝爲作亂紹興二年壬春正月韓世忠拔建州范汝爲自焚死

戚方江淮宣撫司將已酉十二月丁丑方擁衆叛犯鎮江府殺守臣胡唐老庚戌三月方陷廣德軍五月岳飛擊破之七月方降于張俊綱目建炎四年春三月盜戚方陷廣德軍夏六月戚方降于張俊郭吉宜與盜也已酉十二月吉聞岳飛來遁入湖飛遣王貴等追破之又遣辨士馬臯林聚盡降其衆有張威武者不從飛單騎入其營

斬之

馮長寧爲淮寧鎮撫使庚戌九月金立劉豫爲齊帝十月長寧叛以城附豫

張琪江東賊也庚戌十月犯建康府

李敦仁虔州賊也庚戌十月敦仁及弟世雄破石城縣

楊華祝友鍾王善餘黨也庚戌十月華友復作亂

張用相州人爲盜庚戌五月復寇江西岳飛以書諭之曰吾與汝同里欲戰則出不戰則降遂帥衆降江淮悉平

曹成江東間羣盜也辛亥十二月成寇漢陽鄂州屯攸縣湖東安撫使回子諶招之成聽命子諶遣使招成欲圖之而援兵不至成忿于諶扼已卽擁衆而南官軍追成入探其諶而去詔岳飛等

之壬子四月成擁衆十餘萬由江西歷湖湘據道賀二州安撫使權荆湖東路安撫都總管知潭州付金字牌黃旗招成成聞飛至爲曰岳家軍來矣卽遁飛追至賀州力戰大破之成乃自桂嶺置砦至北藏嶺連控隘道以衆十餘萬守蓬頭嶺飛部千人一鼓登嶺破其衆成奔連州飛謂部將張憲徐慶王貴曰成黨散去追而殺之則脅從者可憫縱之則復聚爲盜今遣若等誅其首而撫其衆於是憲自賀連慶自邵遣貴自郴桂招降者二萬與飛會連州進討成走入邵州五月韓世忠旣平范汝爲旋師永嘉若將休息者忽由處信徑至豫章連營江濱數十里羣賊不虞其至大驚世忠因使董收招成成方爲岳飛所追乃率衆降得戰士八萬遣詣行在

綱目紹興元年辛亥冬十二月盜曹成陷道州二年夏四月岳飛追

曹成大敗之成走邵州五月韓世忠招曹成降之

徐文

人勇力過人揮刀重五十斤所向無前衆呼爲徐大刀以功爲淮東浙西沿海水軍都統制諸將忌之譖其將叛癸丑四月朝廷遣兵襲之文遂以所部海舟六十艘官軍四千餘自明州浮海抵鹽城降于劉豫曰沿海無備二浙可襲也豫大喜以文知萊州令帥其衆寇通泰州

綱目紹興三年夏四月水軍都統制徐文以衆叛附劉豫

趙延壽呂頤浩將也壬子四月詔呂頤浩都督江淮荆浙諸軍事開府鎮江五月頤浩至常州以延壽爲前軍將延壽兵叛于呂城鎮遂犯金壇殺知縣胡思忠頤浩聞衆仲死已悔出師及延壽疾之稱疾不進王德追延壽至建平而斬之頤浩幸而得免

綱目紹興二年壬子夏五月呂頤浩前軍將趙延壽叛頤浩次于常

州王德追延壽至建平誅之

虔

彭友虔州固石洞賊也紹興癸丑六月時虔吉盜連兵寇掠循梅廣惠英韶南安南雄建昌邵武汀諸州帝專命岳飛平之飛至虔彭友悉衆至雩都迎戰躍馬馳突飛麾兵即馬上擒之餘黨退保固石洞洞高峻環水止一徑可入飛列騎山下令皆持滿黎明遣死士疾馳登山賊衆亂棄山而下騎兵圍之賊呼丐命飛令勿殺受其降因授徐慶等方略捕諸郡餘賊皆破降之

綱目紹興三年癸丑夏六月岳飛討江廣羣盜悉平之

張安國山東耿京將也壬午正月時金主亮死中原豪傑並起山東

忠義軍耿京聚兵山東據東平自稱天平節度使節制山東河北忠義軍馬以辛棄疾掌書記棄疾勸京南向京遣棄疾奉表來歸帝見大悅以京知東平府持節召京二月安國殺京以降于金棄疾還至海州與衆謀曰我緣主帥來歸朝不期事變何以復命乃約李寶統制王世隆忠義全福等徑趨金營即帳中縛安國獻于臨安斬之綱目紹興三十二年壬春正月山東人耿京起兵復東平遣其將辛棄疾來朝閏二月耿京將張安國殺京以降金辛棄疾還執安國送臨安斬之

右高宗之世

李金湖南柳州宜章縣盜也孝宗隆興甲申春金焚掠州縣討平之乾道乙酉五月金等復作亂朝廷憂之以胡瑛爲安撫使入境聲言發郡縣兵討擊而移書制使沈介請以便宜出師介即遣田寶勸欽等以兵至瑛令寶等擊賊破之追至莽山賊黨曹彥黃瑛執金以降蕭榮淮北紅巾賊首也乙酉十月賊踰淮劫掠知楚州胡明擊殺之卮言曰紹興之初天下盜起韓岳諸將相繼蕩平自此五十餘年雖敵國之難方殷而巨盜之驚鮮聞謂非諸將之餘威遺烈乎李接廣西妖賊也淳熙己亥六月接破鬱林州守臣李端卿棄城遁圍化州命經略司討捕之端卿梅州編管庚子正月劉焞討接平之右孝宗以後

沈師潮州賊也辛丑三月師作亂趣帥憲捕之

李元礪江西人理宗嘉定庚午四月元礪犯南雄州官軍大敗六月元礪數敗官軍于江西勢益熾江西帥李玨漕使王補之議平之而

各持其說通司幹辦李燾曰寇非吾民耶豈必皆惡有司貪刻者激之將校之邀功者逼成之耳反是而行之則皆民矣帥漕曰幹辦議是誰可行者燾請自往乃駐兵萬安會近峒諸巡尉察隅保之尤無良者易置之分兵守險馳辨士諭賊迎順禍福寇皆帖服冬十月丙寅湖南賊羅世傳縛元礪以降峒寇悉平辛未正月元礪伏誅九月羅世傳爲其黨所殺

程彥暉蘭州盜也乙亥八月彥暉求內附四川制置使董居誼却之張福興元軍士也理宗嘉定己卯閏三月福與莫簡等作亂以紅巾爲號擁衆入利州聶子述退保劔門徵鹽泉觀使安丙子癸仲兼節制軍馬任討賊之事癸仲召河州都統張威等帥衆來會福等殺總領財賦楊九鼎遂掠閬州果州

檄使六月福擁衆薄遂寧權府事程遇孫棄城走福入遂寧焚其城遂入普州守臣張已之棄城走福屯于普州之茗山安丙自果州如遂寧下令諸軍合圍絕其樵汲之路以困之張威兵至福遂請降威執之以獻于安丙七月丙申安丙誅福命巒王大才以祭楊九鼎旣而張威捕莫簡及一千三百餘人誅之紅巾賊悉平

綱目理宗嘉定十二年祀春三月興元卒張福等作亂夏四月陷利州六月四川宣撫使安丙討誅之

李全維州北海農家子同產兄弟三人全銳頭蠡目權譎善下人以弓馬趨捷能運鐵時號李鐵槍初蒙古破中都金主走汴民苦橫歛思亂於是劉二祖起泰安掠淄沂二祖死霍儀繼之彭義斌石珪夏全時青裴淵葛平楊德廣王顯忠等附之楊安兒起掠莒密展徽王

敏爲謀主母舅謝全爲帥汲君立王琳閻通董友張正中孫武正等附之餘寇蠶起蒙古兵至山東全母及其兄死焉全與仲兄福聚衆數千鈔掠山東劉慶福國安用鄭衍德田四千洋等咸附之蒙古兵退全乃遣兵討捕安兒安兒敗死其妹四娘子狡悍善騎射劉全等奉而統之稱曰姑姑衆尚萬餘全以其衆附之楊氏因與私通遂嫁之以爲夫丁丑七月全從季先以五千人附高忠皎忠皎與合兵攻海州糧援不繼退屯東海知楚州應純之見北軍屢捷密聞于朝謂中原可復時頻歲小稔朝野無事丞相史彌遠鑒開禧之事不明招納密敕李玨應純之慰接之號忠義軍就聽節制給忠義糧於是東海馬良高林宋德珍等輻輳連水李全等生羨心焉十二月來歸合兵攻金全分兵破莒州兄福克青州始授全武翼大夫京東副總管

景遷至招信軍節度使理宗寶慶乙酉二月全作亂焚楚州制置許國走死詔以徐晞稷爲制置使攝之丙戌三月蒙古圍全于青州全與兄福謀全留青福還楚丁亥五月全以青州降蒙古朝廷聞全爲蒙古所圍稍欲圖之以徐希稷長儒罷之以劉瑄爲淮東制置使代晞稷而以鎮江副都統彭卬代瑄知盱眙十一月瑄至楚州彭卬與盱眙總管夏全謀作亂時傳李全已死全妻楊氏使人行成于夏全因盛飾出迎事之爲夫全反與福謀逐瑄遂圍楚州瑄縋城僅以身免夏全暮歸李全營楊氏拒之全因大掠趨盱眙欲爲亂盱眙將張惠等進閉城門夏全不得入狼狽降金朝廷以姚翀嘗與李全交驩以爲淮東制置使五月李全以青州降蒙古姚翀寄治僧寺中奉楊氏甚謹楚州自亂後儲積無餘綱運不續賊黨籍籍謂福所致福

謂衆口數見狎促之狎辭以朝廷辦降未下六月福乘衆怒與全妻楊氏謀召狎欲殺之鄭衍德救之得免去鬚鬢縋城夜走歸明州死朝廷以淮亂相仍遣帥必斃始欲輕淮而重江楚州不復建閫就以其帥楊紹雲兼制置使改楚州爲淮安軍命通判張國明權守視之若鞫縻州然七月張林等帥衆執福斬之有郭統制者殺全次子及全妾劉氏并福首獻於楊紹雲紹雲馳送臨安全聞之力告蒙古大將求南還乃承制授全山東淮南行省全入淮安遂殺張林郭統制等金人封全爲淮南王全不受誘殺時青併其衆庚寅五月朝廷以全爲彰化保康節度使京東鎮撫使全不受命十二月全攻泰州克之引兵趨揚州節制趙范趙葵會師擊敗之辛卯正月全浚圍城塹范葵奮擊大破之全走新塘官軍追及亂刺殺之支解其尸餘黨欲潰國安用不從議推一人爲首莫肯相下欲還淮安奉全妻楊氏范葵追擊大破之進軍淮安賊屢敗全妻楊氏謂鄭衍德曰二十年梨花鎗天下無敵手今事勢已去撐柱不行汝等未降者以我在故耳遂絕淮而去其黨納款軍門趙范許之淮安遂平

綱目理宗嘉定七年

甲戌

冬十二月女真離州李全兵起十年

丁丑秋

七月李全率衆來歸十一年

戊寅

春正月以李全爲京東路總管寶

慶元年

乙酉

春二月李全作亂焚楚州三年

丁亥

夏五月李全以青州

降蒙古冬十二月蒙古封李全爲淮南王全不受紹定四年

甲辰春

正月趙范趙葵大敗李全于揚州城下全走死

李壇全之子也小字松壽全死妻楊氏以壇降于蒙古

以爲山東行省

乙卯六月壇葺舊海城將窺海道賈似道遣師敗之戊午十一月壇

陷海州漣水軍拔四城殺官軍幾盡維揚大震賈似道上書請罪詔
不問庚申六月壇攻淮安李庭芝擊敗之八月壇乞遣將益兵渡淮
攻宋蒙古主以方遣使修好不從九月壇復請攻宋蒙古主復諭止
之壇自蒙古主卽位便有南歸之志前後所奏凡數十事皆惘疑意
喝以動蒙古而自爲完繕益兵計壬戌二月壇召其子彥簡于開平
修築濟南益都等城壁遂殲蒙古戍兵以漣海三城來歸獻京東郡
將請贖父過仍遣總管李毅等傳檄列郡詔授壇保信寧武軍節度
使督視京東河北路軍馬封齊郡王復其父全官爵改漣水爲安東
州三月蒙古王文統使其子堯通好于壇事覺被殺四月壇引麾下
具舟艦還攻益都入之發府庫以犒師遂復淄川五月蒙古主命諸
王哈必赤總諸道兵擊壇兵勢甚張復命丞相史天澤往諸將皆受
節制天澤至濟南圍之壇出戰而敗退保城朝廷遣青給銀五萬兩
下益都府犒軍遣青陽夢炎帥師援之夢炎至山東不敢進而還八
月史天澤圍濟南壇勢蹙董文炳抵城下呼壇愛將田都帥者曰反
者壇耳餘來卽吾人毋自取死也田縋城降壇猶日夜拒守分軍就
食民家發其蓋藏以繼不足則家賦之鹽令以人爲食壇知城且破
乃手刃妻妾乘舟入大明湖自投水中水淺不得死爲蒙古所獲史
天澤殺之解其體以徇三齊復爲蒙古所有事聞贈壇檢校太師賜
廟額曰顯忠

綱目景定三年壬戌春二月蒙古江淮大都督李壇以京東來歸詔
封壇爲齊郡王復其父全官爵秋八月蒙古陷濟南李壇死之
張氏時泰曰李壇之父李全本宋臣也壇之來歸正也可謂蓋父

之愆者矣綱目以死節予之豈不宜哉

卮言曰李全宋臣也乃叛宋而盜江淮李壇蒙古臣也又背蒙古而歸本朝雖固守而死不得與唐田弘正王承元等同類而稱也故系之此篇觀者得之

夏全盱眙忠義軍卒也寶慶丙戌十一月徐晞稷罷以劉瑋爲淮東制置使瑋至楚州心知不能制馭盱眙四總管惟以鎮江兵三萬自隨全請從瑋素畏其狡不許知盱眙軍彭佗自以資望視瑋更淺曰瑋止夏全是欲遣盱眙瑋猶懼夏全我何能用乃教夏全反全忻然帥兵徑入楚城時青亦自入屯城內瑋懼復就二人謀之瑋令全盛兵楚城全反與李全通謀遣瑋之國楚州瑋僅以身免

詳前條

綱目寶慶二年

丙戌

十一月

行

夏全

反

李全

張惠盱眙忠義軍總管也嘉熙丁亥七月詔知盱眙軍彭佗及惠與總管范成進時青等并兵往楚州使便宜盡戮李全餘黨佗輕假不爲惠等所服得檄不敢自決請制府及朝廷處之朝議以時青望重檄青區畫青恐禍及密遣人報全於青州遷延不決惠成進以朝檄專委青而不及已乃歸盱眙設燕邀任乘其醉縛之渡淮以盱眙降于金金人俾惠專制河南以拒蒙古而使總帥完顏訛可戍之

宋史臣曰按宋南渡偏安一隅惟恃長江之險以爲固而淮則江之蔽也故欲守江必先守淮今以淮不能守而視之若羈縻州然則是自撤其藩籬我所恃以爲險者固已與敵共之矣何以爲國乎此宋之所以終不競也

卮言曰按宋史云初李全等率衆來歸丞相史彌遠鑒開禧之事

不明招納密敕知楚州應純之慰接之號忠義軍就聽節制給忠義糧於是東海馬良高等萬人輻輳漣水李全等生羨心焉及曹涉知楚州遂用李全以敗金人全譖副都統季先於涉涉殺之其下推石珪爲帥珪叛涉遂命李全併將漣水之衆乙酉二月李全作亂焚楚州淮東制置使許國走死以徐晞爲制置使以撫之丙戌十月徐晞稷劉瑋代之夏全作亂逐瑋以降金丁亥二月復以姚翀代瑋李福作亂又逐翀遂改楚州爲淮安軍不復制閩是秋張惠等又執其將以盱眙降金是皆所名爲忠義軍也忠義何有哉宋之君臣以虛名相蒙乃欲以虛名誘亂賊不足以責實效適足以亂名教也

王旻襄陽北軍將也端平丙申三月荆湖制置使趙范在襄陽以旻既而南北軍交爭范失於撫御於是旻伯淵焚襄陽城郭倉庫相繼降於蒙古時城中官吏尚四萬七千有奇財粟在庫者無慮三十萬軍器二十四庫皆爲蒙古所有金銀鹽鈔不與焉南軍將李虎不救焚不定變反因勢劫掠襄陽爲之一空

綱目端平元年甲午春三月襄陽將王旻作亂以城降蒙古

田世顯成都部將也淳祐辛丑十一月蒙古塔海部汪世顯等復入蜀進圍成都制置使陳隆之守彌旬誓與城存亡世顯潛送款于蒙古乘夜開門北兵突入隆之不降死之漢州兵三千出戰盡爲蒙古所屠

綱目淳祐元年辛丑冬十一月成都將田世顯叛以城降蒙古

楊大淵閬州守將也寶祐戊午十二月蒙古主取隆雅州至閬之大
獲山遣王仲入招大淵大淵殺之蒙古主督諸軍力攻大淵懼遂以
城降推官趙廣死之已而大淵逃回蒙古主怒欲屠其城將官李忽
蘭曰大淵去事未可測亟追之乃單騎至城下門未閉大呼入城曰
皇帝使我撫汝軍民卽下馬執大淵手曰上方宣諭賜賞不待而來
何也大淵曰恐城寨有他變是以亟歸耳因與偕來蒙古主悅以大
淵爲都元帥

綱目寶祐六年戊午冬十二月蒙古主蒙哥入閬州守將楊大淵以
城降

劉整世京兆樊川人徙鄧州穰城整沉毅有智謀善騎射金亂入宋
謀荆湖制置使孟珙麾下累遷爲潼川安撫使已未八月蒙古忽必

和於蒙古忽必烈引還鄂州圍解三月似道還朝四月蒙古忽必烈
立似道爲道之出督也嘗憾高連曹世雄之輕已今呂文德招撫其
罪逼世雄死達亦廢棄整聞之懼會俞興帥蜀整素與興有隙而似
道方會計邊贊興遣吏下整整訴于朝不得達心益不安辛酉六月
整遂藉瀘州十五郡衆三十萬降于蒙古蒙古以整爲夔路行省兼
安撫使整驍將也蒙古主旣得之由是盡得國事虛實而似道不以
爲虞整之將叛也命制置司參謀官許彪孫草表彪孫不屈合門仰
藥死八月俞興以劉整叛移檄討之會蒙古成都經略使劉元振將
兵來赴整至瀘興進軍圍之晝夜急攻城幾陷左右勸元振曰事勢
如此宜思變通整本非吾人與俱死無益也元振曰人以誠歸我旣

受其降豈可以惡而乘之且瀘之得失關國家利害吾有死而已未
幾援兵至元振與整出城合擊大敗之興退走朝廷以興姒功啓戎
罷任鐫職以文德爲宣撫使壬戌正月劉整率所部入朝于蒙古文
德遂入瀘州詔改爲江安軍七月劉整言于蒙古曰南人惟恃呂文
德耳然可以利誘也請遣以玉帶餽之求置榷場於襄陽城外蒙古
從之至鄂請于文德文德許之蒙古使曰南人無信安豐等處榷場
每爲盜所掠願築土墻以護物貨文德不許或謂文德曰榷場成我
之利且可因以通好文德爲請於朝開榷場于樊城外築土墻於鹿
門山外通互市內築堡壁蒙古又築堡于白鶴由是敵有所守以遏
南北之援時出兵哨掠襄樊城外兵威益熾文德弟文煥知爲蒙古
所賣以書諫正文德始悟然事已無及蒙古以整爲宣慰使甲子十

宗崩度宗卽位丁卯十二月以呂文煥爲京西安撫副使知襄
陽府整言于蒙古主請復襄陽蒙古主從之乃命阿木與整徑略襄
陽阿木駐馬虎頭山顧漢東白河口曰若築壘于此以斷宋餉道襄
陽可圖也遂城其地呂文煥大懼遣人以獵書告呂文德文德怒且
罵曰汝夢妄言邀功賞設有之亦假城耳襄樊城池堅深兵儲支十
年今呂大堅守果整妄作春水至吾往取之比至恐其遁去耳議者
竊笑之戊辰九月整與阿木計練水軍七萬築圍城以逼襄陽己巳
正月蒙古括諸路兵以益襄陽之師遣史天澤與宗王大臣往經畫
之天澤至呂文煥遣使餉以鹽茗天澤築長圍起萬山包百丈山令
南北不相通貯兵儲絕聲援示宋以久駐必取襄陽之意十一月呂
文德卒賈似道以其婿范文虎爲殿前總領禁兵以救襄樊辛未六

月文虎帥師至鹿門而遁十一月蒙古改國號曰元壬申正月李庭芝使統制張順張貴將兵救襄陽與蒙古戰敗績死之十一月朝廷患整為元用詔以整為盧龍軍節度使封燕郡王遣永寧人齎告身及金印牙符期致之整既入元事覺整自軍中入見元主曰此宋患臣用兵襄陽欲以此殺臣耳元主詔磔其人且遺書來責執政癸酉二月呂文煥以襄陽降元甲戌七月度宗崩子嘉國熈即位九月伯顏分道入寇伯顏由棗陽入漢江以呂文煥為前鋒博羅權由東道取揚州以整將騎兵先行整銳欲渡江伯顏不可乙亥正月整帥騎兵攻無為軍久而不克聞呂文煥入鄂捷至失聲曰首帥東我使我成功後于人遂發憤死于無為城下

綱目景定元年

蒙古主中統二年

夏六月潼川安撫使劉整以瀘州叛降

咸淳四年

辰

秋九月蒙古阿木剌整圍襄陽十年

甲戌

秋九月劉整

以博羅權趨淮西德祐元年乙亥春元中書左丞劉整死于無為元丘氏濬曰劉整降元元用之為中書左丞矣史綱不以元書而書叛賊劉整死何嗚呼此所以絕後世亂臣賊子之惡念也彼其所以甘心夷虜之臣而為其效力者欲希一時之富貴以為身榮也愚故痛加誅絕使後世之亂臣賊子不臣而黨異類者視此為戒咸知人生幾何雖可僥倖於生前而卒不能逃公論於後世庶幾中國少禍亂乎或曰春秋據事直書而善惡自見今不書其官而名以叛賊無乃非書法乎史綱書此所以示萬世之愚民悍卒使人人易曉也豈敢上擬春秋乎危言曰亂臣賊子豈必書其為賊而後見哉愚民悍卒目不知書

豈數字可曉丘氏以書叛賊爲書法其論迂鄙矣故續綱目不取
呂文德初爲侍衛副都指揮使總兩淮軍馬甲辰六月蒙古圍壽春
文德解其圍以文德爲淮西招撫使乙巳二月文德敗蒙古于五河
復其城開慶己未三月遷四川制置副使及蒙古史天澤戰于嘉陵
江文德十一月以文德知鄂州景定辛酉六月劉整以瀘州叛俞興
討之敗績昭罷興以文德兼四川宣撫使咸淳己巳十二月文德以
置榷場爲恨每曰誤國家者我也因疽發背乞致仕詔授少師封衛
國公卒及文德弟文煥以襄陽叛降元爲元嚮導之亥十二月追封
文德爲和義郡王而以文德子立爲兵部侍郎覬成和議
張氏時泰曰呂文煥之叛亦止發自得志之秋雖封文德爲帝亦
不能變其心也無乃不宿之世乎若然則不若不籍文煥之家爲

馬

庖言曰呂文德非叛也而系之亂賊篇者以文煥爲弟師夔爲子
也且受玉帶之饋而請置榷場元人以是得志襄漢文德貪昧之
惡稔矣文德死自以誤國爲恨而猶贈官少師封爵衛公賞何功
哉是時賈似道專權黨於呂氏故生從其言沒厚其典及呂文煥
困於襄陽朝議欲遣高遵援之而似道猶曰如呂氏何卒降于元
則呂氏之賊求其來久矣故并系之此篇呂氏父子兄弟藉聲勢
據重權強敵未臨猶可雍容驕貴坐享厚利及敵威旣振賣國投
降之恐後矣賈似道結黨誤國無怪其然當時以謝枋得之賢亦
不識呂氏之姦而以一族保其可信豈非勢家大族虛名偽行之
在人者亦足以惑世歟

呂文煥文德弟也丁卯十二月爲京西安撫副使知襄陽府戊辰九月蒙古阿木劉整圍襄陽壬申五月襄陽被圍五年援兵不至文煥竭力拒之李庭芝使統制張順張貴將兵救襄陽與蒙古戰敗死之癸酉二月襄陽久困援絕撤屋爲薪緝關會爲衣文煥每一巡城南望慟哭而後下告急於朝賈似道累上書請行邊而陰使臺諫上章留已樊城既陷復申請之事下公卿雜議監察御史陳堅等以爲師臣出顧襄未必能及淮顧淮未必能及襄不若居中以運天下帝從之時羣臣多言高達可援襄陽者御史李旺入言於似道似道曰吾用達如呂氏何旺出嘆曰呂氏安則趙氏危矣文煥聞達且至亦不樂以語其客客曰易耳今朝廷以襄急故遣達君以提聞則達必不從遣矣文煥大以爲然會獲元哨騎數人文煥即獻以大捷奏然不

知朝中實無援襄事也未幾阿里海涯帥總管唆都等移破城以向襄陽一礮中其譙樓城中洶洶諸將多踰城降者初劉整馬獨前與文煥語爲文煥伏弩所中幸甲堅不入至是欲立碎其執文煥以快意阿里海涯不可乃身至城下宣元主所降詔諭文煥詔曰爾等拒守孤城于今五年宣力於主固其宜也然勢窮援絕知數萬生靈何若能納款悉赦弗治且加遷擢文煥狐疑未決因折矢與之誓文煥乃出降先納堯鑰次獻城邑且陳攻取之策請已爲前鋒阿木入襄陽阿里海涯遂偕文煥朝燕元主以文煥爲襄漢大都督事聞賈似道言于帝曰臣始屢請行邊陛下不之許向使早聽臣出當不至此文煥兄知廬州文福文德子知靜江府師夔俱上表待罪似道底之詔皆不問

賈似道欺君賣國之罪不在呂文煥劉整之下故附見于此

甲戌九月元

伯顏分大軍爲兩道自與阿木由襄陽入漢濟江以文煥將舟師爲前鋒博羅權由東道取揚州監淮東兵以劉整將騎兵先行十月伯顏攻郢州張世傑力戰禦之伯顏遂潛兵入漢屠沙陽陷新郢十二月伯顏遂取郢州引兵東下趨臨安及陷平江入臨安皆文煥爲之嚮導也乙亥三月元兵入無錫詔諭文煥及陳奕范文虎使通好息兵五月籍其家丙子二月入臨安伯顏令文煥及文虎等慰諭太皇太后文煥因入內上表謝而出有曰茲啣北命來抗南師視以犬馬報以寇讐非曰子弟攻其父母不得已也尚何言哉

丘氏濬曰嗚呼呂文煥劉整千載名教之罪人也文煥守襄歷年無救不得已而爲一郡之生靈救命整爲權奸所害不得已而爲避禍之計揆之正理固已失臣節矣然猶有可諉者恐恥偷生苟

度殘年而甘與草木同腐幸矣何忍而又爲異類之嚮導以戕我同類伐其父祖之邦獨不思所以爲我仇者權奸也吾君有何罪乎縱使有罪臣子亦無讐君父之理况吾國家阽危主幼而母老乎二人者梟獍豺狼之類誠狐兔之不如也

綱目咸淳九年

元至元元癸酉

春二月呂文煥以襄陽叛降元十年

甲戌秋

九月呂文煥以伯顏趨郢州帝累德祐元年亥春正月詔諭呂文煥陳奕范文虎使通好息兵夏五月籍呂文煥陳奕范文虎家

周氏曰按春秋定十三年書晉趙鞅入于晉陽以叛晉荀寅士吉射入于朝歌以叛胡文定公傳春秋參之左氏所載韞魏爲趙氏請于晉侯之事乃知三子之叛其罪則一鞅以有援故得復寅吉射以無助故終叛按春秋書鞅歸于晉者非與之也叛

逆人臣之大惡晉侯不能奉行天討乃徇韓魏之請故春秋書以罪之今文煥父子兄弟均為宋臣均受宋祿雖萬死不足以償國恩襄圍六年勢固危迫然為君死守者人臣之職分耳夫何偷生苟免以城降元厥後一門相繼叛逆非文煥有以啓之乎雖然人臣無叛叛及三族宋不能按罪行辟而使逆豎前後率虜豈不自縱其亂賊耶噫有罪不討有惡不誅刑政既失紀綱大壞雖欲不亡其可得哉直書叛降所以著其不赦之罪而

元人可導以殘本朝曾禽獸之不若矣

劉呂背逆固無足責綱目許書以垂訓耳

張氏曰度宗虛器耳雖然賈賊以計愚之適足以自愚也何也蓋君與相臣一體而已烏有賊虜受病而四肢獨安者乎

文煥之降于元其罪固顯然矣然繩以春秋之法則當首賈賊

而從文煥焉

呂師夔文德之子也初賈似道以師夔提舉江州興國宮師夔請募兵以禦元詔與知州錢真孫同募乙亥正月賈似道承制召師夔為刑部尚書督府參贊軍事任中流調遣師夔不受命與真孫降元伯顏以師夔知江州時知壽昌軍胡夢麟寓治江州自殺知南康軍葉闡知德安府來興國知六安軍曹明俱迎降于江州謝枋得自以與呂師夔善乃應詔上書以一族保師夔可信乞分沿江諸屯兵以師夔為鎮撫使使之行戍且乞身至江州見文煥與議朝廷乃以枋得為沿江察訪使以往會文煥北還不及而反遂改知信州丙子正月師夔寇江東枋得迎戰于安仁矢盡而敗遂奔建寧十月師夔將兵度寧遠入韶州

綱目德祐元年春正月賈似道以呂師夔參贊都督府軍事師夔不受命以江州叛降元

呂文福文煥之兄也為五郡鎮撫使乙亥三月趣文福將兵入衛文福殺使者叛入江州

綱目書法如上文呂氏負國一門序逆詳前條周氏之論不錄

范文虎呂文德之婿也已巳十二月文德卒賈似道以文虎總領禁兵文虎貽書似道曰吾將兵數萬入襄陽一戰可平但願無使聽命于京闈事成則功歸恩相矣似道即命文虎之兵從中制之李庭芝屢約進兵文虎但與伎妾嬖幸擊鞠飲宴為樂以取旨未至為辭庚午十月詔文虎總中外諸軍救襄樊辛未六月文虎帥師至鹿門而遁癸酉正月樊城陷二月呂文煥以襄陽降元六月冷事申陳宜中言襄樊之失皆由文虎怯懦逃遁乞斬之

五月文虎遣人以酒饌如江州迎元軍且請伯顏速來伯顏使阿朮以舟師先至安慶文虎遂以城降伯顏承制授文虎兩浙大都督丙子二月伯顏入臨安承制以臨安為兩浙大都督府命文虎入城治都督府事使追益王廣王不及而還

綱目德祐元年乙亥春正月范文虎以安慶叛降蒙古元

陳奕 人質似道有玉工曰陳振民奔以兄事之以求進自小官

歷顯要遂掌禁兵癸酉十一月以奔為沿江制置使兼知黃州甲戌十二月元伯顏遣程鵬飛至黃州招諭奔奔使人過江請降且求名伯顏曰汝既率眾來歸何必慮及名爵以沿江大都督許之奕大喜遂以城降仍以書招知蘄州管景模景模亦降時沿江諸郡皆呂氏舊部曲望風款附又以書誘其子巖以安東州降元

綱目德祐元年冬十二月陳奕以黃州叛降元

潛說友知平江府乙亥三月以平江府叛降元丁丑二月元主改福

安府爲福州以友爲福州宣慰使三月元將李雄殺之自此以下以城叛降元者

綱目書法
並同不錄

高達爲湖北制置知江陵府初達解鄂圍賈似道許以建節後忌而不與達遂怨望乙亥五月元阿里海崖自岳州攻江陵達戰屢敗及元屠沙市達與京湖四川宣撫使朱禩孫及提刑青陽夢炎等遂出降阿里海崖入城命禩孫移檄所部歸附於是歸峽鄂復諸州郡相繼皆降阿里海崖承制並復官守江陵元主授達參知政事禩孫至上都死

旨萬壽爲成都安撫使乙亥六月元召汪良臣入朝命行西川樞密

成都被兵久須卿安集之良臣進攻嘉定萬壽堅守不出良臣度有伏兵搜山谷果得而殺之進壘薄城萬壽悉軍出戰大敗遂籍境內三龜九紫雲諸城降元元以萬壽僉西川行樞密院事

黃萬石乙亥二月爲江西制置使十二月萬石舉軍降元

夏貴爲沿江制置副使將兵援襄樊貴襲蒙古阿木于新鄂大敗死者甚衆癸酉二月襄陽叛降元十一月李庭芝請分所部兩淮制置爲二司以淮東屬李庭芝兼知揚州以淮西屬貴兼知廬州甲戌十二月元伯顏攻陽邏堡貴帥師拒之伯顏攻拔楊邏堡貴棄師走還伯顏遂取鄂州乙亥二月賈似道出師次于蕪湖貴引兵會之袖中一編書示似道曰宋歷三百二十年似道俛首而已似道使孫虎臣軍于池州貴以戰艘二千五百艘橫亘江中似道自將後軍軍魯港

貴嘗失利於鄂恐督府成功無所逃罪又忌虎臣新進出已上殊無
關志伯顏阿木合擊虎臣軍遂亂貴不戰而走賈似道召貴計事貴
曰師相惟有入揚州招潰兵迎駕海上吾當以死守淮西耳遂解舟
去似道乃與虎臣奔揚州江淮諸軍俱相繼降元七月加貴樞密副
使兩淮宣撫大使與知揚州朱煥互調貴不奉詔丙子二月元兵攻
廬州貴以書抵伯顏曰願毋費國力攻奪邊城若行都歸附邊城焉
往至是舉所部納款于元元以貴爲淮西安撫使

綱目德祐元年秋七月加夏貴樞密副使兩淮宣撫大使貴不奉
詔二年_{丙子}春二月夏貴以淮西叛降元

留夢炎以故相爲江東西湖南北宣撫大使丙子三月元師入臨安
帝走瓜州閏月衢發諸州皆復起兵攻嚴州元守將咬都運戰三月

州衛守備甚嚴咬都攻拔其城夢炎遂降

積翁福建人丙子三月元伯顏入臨安以帝及皇太后金氏福王
與芮等北去五月朔益王卽位于福州八月以積翁爲福建招捕使
兼知南劍州備禦上三州十一月元兵入建寧府積翁棄南劍州走
行都遣人納款于元元軍侵福安積翁爲內應遂與王剛中同降甲
申二月元遣積翁使日本未至舟人殺之

蒲壽庚爲泉州招撫使丙子十一月帝舟泊泉州港壽庚來謁請駐
蹕張世傑不可初壽庚提舉市舶擅舶利者三十年或勸世傑留壽
庚不遣則凡海舶不令自隨世傑不從縱之歸旣而舟不足掠其舟
并沒其貨壽庚怒殺諸宗室及士大夫與淮兵之在泉者陳宜中乃
奉帝趨潮州十二月壽庚遂與知泉州田真子以城降元丁丑七月

張世傑以元軍既退自將淮兵討壽庚時汀漳諸路劇賊盜陳弔眼及許夫人所統諸峒畚軍皆會兵勢稍振壽庚閉城自守九月帝遷潮州之淺灣張世傑使謝永進攻泉州南門不利壽庚復陰賂畚軍攻城不力得間道求救于峻都峻都來援世傑遂解圍還淺灣元師遂入福州十二月元兵襲淺灣帝舟遷于礪山洲戊寅四月帝崩衛王卽位明年二月宋亡

綱目帝昺景炎元年丙子冬十一月帝至泉州蒲壽庚作亂帝走潮州十二月壽庚以泉州叛降元

吳浚爲江西招諭使與趙潛謝枋得等分道出師興復帝室六月浚聚兵于廣昌遂復南豐宜黃寧都三縣遇元軍皆敗走八月張世傑遣都統張文虎與浚合兵十萬期必復建昌吳元將李恒戰兵敗浚奔寧都十月文天祥帥公于汀州丁丑正月元軍破汀關天祥欲據城拒敵汀守黃去疾聞帝航海擁兵有異志天祥乃移軍漳州浚與去疾降元浚因至漳州說天祥降天祥責浚以大義斬之

綱目景炎二年丁丑春二月汀守黃去疾反吳浚降元二月文天祥執吳浚誅之